

ऋग्वेदसंहिता
प्रथमोऽष्टकः
प्रथमोऽध्यायः १ वर्गाः (१-३७)

(१) प्रथमं सूक्तम्

(१-६) नवर्चस्यास्य सूक्तस्य वैश्वामित्रो मधुच्छन्दा ऋषिः । अग्निर्देवता ।

गायत्री छन्दः

हरिः ॐ

अग्निमीळे पुरोहितं यज्ञस्य देवमृत्विजम् । होतारं रत्नधातमम् १
अग्निः पूर्वेभिर्ऋषिभिरीड्यो नूतनैरुत । स देवाँ एह वक्षति २
अग्निना रयिमश्नवत् पोषमेव दिवेदिवे । यशसं वीरवत्तमम् ३
अग्ने यं यज्ञमध्वरं विश्वतः परिभूरसि । स इद् देवेषु गच्छति ४
अग्निर्होता कविक्रतुः सत्यश्चित्रश्रवस्तमः । देवो देवेभिरा गतम् ५
यदङ्ग दाशुषे त्वमग्ने भद्रं करिष्यसि । तवेत् तत् सत्यमङ्गिरः ६
उप त्वाग्ने दिवेदिवे दोषावस्तर्धिया वयम् । नमो भरन्त एमसि ७
राजन्तमध्वराणां गोपामृतस्य दीदिविम् । वर्धमानं स्वे दमे ८
स नः पितेर्वसूनवेऽग्रैसूपायनो भव । सचस्वा नः स्वस्तये ९

(२) द्वितीयं सूक्तम्

(१-६) नवर्चस्यास्य सूक्तस्य वैश्वामित्रो मधुच्छन्दा ऋषिः । (१-३) आद्यतृचस्य वायुः (४-६) द्वितीयतृचस्येन्द्रवायू (७-९) तृतीयतृचस्य च मित्रावरुणौ देवताः ।

गायत्री छन्दः

वायवा याहि दशति मे सोमा अरकृताः । तेषां पाहि श्रुधी हवम् १
वायं उक्थेभिर्जरन्ते त्वामच्छा जरितारः । सुतसोमा अहर्विदः २
वायो तव प्रपृञ्चती धेना जिगाति दाशुषे । उरूची सोमपीतये ३
इन्द्रवायू इमे सुता उप प्रयोभिरा गतम् । इन्द्रवो वामुशन्ति हि ४
वायविन्द्रश्च चेतथः सुतानां वाजिनीवसू । तावा यातमुप द्रवत् ५
वायविन्द्रश्च सुन्वत आ यातमुप निष्कृतम् । मृद्विशुत्था धिया नरा ६
मित्रं हवे पूतदक्षं वरुणं च रिशादसम् । धियं घृताचीं सार्धन्ता ७
ऋतेन मित्रावरुणा वृतावृधावृतस्पृशा । क्रतुं बृहन्तमाशाथे ८

कवी नो मित्रावरुणा तुविजाता उरुक्षया । दक्षं दधाते अपसम् ६

(३) तृतीयं सूक्तम्

(१-१२) द्वादशर्चस्यास्य सूक्तस्य वैश्वामित्रो मधुच्छन्दा ऋषिः । (१-३)
आद्यतृचस्याश्विनौ (४-६) द्वितीयतृचस्येन्द्रः (७-९) तृतीयतृचस्य विश्वे देवाः
(१०-१२) चतुर्थतृचस्य च सरस्वती देवताः । गायत्री छन्दः
अश्विना यज्वरीरिषो द्रवत्पाणी शुभस्पती । पुरुभुजा चनस्यतम् १
अश्विना पुरुदंससा नरा शवीरया धिया । धिष्या वनतं गिरः २
दस्त्रा युवाकवः सुता नासत्या वृक्तबर्हिषः । आ यातं रुद्रवर्तनी ३
इन्द्रा याहि चित्रभानो सुता इमे त्वायवः । अरवीभिस्तना पूतासः ४
इन्द्रा याहि धियेषितो विप्रजूतः सुतावतः । उप ब्रह्माणि वाघतः ५
इन्द्रा याहि तूतुजान् उप ब्रह्माणि हरिवः । सुते दधिष्व नश्चनः ६
ओमासश्चर्षणीधृतो विश्वे देवास आ गत । दाश्वंसो दाशुषः सुतम् ७
विश्वे देवासो अमुरः सुतमा गन्त तूणयः । उस्त्रा इव स्वसराणि ८
विश्वे देवासो अस्त्रिध एहिमायासो अद्रुहः । मेधं जुषन्त वह्नयः ९
पावका नः सरस्वती वाजैभिर्वाजिनीवती । यज्ञं वष्टु धियावसुः १०
चोयित्री सूनृतानां चेतन्ती सुमतीनाम् । यज्ञं दधे सरस्वती ११
महो अर्णः सरस्वती प्र चैतयति केतुना । धियो विश्वा वि राजति १२

(४) चतुर्थं सूक्तम्

(१-१०) दशर्चस्यास्य सूक्तस्य वैश्वामित्रो मधुच्छन्दा ऋषिः । इन्द्रो देवता ।

गायत्री छन्दः

सुरूपकृत्तुमूतयै सुदुघामिव गोदुहै । जुहूमसि द्यविद्यवि १
उप नः सवना गहि सोमस्य सोमपाः पिब । गोदा इद् रेवतो मदः २
अथा ते अन्तमानां विद्याम सुमतीनाम् । मा नो अति ख्य आ गहि ३
परैहि विग्रमस्तृत मिन्द्रं पृच्छा विपश्चितम् । यस्ते सखिभ्य आ वरम् ४
उत ब्रुवन्तु नो निदो निरन्यतश्चिदारत । दधाना इन्द्र इद् दुवः ५
उत नः सुभगाँ अरि वोचेयुर्दस्म कृष्टयः । स्यामेदिन्द्रस्य शर्मणि ६
एमाशुमाशवे भर यज्ञश्रियं नृमादनम् । पतयन् मन्दयत्सखम् ७
अस्य पीत्वा शतक्रतो घनो वृत्राणामभवः । प्रावो वाजेषु वाजिनम् ८

तं त्वा वाजेषु वाजिनं वाज्यामः शतक्रतो । धनानामिन्द्र सातयै ६
यो रायोऽवनिर्महान्त् सुपारः सुन्वतः सर्वा । तस्मा इन्द्राय गायत १०

(५) पञ्चमं सूक्तम्

(१-१०) दशर्चस्यास्य सूक्तस्य वैश्वामित्रो मधुच्छन्दा ऋषिः । इन्द्रो देवता ।
गायत्री छन्दः

आ त्वेता नि षीदते न्द्रमभि प्र गायत । सर्वायुः स्तोमवाहसः १
पुरूतमं पुरूणा मीशानं वार्याणाम् । इन्द्रं सोमे सचा सुते २
स घा नो योग आ भुवत् स राये स पुरंध्याम् । गमद्वाजैभिरा स नः ३
यस्य संस्थे न वृषवते हरीं समत्सु शत्रवः । तस्मा इन्द्राय गायत ४
सुतपावने सुता इमे शुचयो यन्ति वीतयै । सोमासो दध्याशिरः ५
त्वं सुतस्य पीतयै सद्यो वृद्धो अजायथाः । इन्द्र ज्यैष्ठ्याय सुक्रतो ६
आ त्वा विशन्त्वाशवः सोमास इन्द्र गिर्वणः । शं तै सन्तु प्रचेतसे ७
त्वां स्तोमा अवीवृधन् त्वामुक्था शतक्रतो । त्वां वर्धन्तु नो गिरः ८
अक्षितोतिः सनेदिमं वाजमिन्द्रः सहस्त्रिणाम् । यस्मिन् विश्वानि पौस्या ९
मा नो मर्ता अभि दुहन् तनूनामिन्द्र गिर्वणः । ईशानो यवया वृधम् १०

(६) षष्ठं सूक्तम्

(१-१०) दशर्चस्यास्य सूक्तस्य वैश्वामित्रो मधुच्छन्दा ऋषिः । (१-३, १०)
आद्यानां तिसृणां दशम्याश्चेन्द्रः (४-६) चतुर्थीतः षण्णां मरुतः, तत्रापि (५, ७)
पञ्चमीसप्तम्योश्चेन्द्रो देवताः । गायत्री छन्दः

युञ्जन्ति ब्रध्नमरुषं चरन्तं परि तस्थुषः । रोचन्ते रोचना दिवि १
युञ्जन्त्यस्य काम्या हरी विपक्षसा रथे । शोणा धृष्ण नृवाहसा २
केतुं कृषवन्नकेतवे पेशौ मर्या अपेशसे । समुषद्विरजायथाः ३
आदह स्वधामनु पुनर्गर्भत्वमैरिरे । दधाना नाम युजियम् ४
वीळु चिदारुजत्तुभिर्गुहा चिदिन्द्र वह्निभिः । अविन्द उस्त्रिया अनु ५
देवयन्तो यथा मृति मच्छा विदद्वसु गिरः । महामनूषत श्रुतम् ६
इन्द्रेण सं हि दृक्षसे संजग्मानो अबिभ्युषा । मन्दू समानवर्चसा ७
अनवद्यैरभिद्युभिर्मुखः सहस्वदर्चति । गणैरिन्द्रस्य काम्यैः ८
अतः परिज्मन्ना गहि दिवो वा रोचनादधि । समस्मिन्नृञ्जते गिरः ९

इतो वा सातिमीमहे दिवो वा पार्थिवादधि । इन्द्रं महो वा रजसः १०

(७) सप्तमं सूक्तम्

(१-१०) दशर्चस्यास्य सूक्तस्य वैश्वामित्रो मधुच्छन्दा ऋषिः । इन्द्रो देवता ।

गायत्री छन्दः

इन्द्रमिद्गाथिनो बृहदिन्द्रमर्केभिरर्किणः । इन्द्रं वाणीरनूषत १
 इन्द्र इद्धर्योः सचा संमिश्ल आ वचोयुजा । इन्द्रो वज्री हिरण्ययः २
 इन्द्रो दीर्घाय चक्षस आ सूर्य रोहयद् दिवि । वि गोभिरद्रिमैरयत् ३
 इन्द्र वाजेषु नोऽव सहस्रप्रधनेषु च । उग्र उग्राभिरूतिभिः ४
 इन्द्रं वयं महाधन इन्द्रमर्भे हवामहे । युजं वृत्रेषु वज्रिणम् ५
 स नो वृषन्नमुं चरुं सत्रादावन्नपा वृधि । अस्मभ्यमप्रतिष्कृतः ६
 तुञ्जेतुञ्जे य उत्तरे स्तोमा इन्द्रस्य वज्रिणः । न विन्दे अस्य सुष्टुतिम् ७
 वृषा यूथेव वंसगः कृष्टीरियत्योजसा । ईशानो अप्रतिष्कृतः ८
 य एकश्चर्षणीनां वसूनामिरज्यति । इन्द्रः पञ्च क्षितीनाम् ९
 इन्द्रं वो विश्वतस्परि हवामहे जनैभ्यः । अस्माकमस्तु केवलः १०

(८) अष्टमं सूक्तम्

(१-१०) दशर्चस्यास्य सूक्तस्य वैश्वामित्रो मधुच्छन्दा ऋषिः । इन्द्रो देवता ।

गायत्री छन्दः

एन्द्रं सानुसिं रयिं सजित्वानं सदासहम् । वर्षिष्ठमूतयै भर १
 नि येन मुष्टिहृत्या नि वृत्रा रुणधामहे । त्वोतासो न्यर्वता २
 इन्द्र त्वोतास आ वयं वज्रं घना ददीमहि । जयैम सं युधि स्पृधः ३
 वयं शूरेभिरस्तृभि रन्द्र त्वया युजा वयम् । सासह्यार्म पृतन्यतः ४
 महां इन्द्रः परश्च नु महित्वमस्तु वज्रिणै । द्यौर्न प्रथिना शर्वः ५
 समोहे वा य आशत नरस्तोकस्य सनितौ । विप्रासो वा धियायवः ६
 यः कुक्षिः सौमपातमः समुद्र इव पिन्वते । उर्वीरापो न काकुदः ७
 एवा ह्यस्य सूनृता विरप्शी गोमती मही । पक्वा शाखा न दाशुषै ८
 एवा हि ते विभूतय ऊतय इन्द्र मावते । सद्यश्चित् सन्ति दाशुषै ९
 एवा ह्यस्य काम्या स्तोम उक्थं च शंस्या । इन्द्राय सोमपीतये १०

(६) नवमं सूक्तम्

(१-१०) दशर्चस्यास्य सूक्तस्य वैश्वामित्रो मधुच्छन्दा ऋषिः । इन्द्रो देवता ।

गायत्री छन्दः

इन्द्रेहि मत्स्यन्धसो विश्वैभिः सोमपर्वभिः । मह्यं अभिष्टिरोजसा १
 एमैनं सृजता सुते मन्दिमिन्द्राय मन्दिने । चक्रं विश्वानि चक्रये २
 मत्स्वा सुशिप्र मन्दिभिः स्तोमैभिर्विश्वचर्षणे । सचैषु सर्वनेष्वा ३
 असृग्रमिन्द्र ते गिरुः प्रति त्वामुदहासत । अजौषा वृषभं पतिम् ४
 सं चौदय चित्रमर्वाग् राधे इन्द्र वरेण्यम् । असदित् तै विभु प्रभु ५
 अस्मान्सु तत्र चोदयेन्द्र राये रभस्वतः । तुविद्युम् यशस्वतः ६
 सं गोमदिन्द्र वाजव दस्मे पृथु श्रवो बृहत् । विश्वायुर्धेह्यक्षितम् ७
 अस्मे धेहि श्रवो बृहद् द्युम् सहस्रसार्तमम् । इन्द्र ता रथिनीरिषः ८
 वसोरिन्द्रं वसुपतिं गीर्भिर्गृणन्तं ऋग्मियम् । होमं गन्तारमूतये ९
 सुते सुते न्यौकसे बृहद् बृहत एदरिः । इन्द्राय शूषमर्चति १०

(१०) दशमं सूक्तम्

(१-१२) द्वादशर्चस्यास्य सूक्तस्य वैश्वामित्रो मधुच्छन्दा ऋषिः । इन्द्रो देवता ।

अनुष्टुप् छन्दः

गायन्ति त्वा गायत्रिणोऽर्चन्त्यर्कमर्किणः ।
 ब्रह्माणस्त्वा शतक्रतु उद् वंशमिव येमिरे १
 यत् सानोः सानुमारुहद् भूर्यस्पष्ट कर्त्वम् ।
 तदिन्द्रो अर्थं चेतति यूथेन वृष्णैरजति २
 युद्धवा हि केशिना हरी वृषणा कक्ष्यप्रा ।
 अथा न इन्द्र सोमपा गिरामुपश्रुतिं चर ३
 एहि स्तोमं अभि स्वराऽभि गृणीह्या रुव ।
 ब्रह्म च नो वसो सचेन्द्र यज्ञं च वर्धय ४
 उक्थमिन्द्राय शंस्यं वर्धनं पुरुनिषिधे ।
 शक्रो यथा सुतेषु णो रारणत् सख्येषु च ५
 तमित् सखित्व ईमहे तं राये तं सुवीर्ये ।
 स शक्र उत नः शक्र दिन्द्रो वसु दर्यमानः ६
 सुविवृतं सुनिरज मिन्द्र त्वादातमिद्यशः ।

गवामप वृजं वृधि कृणुष्व राधो अद्रिवः ७
 नहि त्वा रोदसी उभे ऋघायमाणमिन्वतः ।
 जेषुः स्वर्वतीरपः सं गा अस्मभ्यं धूनुहि ८
 आश्रुत्कर्णं श्रुधी हवं नू चिद्वधिष्व मे गिरः ।
 इन्द्र स्तोममिमं मम कृष्वा युजश्चिदन्तरम् ९
 विद्या हि त्वा वृषन्तमं वाजेषु हवनश्रुतम् ।
 वृषन्तमस्य हूमह ऊतिं सहस्रसार्तमाम् १०
 आ तू न इन्द्र कौशिक मन्दसानः सुतं पिब ।
 नव्यमायुः प्र सू तिर कृधी सहस्रसामृषिम् ११
 परि त्वा गिर्वणो गिर इमा भवन्तु विश्वतः ।
 वृद्धायुमनु वृद्धयो जुष्टो भवन्तु जुष्टयः १२

(११) एकादशं सूक्तम्

(१-८) अष्टर्चस्यास्य सूक्तस्य माधुच्छन्दसो जेता ऋषिः । इन्द्रो देवता ।

अनुष्टुप् छन्दः

इन्द्रं विश्वा अवीवृधन्त् समुद्रव्यचसं गिरः ।
 रथीतमं रथीनां वाजानां सत्पतिं पतिम् १
 सख्ये त इन्द्र वाजिनो मा भैम शवसस्पते ।
 त्वामभि प्र णौनुमो जेतारमपराजितम् २
 पूर्वीरिन्द्रस्य रातयो न वि दस्यन्त्युतयः ।
 यदी वाजस्य गोमतः स्तोतृभ्यो महेते मघम् ३
 पुरां भिन्दुर्युवा क्वि रमितौजा अजायत ।
 इन्द्रो विश्वस्य कर्मणो धर्ता वृज्जी पुरुष्टतः ४
 त्वं वलस्य गोमतोऽपावरद्रिवो बिलम् ।
 त्वां देवा अबिभ्युषस् तुज्यमानास आविषुः ५
 तवाहं शूर रातिभिः प्रत्यायं सिन्धुमावदन् ।
 उपातिष्ठन्त गिर्वणो विदुष्टे तस्य कारवः ६
 मायाभिरिन्द्र मायिनं त्वं शुष्णमवातिरः ।
 विदुष्टे तस्य मेधिरास् तेषां श्रवांस्युत्तिर ७
 इन्द्रमीशानमोजसा भि स्तोमा अनूषत ।

सहस्रं यस्य रातय उत वा सन्ति भूर्यसीः ८

(१२) द्वादशं सूक्तम्

(१-१२) द्वादशर्चस्यास्य सूक्तस्य कारवो मेधातिथिर्ऋषिः । अग्निर्देवता, तत्रापि
(६) षष्ठ्या ऋच आद्यपादस्य निर्मथ्याहवनीयावग्नी देवते । गायत्री छन्दः
अग्निं दूतं वृणीमहे होतारं विश्ववेदसम् । अस्य यज्ञस्य सुक्रतुम् १
अग्निर्मग्निं हवीमभिः सदा हवन्त विश्पतिम् । हव्यवार्हं पुरुप्रियम् २
अग्ने देवाँ इहा वह जज्ञानो वृक्तबर्हिषे । असि होता न ईडयः ३
तां उशतो वि बोधय यदग्ने यासिं दूत्यम् । देवैरा संत्सि बर्हिषि ४
घृताहवन दीदिवः प्रति ष्म रिषतो दह । अग्ने त्वं रक्षस्विनः ५
अग्निनाग्निः समिध्यते क्विर्गृहपतिर्युवा । हव्यवाङ् जुह्वास्यः ६
क्विमग्निमुपं स्तुहि सत्यधर्माणमध्वरे । देवममीवचातनम् ७
यस्त्वामग्ने हविष्पतिर्दूतं देव सपर्यति । तस्य स्म प्राविता भव ८
यो अग्निं देववीतये हविष्माँ आविवांसति । तस्मै पावक मृळय ९
स नः पावक दीदिवोऽग्ने देवाँ इहा वह । उप यज्ञं हविश्च नः १०
स नः स्तवान् आ भर गायत्रेण नवीयसा । रयिं वीरवतीमिषम् ११
अग्ने शक्रेण शोचिषा विश्वाभिर्देवहृतिभिः । इमं स्तोमं जुषस्व नः १२

(१३) त्रयोदशं सूक्तम्

(१-१२) द्वादशर्चस्यास्य सूक्तस्य कारवो मेधातिथिर्ऋषिः । (१) आद्याया ऋच
इध्मः समिद्धो वाग्निः (२) द्वितीयायास्तनूनपात् (३) तृतीयाया नराशंसः (४)
चतुर्थ्या इळः (५) पञ्चम्या बर्हिः (६) षष्ठ्या देवीर्द्वारः (७) सप्तम्या
उषासानक्ता (८) अष्टम्या दैव्यौ होतारौ प्रचेतसौ (९) नवम्यास्तिस्त्रो देव्यः
सरस्वतीळाभारत्यः (१०) दशम्यास्त्वष्टा (११) एकादश्या वनस्पतिः (१२)
द्वादश्याश्च स्वाहाकृतयोऽग्निरूपा देवताः । गायत्री छन्दः (एतदाप्रीसूक्तम्)
सुसमिद्धो न आ वह देवाँ अग्ने हविष्मते । होतः पावक यक्षि च १
मधुमन्तं तनूनपाद् यज्ञं देवेषु नः कवे । अद्या कृणुहि वीतये २
नराशंसमिह प्रिय म्स्मिन् यज्ञ उप ह्वये । मधुजिह्वं हविष्कृतम् ३
अग्ने सुखतमे रथे देवाँ ईळित आ वह । असि होता मनुर्हितः ४
स्तृणीत बर्हिरानुषग् घृतपृष्ठं मनीषिणः । यत्रामृतस्य चक्षणम् ५

वि श्रयन्तामृतावृधो द्वारो देवीरसश्चतः । अद्या नूनं च यष्टवे ६
 नक्तोषासा सुपेशासाऽस्मिन् यज्ञ उप ह्वये । इदं नो बर्हिरासदै ७
 ता सुजिह्वा उप ह्वये होतारा दैव्या क्वी । यज्ञं नो यक्षतामिमम् ८
 इळा सरस्वती मही तिस्रो देवीर्मयोभुवः । बर्हिः सीदन्त्वस्त्रिधः ९
 इह त्वष्टारमग्रियं विश्वरूपमुप ह्वये । अस्माकमस्तु केवलः १०
 अवं सृजा वनस्पते देवं देवेभ्यो हविः । प्र दातुरस्तु चेतनम् ११
 स्वाहा यज्ञं कृणोतनेन्द्राय यज्वनो गृहे । तत्र देवाँ उप ह्वये १२

(१४) चतुर्दशं सूक्तम्

(१-१२) द्वादशर्चस्यास्य सूक्तस्य कारवो मेधातिथिर्ऋषिः । विश्वे देवा देवताः ।

गायत्री छन्दः

ऐभिरग्ने दुवो गिरो विश्वेभिः सोमपीतये । देवेभिर्याहि यक्षि च १
 आ त्वा कणवा अहूषत गृणन्ति विप्र ते धियः । देवेभिरग्र आ गहि २
 इन्द्रवायू बृहस्पतिं मित्राग्निं पूषणं भगम् । आदित्यान् मारुतं गणम् ३
 प्र वो भ्रियन्त इन्द्रवो मत्सरा मादयिष्णवः । द्रुप्सा मध्वश्चमूषदः ४
 ईळते त्वामवस्यवः कणवासो वृक्तबर्हिषः । हविष्मन्तो अरंकृतः ५
 घृतपृष्ठा मनोयुजो ये त्वा वहन्ति वह्नयः । आ देवान्तसोमपीतये ६
 तान् यजत्राँ ऋतावृधोऽग्ने पत्नीवतस्कृधि । मध्वः सुजिह्व पायय ७
 ये यजत्रा य ईड्यास् ते ते पिबन्तु जिह्वया । मधोरग्ने वर्षट्कृति ८
 आकीं सूर्यस्य रोचनाद् विश्वान्देवाँ उषर्बुधः । विप्रो होतेह वक्षति ९
 विश्वेभिः सोम्यं मध्वऽग्र इन्द्रेण वायुना । पिबा मित्रस्य धामभिः १०
 त्वं होता मनुर्हितोऽग्ने यज्ञेषु सीदसि । सेमं नो अध्वरं यज ११
 युद्ध्वा ह्यरुषी रथे हरितो देव रोहितः । ताभिर्देवाँ इहा वह १२

(१५) पञ्चदशं सूक्तम्

(१-१२) द्वादशर्चस्यास्य सूक्तस्य कारवो मेधातिथिर्ऋषिः । (१) आद्याया ऋच
 इन्द्रः (२) द्वितीयाया मरुतः (३) तृतीयायास्त्वष्टा (४) चतुर्थ्या अग्निः (५)
 पञ्चम्या इन्द्रः (६) षष्ठ्या मित्रावरुणौ (७-१०) सप्तमीतश्चतसृणां द्रविणोदा अग्निः
 (११) एकादश्या अश्विनौ (१२) द्वादश्याश्चाग्निर्देवताः (ऋतुदेवता एताः) ।

गायत्री छन्दः

इन्द्र सोमं पिबं ऋतुनाऽऽ त्वा विशन्त्विन्दवः । मत्सरासस्तदौकसः १
मरुतः पिबंत ऋतुना पोत्राद् यज्ञं पुनीतन । यूयं हि ष्ठा सुदानवः २
अभि यज्ञं गृणीहि नो ग्रावो नेष्टुः पिबं ऋतुना । त्वं हि रत्नधा असि ३
अग्रै देवाँ इहा वह सादया योनिषु त्रिषु । परि भूष पिबं ऋतुना ४
ब्राह्मणादिन्द्र राधंसः पिबा सोममृत्तूरनु । तवेद्धि सख्यमस्तृतम् ५
युवं दक्षं धृतव्रत मित्रावरुण दूळभम् । ऋतुना यज्ञमाशाथे ६
द्रविणोदा द्रविणसो ग्रावहस्तासो अध्वरे । यज्ञेषु देवमीळते ७
द्रविणोदा ददातु नो वसूनि यानि शृण्वरे । देवेषु ता वनामहे ८
द्रविणोदाः पिपीषति जुहोतु प्र च तिष्ठत । नेष्ट्रादृतुभिरिष्यत ९
यत् त्वा तुरीयमृतुभिर्द्र विणोदो यजामहे । अर्धं स्मा नो दृदिभैव १०
अश्विनापिबंतं मधु दीद्यग्नी शुचिव्रता । ऋतुना यज्ञवाहसा ११
गार्हपत्येन सन्त्य ऋतुना यज्ञनीरसि । देवान् देवयुते यज १२

(१६) षोडशं सूक्तम्

(१-६) नवर्चस्यास्य सूक्तस्य काणवो मेधातिथिर्ऋषिः । इन्द्रो देवता । गायत्री
छन्दः

आ त्वा वहन्तु हरयो वृषणं सोमपीतये । इन्द्रं त्वा सूरचक्षसः १
इमा धाना घृतस्रुवो हरी इहोप वक्षतः । इन्द्रं सुखर्तमे रथे २
इन्द्रं प्रातर्हवामह इन्द्रं प्रयत्यध्वरे । इन्द्रं सोमस्य पीतये ३
उप नः सुतमा गहि हरिभिरिन्द्र केशिभिः । सुते हि त्वा हवामहे ४
सेमं नः स्तोममा गृह्युपेदं सर्वनं सुतम् । गौरो न तृषितः पिब ५
इमे सोमास इन्दवः सुतासो अधि बर्हिषि । ताँ इन्द्र सहसे पिब ६
अयं ते स्तोमो अग्रियो हृदिस्पृगस्तु शंतमः । अथा सोमं सुतं पिब ७
विश्वमित्सर्वनं सुत मिन्द्रो मदाय गच्छति । वृत्रहा सोमपीतये ८
सेमं नः काममा पूण गोभिरश्वैः शतक्रतो । स्तवाम त्वा स्वाध्यः ९

(१७) सप्तदशं सूक्तम्

(१-६) नवर्चस्यास्य सूक्तस्य काणवो मेधातिथिर्ऋषिः । इन्द्रावरुणौ देवते । (१-
३, ६-६) प्रथमतृचस्य षष्ठ्यादिचतुर्ऋचाञ्च गायत्री (४-५) चतुर्थीपञ्चम्योश्च
पादनिचृत् (५) पञ्चम्या हसीयसी वा गायत्री छन्दसी

इन्द्रावरुणयोरहं सम्राजोरव आ वृणे । ता नौ मृळात ईदृशे १
 गन्तारा हि स्थोऽवसे हवं विप्रस्य मावतः । धर्तारा चर्षणीनाम् २
 अनुकामं तर्पयेथा मिन्द्रावरुण राय आ । ता वां नेदिष्ठमीमहे ३
 युवाकु हि शचीनां युवाकु सुमतीनाम् । भूयाम वाजदाव्नाम् ४
 इन्द्रः सहस्रदाव्नां वरुणः शंस्यानाम् । क्रतुर्भवत्युक्थ्यः ५
 तयोरिदवसा वयं सनेम नि च धीमहि । स्यादुत प्रेचनम् ६
 इन्द्रावरुण वामहं हुवे चित्राय राधसे । अस्मान्सु जिग्युषस्कृतम् ७
 इन्द्रावरुण नू नु वां सिषासन्तीषु धीष्वा । अस्मभ्यं शर्म यच्छतम् ८
 प्र वामश्नोतु सुष्टुति रिन्द्रावरुण यां हुवे । यामृधार्थे सधस्तुतिम् ९

(१८) अष्टादशं सूक्तम्

(१-६) नवर्चस्यास्य सूक्तस्य काणवो मेधातिथिर्ऋषिः । (१-३) प्रथमतृचस्य
 ब्रह्मणस्पतिः (४) चतुर्थ्या इन्द्रो ब्रह्मणस्पतिः सोमश्च (५) पञ्चम्या ब्रह्मणस्पतिः
 सोम इन्द्रो दक्षिणा च (६-८) षष्ठ्यादितृचस्य सदसस्पतिः (९) नवम्याः
 सदसस्पतिर्नराशंसो वा देवताः । गायत्री छन्दः

सोमानं स्वरणं कृणुहि ब्रह्मणस्पते । कक्षीवन्तं य औशिजः १
 यो रेवान् यो अमीवहा वसुवित् पुष्टिवर्धनः । स नः सिषक्तु यस्तुरः २
 मा नः शंसो अररुषो धूर्तिः प्रणइ मर्त्यस्य । रक्षा गो ब्रह्मणस्पते ३
 स घा वीरो न रिष्यति यमिन्द्रो ब्रह्मणस्पतिः । सोमो हिनोति मर्त्यम् ४
 त्वं तं ब्रह्मणस्पते सोम इन्द्रश्च मर्त्यम् । दक्षिणा पात्वंहसः ५
 सदसस्पतिमद्भुतं प्रियमिन्द्रस्य काम्यम् । सनिं मेधामयासिषम् ६
 यस्मादृते न सिध्यति यज्ञो विपश्चितश्चन । स धीनां योगमिन्वति ७
 आदृधोति हविष्कृतिं प्राञ्च कृणोत्यध्वरम् । होत्रा देवेषु गच्छति ८
 नराशंसं सुधृष्टम् मर्पश्यं सप्रथस्तमम् । दिवो न सधमखसम् ९

(१९) एकोनविंशं सूक्तम्

(१-६) नवर्चस्यास्य सूक्तस्य काणवो मेधातिथिर्ऋषिः । अग्निर्मरुतश्च देवताः ।
 गायत्री छन्दः

प्रति त्यं चारुमध्वरं गोपीथाय प्र हूयसे । मरुद्भिरग् आ गंहि १
 नहि देवो न मर्त्यो महस्तव क्रतु परः । मरुद्भिरग् आ गंहि २

ये महो रजसो विदुर्विश्वे देवासो अद्रुहः । मरुद्भिरग्र आ गहि ३
य उग्रा अर्कमानुचु रनाधृष्टास ओजसा । मरुद्भिरग्र आ गहि ४
ये शुभ्रा घोरवर्षसः सुक्षत्रासो रिशादसः । मरुद्भिरग्र आ गहि ५
ये नाकस्याधि रोचने दिवि देवास आसते । मरुद्भिरग्र आ गहि ६
य ईङ्घयन्ति पर्वतान् तिरः समुद्रमर्णवम् । मरुद्भिरग्र आ गहि ७
आ ये तन्वन्ति रश्मिभिस् तिरः समुद्रमोजसा । मरुद्भिरग्र आ गहि ८
अभि त्वा पूर्वपीतये सृजामि सोम्यं मधु । मरुद्भिरग्र आ गहि ९
इति प्रथमाष्टके प्रथमोऽध्याय ।

द्वितीयोऽध्यायः २ व० १-३८

(२०) विंशं सूक्तम्

(१-८) अष्टर्चस्यास्य सूक्तस्य कारवो मेधातिथिर्ऋषिः । ऋभवो देवताः ।

गायत्री छन्दः

अयं देवाय जन्मने स्तोमो विप्रैभिरासया । अकारि रत्नधातमः १
य इन्द्राय वचोयुजा तत्क्षुर्मनसा हरी । शमीभिर्यज्ञमाशत २
तक्षन् नासत्याभ्यां परिज्मानं सुखं रथम् । तक्षन् धेनुं संबुर्दुधाम् ३
युवाना पितरा पुनः सत्यमन्त्रा ऋजूयवः । ऋभवो विष्टयक्रत ४
सं वो मदासो अगमते न्द्रैश्च मरुत्वता । आदित्येभिश्च राजभिः ५
उत त्यं चमसं नवं त्वष्टुर्देवस्य निष्कृतम् । अकर्त चतुरः पुनः ६
ते नो रत्नानि धत्तन् त्रिरा साप्तानि सुन्वते । एकमेकं सुशस्तिभिः ७
अधारयन्त वह्नयोऽर्भजन्त सुकृत्यया । भागं देवेषु यज्ञियम् ८

(२१) एकविंशं सूक्तम्

(१-६) षडृचस्यास्य सूक्तस्य कारवो मेधातिथिर्ऋषिः । इन्द्राग्नी देवते ।

गायत्री छन्दः

इहेन्द्राग्नी उपे ह्वये तयोरित् स्तोममुश्मसि । ता सोमं सोमपातमा १
ता यज्ञेषु प्रशंसते न्द्राग्नी शुम्भता नरः । ता गायत्रेषु गायत २
ता मित्रस्य प्रशस्तय इन्द्राग्नी ता हवामहे । सोमपा सोमपीतये ३
उग्रा सन्ता हवामह उपेदं सर्वनं सुतम् । इन्द्राग्नी एह गच्छताम् ४
ता महान्ता सदस्पती इन्द्राग्नी रक्ष उब्जतम् । अप्रजाः सन्त्वत्रिणः ५

तेन सत्येन जागृत मधि प्रचेतुने पदे । इन्द्राग्नी शर्म यच्छतम् ६

(२२) द्वाविंशं सूक्तम्

(१-२१) एकविंशत्यृचस्यास्य सूक्तस्य कारवो मेधातिथिर्ऋषिः । (१-४)

प्रथमादिचतुर्ऋचामश्विनौ (५-८) पञ्चम्यादिचतसृणां सविता (९-१०)

नवमीदशम्योरग्निः (११) एकादश्या देव्यः (१२) द्वादश्या इन्द्राणीवरुणान्यग्राय्यः

(१३-१४) त्रयोदशीचतुर्दशयोर्द्वावापृथिव्यौ (१५) पञ्चदश्याः पृथिवी (१६)

षोडश्या विष्णुर्देवा वा (१७-२१) सप्तदश्यादिपञ्चानाञ्च विष्णुर्देवताः । गायत्री

छन्दः

प्रातर्युजा वि बौधया श्विनावेह गच्छताम् । अस्य सोमस्य पीतये १
या सुरथा रथीतमो भा देवा दिविस्पृशा । अश्विना ता हवामहे २
या वां कशा मधुमत्य श्विना सूनृतावती । तया यज्ञं मिमिक्षतम् ३
नहि वामस्ति दूरके यत्रा रथेन गच्छथः । अश्विना सोमिनौ गृहम् ४
हिरण्यपाणिमृतये सवितारमुप ह्वये । स चेत्ता देवता पदम् ५
अपां नपातमर्वसे सवितारमुप स्तुहि । तस्य वृतान्युश्मसि ६
विभक्तारं हवामहे वसौश्चित्रस्य राधसः । सवितारं नृचक्षसम् ७
सखाय आ नि षीदत सविता स्तोम्यो नु नः । दाता राधासि शुभति ८
अग्ने पत्नीरिहा वह देवानामुशतीरुप । त्वष्टारं सोमपीतये ९
आ ग्रा अग्र इहावसे होत्रां यविष्ट भारतीम् । वरुत्रीं धिषणां वह १०
अभि नो देवीरवसा महः शर्मणा नृपत्नीः । अच्छिन्नपत्राः सचन्ताम् ११
इहेन्द्राणीमुप ह्वये वरुणानीं स्वस्तये । अग्रायीं सोमपीतये १२
मही द्यौः पृथिवी च न इमं यज्ञं मिमिक्षताम् । पिपृतां नो भरीमभिः १३
तयोरिद् घृतवत् पयो विप्रां रिहन्ति धीतिभिः । गन्धर्वस्य ध्रुवे पदे १४
स्योना पृथिवि भवा नृक्षरा निवेशनी । यच्छा नः शर्म सप्रथः १५
अतो देवा अवन्तु नो यतो विष्णुर्विचक्रमे । पृथिव्याः सप्त धामभिः १६
इदं विष्णुर्वि चक्रमे त्रेधा नि दधे पदम् । समूहळमस्य पांसुरे १७
त्रीणि पदा वि चक्रमे विष्णुर्गोपा अदाभ्यः । अतो धर्माणि धारयन् १८
विष्णोः कर्माणि पश्यत यतो वृतानि पस्पशे । इन्द्रस्य युज्यः सखा १९
तद् विष्णोः परमं पदं सदा पश्यन्ति सूरयः । दिवीव चक्षुराततम् २०
तद् विप्रांसो विपन्यवो जागृवांसः समिन्धते । विष्णोर्यत् परमं पदम् २१

(२३) त्रयोविंशं सूक्तम्

(१-२४) चतुर्विंशत्यृचस्यास्य सूक्तस्य कारवो मेधातिथिर्ऋषिः । (१) प्रथमाया
ऋचो वायुः (२-३) द्वितीयातृतीययोरिन्द्रवायू (४-६) चतुर्थ्यादितृचस्य
मित्रावरुणौ (७-९) सप्तम्यादितृचस्येन्द्रो मरुत्वान् (१०-१२) दशम्यादितृचस्य
विश्वे देवाः (१३-१५) त्रयोदश्यादितृचस्य पूषा (१६-२२, २३)
षोडश्यादिसप्तानां त्रयोविंश्याः पूर्वार्धस्य चापः (२३, २४) त्रयोविंश्याः परार्धस्य
चतुर्विंश्याश्चाग्निर्देवताः । (१-१८) प्रथमाद्यष्टादशर्चा गायत्री (१९)
एकोनविंश्याः पुरउष्णिक् (२१) एकविंश्याः प्रतिष्ठा (२०, २२-२४) विंश्या
द्वाविंश्यादितृचस्य चानुष्टुप् छन्दांसि

तीव्राः सोमांस आ गह्या शीर्वन्तः सुता इमे । वायो तान् प्रस्थितान् पिब
१

उभा देवा दिविस्पृशेन्द्रवायू हवामहे । अस्य सोमस्य पीतये २
इन्द्रवायू मनोजुवा विप्रा हवन्त ऊतये । सहस्राक्षा धियस्पती ३
मित्रं वयं हवामहे वरुणं सोमपीतये । जज्ञाना पूतदक्षसा ४
ऋतेन यावृतावृधा वृतस्य ज्योतिषस्पती । ता मित्रावरुणा वे ५
वरुणः प्राविता भुवन् मित्रो विश्वाभिरूतिभिः । करतां नः सुरार्धसः ६
मरुत्वन्तं हवामहे इन्द्रमा सोमपीतये । सजूर्गणेन तृम्पतु ७
इन्द्रज्येष्ठा मरुद्गणा देवासः पूषरातयः । विश्वे मम श्रुता हवम् ८
हृत वृत्रं सुदानव इन्द्रेण सहसा युजा । मा नो दुःशंस ईशत ९
विश्वन् देवान् हवामहे मरुतः सोमपीतये । उग्रा हि पृश्निमातरः १०
जयतामिव तन्यतु मरुतामेति धृष्णुया । यच्छुभं याथना नरः ११
हस्काराद् विद्युत्स्पर्शः ऽतो जाता अवनतु नः । मरुतो मृळयन्तु नः १२
आ पूषञ्चित्रबर्हिष माघृणे धरुणं दिवः । आजानुष्टं यथा पशुम् १३
पूषा राजानमाघृणि रपगूहळं गुहा हितम् । अविन्दञ्चित्रबर्हिषम् १४
उतो स मह्यमिन्दुभिः षड्युक्तां अनुसेषिधत् । गोभिर्यवं न चर्कषत् १५
अम्बयौ यन्त्यध्वभिर्जामयौ अध्वरीयताम् । पृञ्चतीर्मधुना पर्यः १६
अमूर्या उप सूर्ये याभिर्वा सूर्यः सह । ता नो हिन्वन्त्वध्वरम् १७
अपो देवीरुप ह्वये यत्र गावः पिबन्ति नः । सिन्धुभ्यः कर्त्वी हविः १८
अप्स्वश्न्तरमृतमप्सु भेषजमपामुत प्रशस्तये । देवा भवत वाजिनः १९
अप्सु मे सोमो अब्रवी दन्तर्विश्वानि भेषजा ।

अग्निं च विश्वशंभुव मापंश्च विश्वभेषजीः २०
 आपः पृणीत भेषजं वरूथं तन्वेडु मम । ज्योक्च सूर्यं दृशे २१
 इदमापः प्र वहत यत् किं च दुरितं मयि ।
 यद् वाहमभिदुद्रोह यद् वा शेष उतानृतम् २२
 आपौ अद्यान्वचारिषं रसेन समगस्महि ।
 पर्यस्वानग्ना आ गहि तं मा सं सृज वर्चसा २३
 सं माग्ने वर्चसा सृज सं प्रजया समायुषा ।
 विद्युर्मे अस्य देवा इन्द्रो विद्यात् सह ऋषिभिः २४

(२४) चतुर्विंशं सूक्तम्

(१-१५) पञ्चदशर्चस्यास्य सूक्तस्याजीगर्तिः शुनःशेषः (स कृत्रिमो वैश्वामित्रो
 देवरातः) ऋषिः । (१) प्रथमाया ऋचः कः (प्रजापतिः) (२) द्वितीयाया अग्निः
 (३-५) तृतीयादितृचस्य सविता (५) पञ्चम्या भगो वा (६-१५)
 षष्ठ्यादिदशर्चाञ्च वरुणो देवताः । (१-२, ६-१५) आद्ययोर्द्वयुचोः
 षष्ठ्यादिदशर्चाञ्च त्रिष्टुप् (३-५) तृतीयादितृचस्य च गायत्री छन्दसी
 कस्य नूनं कृतमस्यामृतानां मनामहे चारु देवस्य नाम ।
 को नो मृह्या अदितये पुनर्दात् पितरं च दृशेयं मातरं च १
 अग्नेर्वयं प्रथमस्यामृतानां मनामहे चारु देवस्य नाम ।
 स नो मृह्या अदितये पुनर्दात् पितरं च दृशेयं मातरं च २
 अभि त्वा देव सवित् रीशानं वार्याणाम् । सदावन् भागमीमहे ३
 यश्चिद्धि त इत्था भगः शशमानः पुरा निदः । अद्वेषो हस्तयोर्दुधे ४
 भगभक्तस्य ते वय मुदशेम तवावसा । मूर्धानं राय आरभे ५
 नहि तै क्षत्रं न सहो न मनुं वयश्च नामी पतयन्त आपुः ।
 नेमा आपौ अनिमिषं चरन्ती न ये वातस्य प्रमिनन्त्यभ्वम् ६
 अबुधे राजा वरुणो वनस्योर्ध्वं स्तूपं ददते पूतदक्षः ।
 नीचीनाः स्थुरुपरि बुध एषा मस्मे अन्तर्निहिताः केतवः स्युः ७
 उरुं हि राजा वरुणश्चकार सूर्याय पन्थामन्वैतवा उ ।
 अपदे पादा प्रतिधातवेऽक रुतापवक्ता हृदयाविधश्चित् ८
 शतं तै राजन् भिषजः सहस्रं मुर्वी गभीरा सुमतिष्टे अस्तु ।
 बाधस्व दूरे निर्ऋतिं पराचैः कृतं चिदेनः प्र मुमुग्ध्यस्मत् ९

अमी य ऋक्षा निहितास उच्चा नक्तं ददृश्रे कुहं चिद् दिव्यैः ।
 अदब्धानि वरुणस्य व्रतानि विचाकेशञ्चन्द्रमा नक्तमेति १०
 तत् त्वां यामि ब्रह्मणा वन्दमानस् तदा शास्ते यजमानो हविर्भिः ।
 अहैळमानो वरुणेह बोध्यु रुशंस मा न आयुः प्र मौषीः ११
 तदिन्नक्तं तद् दिवा मह्यमाहुस् तदयं केतौ हृद् आ वि चष्टे ।
 शुनःशेषो यमहृद् गृभीतः सो अस्मान् राजा वरुणो मुमोक्तु १२
 शुनःशेषो ह्यहृद् गृभीतस् त्रिष्वादित्यं द्रुपदेषु बद्धः ।
 अवैनं राजा वरुणः ससृज्याद् विद्वाँ अदब्धो वि मुमोक्तु पाशान् १३
 अवं ते हेळो वरुण नमोभि रवं यज्ञेभिरीमहे हविर्भिः ।
 क्षयन्नस्मभ्यमसुर प्रचेता राजन्नेनासि शिश्रथः कृतानि १४
 उदुत्तमं वरुण पाशमस्म दवाधमं वि मध्यमं श्रेथाय ।
 अथा वयमादित्य व्रते तवा नागसो अदितये स्याम १५

(२५) पञ्चविंशं सूक्तम्

(१-२१) एकविंशत्युचस्यास्य सूक्तस्याजीगर्तिः शुनःशेषः (स कृत्रिमो वैश्वामित्रो
 देवरातः) ऋषिः । वरुणो देवता । गायत्री छन्दः

यच्चिद्धि ते विशो यथा प्र देव वरुण व्रतम् । मिनीमसि द्यविद्यवि १
 मा नो वधाय हृत्वे जिहीळानस्य रीरधः । मा हृणानस्य मन्यवै २
 वि मृळीकाय ते मनो रथीरश्वं न संदितम् । गीर्भिवरुण सीमहि ३
 परा हि मे विमन्यवः पतन्ति वस्येष्टये । वयो न वसतीरुप ४
 कदा क्षत्रश्रियं नर मा वरुणं करामहे । मृळीकायोरुचक्षसम् ५
 तदित् समानमाशाते वेनन्ता न प्र युच्छतः । धृतव्रताय दाशुषै ६
 वेदा यो वीनां पद मन्तरिक्षेण पतताम् । वेद नावः समुद्रियः ७
 वेद मासो धृतव्रतो द्वादश प्रजावतः । वेदा य उपजायते ८
 वेद वार्तस्य वर्तनि मुरोर्भ्रुष्वस्य बृहतः । वेदा ये अध्यासते ९
 नि षसाद धृतव्रतो वरुणः पस्त्याइस्वा । साम्राज्याय सुक्रतुः १०
 अतो विश्वान्यद्भुता चिकित्वाँ अभि पश्यति । कृतानि या च कर्त्वा ११
 स नो विश्वाहा सुक्रतु रादित्यः सुपथा करत् । प्र ण आयूषि तारिषत् १२
 बिभ्रद् द्रापिं हिरण्ययं वरुणो वस्त निर्णिजम् । परि स्पशो नि षेदिरे १३
 न यं दिप्सन्ति दिप्सवो न दुह्वाणो जनानाम् । न देवमभिमातयः १४

उ॒त यो मानु॑षेष्वा यश॑श्चक्रे असा॒म्या । अ॒स्माक॑मुदरेष्वा १५
 परा॑ मे यन्ति धी॒तयो॑ गावो न गव्य॑तीरनु । इच्छ॑न्तीरुच॒क्षसम् १६
 सं नु वौ॑चावहै पुन॒र्यतो॑ मे मध्वाभृ॑तम् । होतै॑व क्ष॒दसे॑ प्रि॒यम् १७
 दर्श॑ नु विश्व॑दर्श॒तं दर्श॑ रथमधि क्षमि॑ । ए॒ता जु॑षत मे गिरः १८
 इमं॑ मे वरुण॑ श्रुधी॒ हव॑म॒द्या च॑ मृळय । त्वा॒मव॑स्युरा च॒के १९
 त्वं विश्व॑स्य मेधिर॒ दिवश्च॑ गमश्च॒ राजसि॑ । स या॒मनि॑ प्रति॒ श्रुधि २०
 उदु॑त्तमं मुमुग्धि॒ नो वि॑ पाशं मध्य॒मं च॑त । अवा॑धानि जी॒वसै॑ २१

(२६) षड्विंशं सूक्तम्

(१-१०) दशर्चस्यास्य सूक्तस्याजीगर्तिः शुनःशेषः (स कृत्रिमो वैश्वामित्रो देवरातः)

ऋषिः । अग्निर्देवता । गायत्री छन्दः

वसि॑ष्वा हि मि॒येध्य॑ वस्त्रा॒णयूर्जा॑ पते । से॒मं नो॑ अध्व॒रं यज॑ १
 नि नो॑ होता वरै॒णयः॑ सदा॒ यविष्ट॑ मन्म॒भिः । अ॒ग्नै दि॒वित्म॑ता वचः २
 आ हि ष्मा॑ सू॒नवे॑ पि॒ता पि॒र्यज॑त्यापयै । सखा॑ सख्ये॒ वरै॑णयः ३
 आ नो॑ ब॒र्ही रि॒शाद॑सो वरु॒णो मि॒त्रो अ॒र्यमा॑ । सीद॑न्तु मनु॒षो यथा॑ ४
 पू॒र्व्य हो॒तर॒स्य नो॑ मन्द॑स्व स॒ख्यस्य॑ च । इ॒मा उ॒ षु श्रु॑धी गिरः ५
 यच्चि॑द्धि शश्व॑ता॒ तना॑ दे॒वदे॑वं यजा॒महे॑ । त्वे इ॒द्धय॑ते ह॒विः ६
 प्रि॒यो नो॑ अस्तु वि॒शप॑ति॒ होता॑ म॒न्द्रो वरै॑णयः । प्रि॒याः स्व॒ग्रयो॑ व॒यम् ७
 स्व॒ग्रयो॑ हि वा॒र्य दे॒वासो॑ दधि॒रे च॑ नः । स्व॒ग्रयो॑ मना॒महे॑ ८
 अथा॑ न उ॒भयै॑षा॒ ममृ॑त् म॒त्याना॑म् । मि॒थः सं॑न्तु प्रश॑स्तयः ९
 विश्वै॑भिर॒ग्ने अ॒ग्निभि॑रि॒मं य॒ज्ञमि॑दं वचः । च॒नो॑ धाः सह॒सो य॒हो १०

(२७) सप्तविंशं सूक्तम्

(१-१३) त्रयोदशर्चस्यास्य सूक्तस्याजीगर्तिः शुनःशेषः (स कृत्रिमो वैश्वामित्रो देवरातः) ऋषिः । (१-१२) प्रथमादिद्वादशर्चामग्निः (१३) त्रयोदश्याश्च देवा देवताः । (१-१२) प्रथमादिद्वादशर्चा गायत्री (१३) त्रयोदश्याश्च त्रिष्टुप् छन्दसी अश्वं न त्वा वार॑वन्तं व॒न्दध्या॑ अ॒ग्निं नमो॑भिः । स॒म्राज॑न्तमध्व॒राणा॑म् १
 स घा॑ नः सू॒नुः शर्व॑सा पृथु॒प्रगामा॑ सु॒शेवः॑ । मी॒ढ्वाँ अ॒स्माकं॑ बभू॒यात् २।
 स नो॑ दू॒राच्चा॑साच्च॒ नि म॒त्याद॑घा॒योः । पा॒हि स॒दमि॑द् विश्वा॒युः ३
 इ॒ममू॑ षु त्वम॒स्माकं॑ स॒निं गा॑य॒त्रं नव्या॑सम् । अ॒ग्नै दे॒वेषु॑ प्र वौचः ४

आ नो भज परमे ष्वा वाजेषु मध्यमेषु । शिन्ना वस्वो अन्तमस्य ५
विभक्तासि चित्रभानो सिन्धौरुर्मा उपाक आ । सद्यो दाशुषे क्षरसि ६
यमग्ने पृत्सु मर्त्य मवा वाजेषु यं जुनाः । स यन्ता शश्वतीरिषः ७
नकिरस्य सहन्त्य पर्येता कर्यस्य चित् । वाजो अस्ति श्रवाय्यः ८
स वाजं विश्वचर्षणि रवद्विरस्तु तरुता । विप्रैभिरस्तु सनिता ९
जराबोध तद् विविद्धि विशेविशे यज्ञियाय । स्तोमं रुद्राय दृशीकम् १०
स नो मह्यं अनिमानो धूमकेतुः पुरुश्चन्द्रः । धिये वाजाय हिन्वतु ११
स रेवाँ इव विश्पति देव्यः केतुः शृणोतु नः । उक्थैरग्निर्बृहद्भानुः १२
नमो महद्भ्यो नमो अर्भकेभ्यो नमो युर्वभ्यो नम आशिनेभ्यः ।
यजाम देवान् यदि शक्नवाम मा ज्यायसः शंसमा वृद्धि देवाः १३

(२८) अष्टाविंशं सूक्तम्

(१-६) नवचस्यास्य सूक्तस्याजीगर्तिः शुनःशेषः (स कृत्रिमो वैश्वामित्रो देवरातः)
ऋषिः । (१-४) प्रथमादिचतुर्चामिन्द्रः (५-६) पञ्चमीषष्ठ्योरुलूखलम् (७-
८) सप्तम्यष्टम्योरुलूखलमुसले (९) नवम्याश्च प्रजापतिर्हरिश्चन्द्रः अधिषवणचर्म
सोमो वा देवताः । (१-६) प्रथमादिषड्चामनुष्टुप् (७-९) अन्त्यतृचस्य च
गायत्री छन्दसी

यत्र ग्रावा पृथुबुध ऊर्ध्वो भवति सोतवे ।
उलूखलसुताना मवेद्विन्द्र जल्गुलः १
यत्र द्वाविंश जघना धिषवणया कृता ।
उलूखलसुताना मवेद्विन्द्र जल्गुलः २
यत्र नार्यपच्यव मुपच्यवं च शिञ्जते ।
उलूखलसुताना मवेद्विन्द्र जल्गुलः ३
यत्र मन्था विबध्नते रश्मीन् यमित्वा इव ।
उलूखलसुताना मवेद्विन्द्र जल्गुलः ४
यच्चिद्धि त्वं गृहेगृह उलूखलक युज्यसे ।
इह द्युमत्तमं वद जयतामिव दुन्दुभिः ५
उत स्म ते वनस्पते वातो वि वात्यग्रमित् ।
अथो इन्द्राय पातवे सुनु सोममुलूखल ६
आयजी वाजसातमा ता ह्युश्चा विजर्भतः । हरी इवान्धासि बप्सता ७

ता नो अद्य वनस्पती ऋष्वावृष्वेभिः सोतृभिः । इन्द्राय मधुमत् सुतम् ८
उच्छृष्टं चम्बोर्भर सोमं पवित्र आ सृज । नि धेहि गोरधि त्वचि ९

(२९) एकोनत्रिंशं सूक्तम्

(१-७) सप्तर्चस्यास्य सूक्तस्याजीगर्तिः शुनःशेष ऋषिः (स कृत्रिमो वैश्वामित्रो देवरातः) । इन्द्रो देवता । पङ्क्तिश्छन्दः

यच्चिद्धि संत्य सोमपा अनाशस्ता इव स्मसि ।
आ तू न इन्द्र शंसय गोष्वश्वेषु शुभ्रिषु सहस्रेषु तुवीमघ १
शिप्रिन् वाजानां पते शचीवस्तव दंसना ।
आ तू न इन्द्र शंसय गोष्वश्वेषु शुभ्रिषु सहस्रेषु तुवीमघ २
नि ष्वापया मिथुदृशा सस्तामर्बुध्यमाने ।
आ तू न इन्द्र शंसय गोष्वश्वेषु शुभ्रिषु सहस्रेषु तुवीमघ ३
ससन्तु त्या अरातयो बोधन्तु शूर रातयः ।
आ तू न इन्द्र शंसय गोष्वश्वेषु शुभ्रिषु सहस्रेषु तुवीमघ ४
समिन्द्र गर्दभं मृण नुवन्त पापर्यामुया ।
आ तू न इन्द्र शंसय गोष्वश्वेषु शुभ्रिषु सहस्रेषु तुवीमघ ५
पताति कुरङ्गाच्या दूरं वातो वनादधि ।
आ तू न इन्द्र शंसय गोष्वश्वेषु शुभ्रिषु सहस्रेषु तुवीमघ ६
सर्वं परिक्रोशं जहि जम्भया कृकदाश्वम् ।
आ तू न इन्द्र शंसय गोष्वश्वेषु शुभ्रिषु सहस्रेषु तुवीमघ ७

(३०) त्रिंशं सूक्तम्

(१-२२) द्वाविंशत्यृचस्यास्य सूक्तस्याजीगर्तिः शुनःशेष ऋषिः (स कृत्रिमो वैश्वामित्रो देवरातः) । (१-१६) प्रथमादिषोडशर्चामिन्द्रः (१७-१९) सप्तदश्यादितृचस्याश्विनौ (२०-२२) विंश्यादितृचस्य च उषा देवताः । (१-१०, १२-१५, १७-२२) प्रथमादिदशर्चा द्वादश्यादितृचर्चुर्चां सप्तदश्यादिषडृचाञ्च गायत्री (११) एकादश्याः पादनचृद्गायत्री (१६) षोडश्याश्च त्रिष्टुप् छन्दांसि
आ व इन्द्रं क्रिवि यथा वाजयन्तः शतक्रतुम् । मंहिष्ठं सिञ्च इन्दुभिः १
शतं वा यः शुचीनां सहस्रं वा समाशिराम् । एदु निम्रं न रीयते २
सं यन्मदाय शुष्मिणा एना ह्यस्योदरै । समुद्रो न व्यचौ दधे ३

अयमुं ते समंतसि कपोत इव गर्भधिम् । वचस्तच्चिन्न ओहसे ४
 स्तोत्रं राधानां पते गिर्वाहो वीर यस्य ते । विभूतिरस्तु सूनृता ५
 ऊर्ध्वस्तिष्ठा न ऊतयेऽस्मिन् वाजे शतक्रतो । समन्येषु ब्रवावहै ६
 योगेयोगे तवस्तरं वाजेवाजे हवामहे । सखायु इन्द्रमूतये ७
 आ घा गमद्यदि श्रवत् सहस्त्रिणीभिरूतिभिः । वाजेभिरुप नो हवम् ८
 अनु प्रत्स्यौकसो हुवे तुविप्रतिं नरम् । यं ते पूर्वं पिता हुवे ९
 तं त्वा वयं विश्ववाराऽऽशास्महे पुरुहूत । सखे वसो जरितृभ्यः १०
 अस्माकं शिप्रिणीनां सोमपाः सोमपाव्नाम् । सखे वज्रिन्त्सखीनाम् ११
 तथा तदस्तु सोमपाः सखे वज्रिन् तथा कृणु । यथा त उश्मसीष्टये १२
 रेवतीर्नः सधमाद् इन्द्रै सन्तु तुविवाजाः । क्षुमन्तो याभिर्मदैम् १३
 आ घृ त्वावान् त्मनाप्तः स्तोतृभ्यो धृष्णवियानः । ऋणोरक्षं न चक्रयोः १४
 आ यद् दुर्वः शतक्रतु वा कामं जरितृणाम् । ऋणोरक्षं न शचीभिः १५
 शश्वदिन्द्रः पोपुथद्विर्जिगाय नानदद्विः शाश्वसद्विर्धनानि ।
 स नो हिरण्यरथं दंसनावान् त्स नः सनिता सनये स नोऽदात् १६
 आश्विनावश्वावत्ये षा यातुं शवीरया । गोमद् दस्त्रा हिरण्यवत् १७
 समानयोजनो हि वाँ रथौ दस्त्रावमर्त्यः । समुद्रे अश्विनेयते १८
 न्यर्घ्न्यस्य मूर्धनि चक्रं रथस्य येमथुः । परि द्यामन्यदीयते १९
 कस्त उषः कधप्रिये भुजे मर्तो अमर्त्ये । कं नक्षसे विभावरि २०
 वयं हि ते अर्मन्मह्याऽऽन्तादा पराकात् । अश्वे न चित्रे अरुषि २१
 त्वं त्येभिरा गहि वाजेभिर्दुहितर्दिवः । अस्मे रयिं नि धारय २२

(३१) एकत्रिंशं सूक्तम्

(१-१८) अष्टादशर्चस्यास्य सूक्तस्याङ्गिरसो हिरण्यस्तूप ऋषिः । अग्निर्देवता ।
 (१-७, ९-१५, १७) प्रथमादिसप्तर्चा नवम्यादिसप्तर्चा सप्तदश्याश्च जगतीः (८, १६,
 १८) अष्टमीषोडश्याश्च त्रिष्टुप् छन्दसी
 त्वमग्ने प्रथमो अङ्गिरा ऋषिर्देवो देवानामभवः शिवः सखा ।
 तव वृते क्वयौ विद्यनापसोऽजायन्त मरुतो भ्राजदृष्टयः १
 त्वमग्ने प्रथमो अङ्गिरस्तमः क्विर्देवानां परि भूषसि वृतम् ।
 विभुर्विश्वस्मै भुवनाय मेधिरो द्विमाता शयुः कतिधा चिदायवै २
 त्वमग्ने प्रथमो मातरिश्चन आविर्भव सुक्रतूया विवस्वते ।

अरैजेतां रोदसी होतृवूर्येऽसंघोर्भारमयजो महो वंसो ३
 त्वमग्ने मनवे द्यार्मवाशयः पुरुरवसे सुकृते सुकृत्तरः ।
 श्वात्रेण यत् पित्रोर्मुच्यसे पर्याऽऽत्वा पूर्वमनयन्नापरं पुनः ४
 त्वमग्ने वृषभः पुष्टिवर्धन उद्यतस्तुचे भवसि श्रवाय्यः ।
 य आहुतिं परि वेदा वर्षट्कृति मेकायुरग्रे विशा आविवांससि ५
 त्वमग्ने वृजिनवर्तनिं नरं सक्मनि पिपर्षि विदथे विचर्षणे ।
 यः शूरसाता परितक्ये धने दभ्रेभिश्चित् समृता हंसि भूर्यसः ६
 त्वं तमग्ने अमृतत्व उत्तमे मर्ते दधासि श्रवसे दिवेदिवे ।
 यस्तातृषाण उभयाय जन्मने मयः कृणोषि प्रय आ च सूरये ७
 त्वं नो अग्ने सनये धनानां यशसं कारुं कृणुहि स्तवानः ।
 ऋध्याम कर्मापसा नवेन देवैर्द्यावापृथिवी प्रावतं नः ८
 त्वं नो अग्ने पित्रोरुपस्थ आ देवो देवेष्वनवद्य जागृविः ।
 तनूकृद् बौधि प्रमतिश्च कारवे त्वं कल्याण वसु विश्वमोषिषे ९
 त्वमग्ने प्रमतिस्त्वं पितासि नस् त्वं वयस्कृत् तव जामयो वयम् ।
 सं त्वा रायः शतिनः सं सहस्त्रिणः सुवीरं यन्ति व्रतपामदाभ्य १०
 त्वामग्ने प्रथममायुमायवे देवा अकृणवन् नहुषस्य विश्पतिम् ।
 इळामकृणवन् मनुषस्य शासनीं पितुर्यत् पुत्रो ममकस्य जायते ११
 त्वं नो अग्ने तव देव पायुभिर्मघोनो रक्ष तन्वश्च वन्द्य ।
 त्राता तोकस्य तनये गवाम् स्यनिमेषं रक्षमाणस्तव व्रते १२
 त्वमग्ने यज्यवे पायुरन्तरोऽनिषङ्गार्य चतुरक्ष इध्यसे ।
 यो रातहव्योऽवृकाय धार्यसे कीरेश्चिन् मन्त्रं मनसा वृनोषि तम् १३
 त्वमग्ने उरुशंसाय वाघते स्पार्हं यद् रेक्णाः परमं वृनोषि तत् ।
 आध्रस्य चित् प्रमतिरुच्यसे पिता प्र पाकं शास्सि प्र दिशो विदुष्टरः १४
 त्वमग्ने प्रयतदक्षिणं नरं वमेव स्यूतं परि पासि विश्वतः ।
 स्वादुक्षद्या यो वंसतौ स्योनकृज् जीवयाजं यजते सोपमा दिवः १५
 इमामग्ने शरणिं मीमृषो न इममध्वानं यमगाम दूरात् ।
 आपिः पिता प्रमतिः सोम्यानां भूमिरस्यृषिकृन् मत्यानाम् १६
 मनुष्वदग्ने अङ्गिरस्वदङ्गिरो ययातिवत् सदाने पूर्ववच्छुचे ।
 अच्छं याह्या वहा दैव्यं जन् मा सादय बर्हिषि यक्षि च प्रियम् १७
 एतेनाग्ने ब्रह्मणा वावृधस्व शक्तीं वा यत् तै चकृमा विदा वा ।

उत प्र णैष्यभि वस्यो अस्मान् त्सं नः सृज सुमत्या वाजवत्या १८

(३२) द्वात्रिंशं सूक्तम्

(१-१५) पञ्चदशर्चस्यास्य सूक्तस्याङ्गिरसो हिरण्यस्तूप ऋषिः । इन्द्रो देवता ।

त्रिष्टुप् छन्दः

इन्द्रस्य नु वीर्याणि प्र वोचं यानि चकारं प्रथमानि वृज्जी ।
 अहन्नहिमन्वपस्तर्दं प्र वृक्षणा अभिनत् पर्वतानाम् १
 अहन्नहिं पर्वते शिश्रियाणं त्वष्टास्मै वज्रं स्वयं ततक्ष ।
 वाश्रा इव धेनवः स्यन्दमाना अज्रः समुद्रमव जग्मुरापः २
 वृषायमाणोऽवृणीत सोमं त्रिकद्रुकेष्वपिबत् सुतस्यै ।
 आ सायकं मघवाद्दत्त वज्र महन्नेनं प्रथमजामहीनाम् ३
 यदिन्द्राहन् पथमजामहीना मान्मायिनामर्मिनाः प्रोत मायाः ।
 आत् सूर्यं जनयन् द्यामुषासं तादीत्वा शत्रुं न किला विवित्से ४
 अहन् वृत्रं वृत्रतरं व्यस मिन्द्रो वज्रेण महता वृधेन ।
 स्कन्धासीव कुलिशेना विवृक्षणाऽहिः शयत उपपृक् पृथिव्याः ५
 अयोद्धेव दुर्मद् आ हि जुह्वे महावीरं तुविबाधर्मजीषम् ।
 नातारीदस्य समृतिं वृधानां सं रुजानाः पिपिषु इन्द्रशत्रुः ६
 अपादहस्तो अपृतन्यदिन्द्र मास्य वज्रमधि सानौ जघान ।
 वृष्णो वधिः प्रतिमानं बुभूषन् पुरुत्रा वृत्रो अशयद् व्यस्तः ७
 नदं न भिन्नममुया शयानं मनो रुहाणा अति यन्त्यापः ।
 याश्चिद् वृत्रो मेहिना पर्यतिष्ठत् तासामहिः पत्सुतः शीर्षभूव ८
 नीचावया अभवद् वृत्रपुत्रेन्द्रौ अस्या अव वधर्जभार ।
 उत्तरा सूरधरः पुत्र आसीद् दानुः शये सहवत्सा न धेनुः ९
 अतिष्ठन्तीनामनिवेशनानां काष्ठानां मध्ये निहितं शरीरम् ।
 वृत्रस्य निशयं वि चरन्त्यापो दीर्घं तम् आशयदिन्द्रशत्रुः १०
 दासपत्नीरहिगोपा अतिष्ठन् निरुद्धा आपः पृणिनेव गावः ।
 अपां बिलमपिहितं यदासीद् वृत्रं जघन्वाँ अप तद् ववार ११
 अश्वयो वारो अभवस्तदिन्द्र सृके यत् त्वा प्रत्यहन् देव एकः ।
 अजयो गा अजयः शूर सोम मवासृजः सर्तवे सप्त सिन्धून् १२
 नास्मै विद्युन्न तन्यतुः सिषेध न यां मिहमकिरद् ध्रादुनि च ।

इन्द्रश्च यद् युयुधाते अहिंश्चो तापरीभ्यो मघवा वि जिग्ये १३
 अहेर्यातारं कमेपश्य इन्द्र हृदि यत् ते जघ्नुषो भीरगच्छत् ।
 नव च यन् नवतिं च सर्वन्तीः श्येनो न भीतो अतरो रजांसि १४
 इन्द्रो यातोऽवसितस्य राजा शर्मस्य च शृङ्गिणो वज्रबाहुः ।
 सेदु राजा क्षयति चर्षणीना मुरान् न नेमिः परि ता बभूव १५
 इति प्रथमाष्टके द्वितीयोऽध्यायः ।

तृतीयोऽध्यायः ३

। व० १-३५ ।

(३३) त्रयस्त्रिंशं सूक्तम्

(१-१५) पञ्चदशर्चस्यास्य सूक्तस्याङ्गिरसो हिरण्यस्तूप ऋषिः । इन्द्रो देवता ।
 त्रिष्टुप् छन्दः

एतायामोप गव्यन्त इन्द्रमस्माकं सु प्रमतिं वावृधाति ।
 अनामृणः कुविदादस्य रायो गवां केतं परमावर्जते नः १
 उपेदहं धनदामप्रतीतं जुष्टां न श्येनो वसतिं पतामि ।
 इन्द्रं नमस्यन्नुपमेभिरकै र्यः स्तोतृभ्यो हव्यो अस्ति यामन् २
 नि सर्वसेन इषुधीरैसक्त समुर्यो गा अजति यस्य वष्टि ।
 चोष्कूयमाण इन्द्र भूरि वामं मा पणिभूरस्मदधि प्रवृद्ध ३
 वधीर्हि दस्यु धनिर्न घनेनं एकश्चरन्नुपशाकेभिरिन्द्र ।
 धनोरधि विषुणक् ते व्यायन्नयज्वानः सनकाः प्रेतिमीयुः ४
 परा चिच्छीर्षा ववृजुस्त इन्द्राऽयज्वानो यज्वभिः स्पर्धमानाः ।
 प्र यद् दिवो हरिवः स्थातरुग्र निरवृतां अधमो रोदस्योः ५
 अयुत्सन्ननवद्यस्य सेनामयातयन्त क्षितयो नवग्वाः ।
 वृषायुधो न वधयो निरष्टाः प्रवद्धिरिन्द्राञ्चितयन्त आयन् ६
 त्वमेतान् रुदतो जक्षतश्चा योधयो रजस इन्द्र पारे ।
 अवाद्दहो दिव आ दस्युमुच्चा प्र सुन्वतः स्तुवतः शंसमावः ७
 चक्राणासः परीणहं पृथिव्या हिरण्येन मणिना शुम्भमानाः ।
 न हिन्वानासस्तिरुस्त इन्द्रं परि स्पशो अदधात् सूर्येण ८
 परि यदिन्द्र रोदसी उभे अबुभोजीर्महिना विश्वतः सीम् ।
 अमन्यमानां अभि मन्यमानै निर्ब्रह्मभिरधमो दस्युमिन्द्र ९

न ये दिवः पृथिव्या अन्तमापुर्न मायाभिर्धनदां पर्यभूवन् ।
युजं वज्रं वृषभश्चक्र इन्द्रो निज्योतिषा तमसो गा अदुक्षत् १०
अनु स्वधामक्षरन्नापो अस्याऽवर्धत मध्य आ नाव्यानाम् ।
सध्रीचीनैन मनसा तमिन्द्र ओजिष्ठेन हर्मनाहन्नभि द्यून् ११
न्याविध्यदिलीबिशस्य दृहळा वि शृङ्गिणमभिनच्छुष्मिन्द्रः ।
यावत्तरो मघवन् यावदोजो वज्रेण शत्रुमवधीः पृतन्युम् १२
अभि सिध्मो अजिगादस्य शत्रून् वि तिग्मेन वृषभेणा पुरोऽभेत् ।
सं वज्रेणासृजद् वृत्रमिन्द्रः प्र स्वां मतिमतिरच्छाशदानः १३
आवः कुत्समिन्द्र यस्मिञ्चाकन् पावो युध्यन्तं वृषभं दर्शद्युम् ।
शफच्युतो रेणुर्नक्षत द्या मुच्छवैत्रेयो नृषाह्याय तस्थौ १४
आवः शर्म वृषभं तुर्ग्यासु क्षेत्रजेषे मघवञ्छवित्र्यं गाम् ।
ज्योक चिदत्र तस्थिवांसौ अक्रञ्छत्रूयतामधरा वेदनाकः १५

(३४) चतुस्त्रिंशं सूक्तम्

(१-१२) द्वादशर्चस्यास्य सूक्तस्याङ्गिरसो हिरण्यस्तूप ऋषिः । अश्विनौ देवते ।
(१-८, १०-११) प्रथमाद्यष्टर्चा दशम्येकादशयोश्च जगती (९, १२) नवमीद्वादशयोश्च
त्रिष्टुप् छन्दसी

त्रिश्चिन् नो अद्या भवतं नवेदसा विभुर्वा याम उत रातिरश्विना ।
युवोर्हि युन्नं हिम्येव वाससोऽभ्यायंसेन्या भवतं मनीषिभिः १
त्रयः पवयो मधुवाहने रथे सोमस्य वेनामनु विश्व इद् विदुः ।
त्रयः स्कम्भार्सः स्कभितास आरभे त्रिर्नक्तं याथस्त्रिर्वाश्विना दिवा २
समाने अहन् त्रिर्वद्यगोहना त्रिद्य युजं मधुना मिमिक्षतम् ।
त्रिर्वाजवतीरिषो अश्विना युवं दोषा अस्मभ्यमुषसश्च पिन्वतम् ३
त्रिर्वर्तिर्यातं त्रिरनुव्रते जने त्रिः सुप्राव्यै त्रेधेर्व शिक्तम् ।
त्रिर्नान्द्यं वहतमश्विना युवं त्रिः पृक्षो अस्मे अक्षरैव पिन्वतम् ४
त्रिर्नो रयिं वहतमश्विना युवं त्रिर्देवताता त्रिरुतावतं धियः ।
त्रिः सौभगत्वं त्रिरुत श्रवांसि नस् त्रिष्ठं वां सूरै दुहिता रुहद् रथम् ५
त्रिर्नो अश्विना दिव्यानि भेषजा त्रिः पार्थिवानि त्रिरु दत्तमद्भ्यः ।
ओमानं शंयोर्ममकाय सूनवे त्रिधातु शर्म वहतं शुभस्पती ६
त्रिर्नो अश्विना यजता दिवेदिवे परि त्रिधातु पृथिवीमशायतम् ।

तिस्रो नासत्या रथ्या परावत आत्मेव वातः स्वसराणि गच्छतम् ७
 त्रिरश्विना सिन्धुभिः सप्तमातृभिस् त्रय आहावास्त्रेधा हविष्कृतम् ।
 तिस्रः पृथिवीरूपरि प्रवा दिवो नाकं रक्षेथे द्युभिर्क्तुभिर्हितम् ८
 क्वशु त्री चक्रा त्रिवृतो रथस्य क्वशु त्रयो वन्धुरो ये सनीळाः ।
 कदा योगौ वाजिनो रासभस्य येन यज्ञं नासत्योपयाथः ९
 आ नासत्या गच्छतं हूयते हवि मध्वः पिबतं मधुपेभिरासभिः ।
 युवोर्हि पूर्वं सवितोषसो रथमृताय चित्रं घृतवन्तमिष्यति १०
 आ नासत्या त्रिभिरैकादशैरिह देवेभिर्यातं मधुपेयमश्विना ।
 प्रायुस्तारिष्टं नी रपांसि मृक्षतं सेधतं द्वेषो भवतं सचाभुवा ११
 आ नो अश्विना त्रिवृता रथेनाऽर्वाञ्च रयिं वहतं सुवीरम् ।
 शृण्वन्तां वामवसे जोहवीमि वृधे च नो भवतं वाजसातौ १२

(३५) पञ्चत्रिंशं सूक्तम्

(१-११) एकादशर्चस्यास्य सूक्तस्याङ्गिरसो हिरण्यस्तूप ऋषिः । (१) प्रथमर्चः
 (पादक्रमेण) अग्निर्मित्रावरुणौ रात्रिः सविता च (२-११) द्वितीयादिदशानाञ्च
 सविता देवताः । (१, ९) प्रथमानवम्योर्ऋचोर्जगती (२-८, १०-११)

द्वितीयादिसप्तानां दशम्येकादशयोश्च त्रिष्टुप् छन्दसी

ह्याम्यग्निं प्रथमं स्वस्तये ह्यामि मित्रावरुणाविहारवसे ।
 ह्यामि रात्रिं जगतो निवेशनीं ह्यामि देवं सवितारमृतये १
 आ कृष्णेन रजसा वर्तमानो निवेशयन्नमृतं मर्त्यं च ।
 हिरण्ययेन सविता रथेनाऽऽदेवो याति भुवनानि पश्यन् २
 याति देवः प्रवता यात्युद्धता याति शम्भ्राभ्यां यजतो हरिभ्याम् ।
 आ देवो याति सविता परावतोऽपु विश्वा दुरिता बाधमानः ३
 अभीवृतं कृशनैर्विश्वरूपं हिरण्यशम्यं यजतो बृहन्तम् ।
 आस्थाद् रथं सविता चित्रभानुः कृष्णा रजांसि तविषीं दधानः ४
 वि जनाञ्छयावाः शितिपादो अख्यन् रथं हिरण्यप्रउगं वहन्तः ।
 शश्वद् विशः सवितुर्दैव्यस्यो पस्थे विश्वा भुवनानि तस्थुः ५
 तिस्रो द्यावः सवितुर्द्वा उपस्थाँ एका यमस्य भुवने विराषाट् ।
 आशिं न रथयमृताधि तस्थु रिह ब्रवीतु य उ तच्चिकेतत् ६
 वि सुपर्णो अन्तरिक्षागयख्यद् गभीरवैपा असुरः सुनीथः ।

क्वेइदानीं सूर्यः कश्चिकेत कतुमां द्यां रश्मिरस्या ततान ७
 अष्टौ व्यख्यत् ककुभः पृथिव्यास् त्री धन्व योजना सप्त सिन्धून् ।
 हिरण्याक्षः सविता देव आगाद् दधद्रत्ना दाशुषे वार्याणि ८
 हिरण्यपाणिः सविता विचर्षणि रुभे द्यावापृथिवी अन्तरीयते ।
 अपामीवां बाधते वेति सूर्य मभि कृष्णेन रजसा द्यामृणोति ९
 हिरण्यहस्तो असुरः सुनीथः सुमृळीकः स्ववाँ यात्वर्वाइ ।
 अपसेधन् रक्षसो यातुधाना नस्थाद् देवः प्रतिदोषं गृणानः १०
 ये ते पन्थाः सवितः पूर्व्यासोऽरेणवः सुकृता अन्तरिक्षे ।
 तेभिर्नो अद्य पृथिभिः सुगेभी रक्षा च नो अधि च ब्रूहि देव ११

(३६) षट्त्रिंशं सूक्तम्

(१-२०) विंशत्यृचस्यास्य सूक्तस्य घोरः करव ऋषिः । (१-२०)

प्रथमादिविंशत्यृचामग्निः (१३-१४) त्रयोदशीचतुर्दशयोर्यूपो वा देवता । प्रगाथः
 (विषमर्चा बृहती, समर्चा सतोबृहती) छन्दः

प्र वो य्हं पुरुणां विशां देवयतीनाम् ।
 अग्निं सूक्तेभिर्वचोभिरीमहे यं सीमिदन्य ईळते १
 जनासो अग्निं दधिरे सहोवृधं हविष्मन्तो विधेम ते ।
 स त्वं नो अद्य सुमना इहाविता भवा वाजेषु सन्त्य २
 प्र त्वा दूतं वृणीमहे होतारं विश्ववेदसम् ।
 महस्तै सतो वि चरन्त्यर्चयो दिवि स्पृशन्ति भानवः ३
 देवासस्त्वा वरुणो मित्रो अर्यमा सं दूतं प्रत्नमिन्धते ।
 विश्वं सो अग्ने जयति त्वया धनं यस्तै ददाश मर्त्यः ४
 मुन्द्रो होता गृहपति रग्ने दूतो विशामसि ।
 त्वे विश्वा संगतानि वृता ध्रुवा यानि देवा अकृणवत ५
 त्वे इदग्ने सुभगे यविष्ठय विश्वमा हूयते हविः ।
 स त्वं नो अद्य सुमना उतापरं यक्षि देवान्त्सुवीर्या ६
 तं घैमित्था नमस्विन् उप स्वराजमासते ।
 होत्राभिरग्निं मनुषुः समिन्धते तितिर्वासो अति स्त्रिधः ७
 घन्तो वृत्रमतरन् रोदसी अप उरु क्षयाय चक्रिरे ।
 भुवत् करवे वृषा द्युम्र्याहतः क्रन्ददश्वो गर्विष्टिषु ८

सं सीदस्व मह्यं असि शोचस्व देववीतमः ।
वि धूममग्ने अरुषं मिथेध्य सृज प्रशस्त दर्शतम् ६
यं त्वा देवासो मनवे दधुरिह यजिष्ठं हव्यवाहन ।
यं कण्वो मेध्यातिथिर्धनस्पृतं यं वृषा यमुपस्तुतः १०
यमग्निं मेध्यातिथिः कण्व ईध ऋतादधि ।
तस्य प्रेषौ दीदियुस्तमिमा ऋचस् तमग्निं वर्धयामसि ११
रायस्पूधिं स्वधावोऽस्ति हि तेऽग्ने देवेष्वाप्यम् ।
त्वं वाजस्य श्रुत्यस्य राजसि स नो मृळ मह्यं असि १२
ऊर्ध्व ऊ षु णं ऊतये तिष्ठा देवो न सविता ।
ऊर्ध्वो वाजस्य सनिता यदञ्जिभिर्वाघद्भिर्विह्वयामहे १३
ऊर्ध्वो नः पाह्यंहसो नि केतुना विश्वं समत्रिणं दह ।
कृधी न ऊर्ध्वाञ्चरथाय जीवसे विदा देवेषु नो दुर्वः १४
पाहि नो अग्ने रक्षसः पाहि धूर्तेरराव्याः ।
पाहि रीषत उत वा जिघांसतो बृहद्भानो यविष्ठय १५
घनेव विष्वग्वि जह्यराव्यास् तपुर्जम्भ यो अस्मधुक ।
यो मर्त्यः शिशीते अत्यक्तुभिर्मा नः स रिपुरीशत १६
अग्निर्वन्ने सुवीर्यमग्निः कण्वायु सौभगम् ।
अग्निः प्रावन् मित्रोत मेध्यातिथिमग्निः साता उपस्तुतम् १७
अग्निना तुर्वशं यदु परावत उग्रादेवं हवामहे ।
अग्निर्नयन्नववास्त्वं बृहद्रथं तुर्वीतिं दस्यवे सहः १८
नि त्वामग्ने मनुर्दधे ज्योतिर्जनायु शश्वते ।
दीदेथ कण्वं ऋतजात उन्नितो यं नमस्यन्ति कृष्टयः १९
त्वेषासौ अग्नेरमवन्तो अर्चयो भीमासो न प्रतीतये ।
रक्षस्विनः सदमिद् यातुमावतो विश्वं समत्रिणं दह २०

(३७) सप्तत्रिंशं सूक्तम्

(१-१५) पञ्चदशर्चस्यास्य सूक्तस्य घोरः कण्व ऋषिः । मरुतो देवताः ।

गायत्री छन्दः

क्रीळं वः शर्धो मारुत मनुर्वाणं रथेशुभम् । कण्वा अग्निं प्र गायत १
ये पृषतीभिर्ऋष्टिभिः साकं वाशीभिरञ्जिभिः । अजायन्त स्वभानवः २

इहेव शृणव एषां कशा हस्तैषु यद् वदान् । नि यामञ्चित्रमृञ्जते ३
 प्र वः शर्धाय घृष्वये त्वेषद्युम्नाय शष्मिणै । देवत्तं ब्रह्म गायत ४
 प्र शसा गोष्वघ्नयं क्रीळं यच्छर्धो मारुतम् । जम्भे रसस्य वावृधे ५
 को वो वर्षिष्ठ आ नरो दिवश्च ग्मश्च धूतयः । यत् सीमन्तं न धूनुथ ६
 नि वो यामाय मानुषो दध्र उग्राय मन्यवे । जिहीत पर्वतो गिरिः ७
 येषामज्मेषु पृथिवी जुजुवा इव विश्पतिः । भिया यामेषु रेजते ८
 स्थिरं हि जानमेषां वर्यो मातुर्निरैतवे । यत् सीमनु द्विता शवः ९
 उदु त्ये सूनवो गिरः काष्ठा अज्मेष्वत्त । वाश्रा अभिज्ञु यातवे १०
 त्यं चिद् घा दीर्घं पृथुं मिहो नपातममृध्रम् । प्र च्यावयन्ति यामभिः ११
 मरुतो यद्ध वो बलं जनां अचुच्यवीतन । गिरीरचुच्यवीतन १२
 यद्ध यान्ति मरुतः सं हं ब्रुवतेऽध्वन्ना । शृणोति कश्चिदेषाम् १३
 प्र यात शीर्भमाशुभिः सन्ति करवेषु वो दुर्वः । तत्रो षु मादयाध्वै १४
 अस्ति हि ष्मा मदाय वः स्मसिं ष्मा वयमेषाम् । विश्वं चिदायुर्जीवसै १५

(३८) अष्टात्रिंशं सूक्तम्

(१-१५) पञ्चदशर्चस्यास्य सूक्तस्य घौरः करव ऋषिः । मरुतो देवताः ।

गायत्री छन्दः

कद्ध नूनं कंधप्रियः पिता पुत्रं न हस्तयोः । दधिध्वे वृक्तबर्हिषः १
 क्वं नूनं कद् वो अर्थं गन्ता दिवो न पृथिव्याः । क्वं वो गावो न रणयन्ति
 २ क्वं वः सुम्ना नव्यासि मरुतः क्वं सुविता । क्वोरे विश्वानि सौभगा ३
 यद् यूयं पृथिनमातरो मर्तासः स्यातन । स्तोता वो अमृतः स्यात् ४
 मा वो मृगो न यवसे जरिता भूदजौष्यः । पथा यमस्य गादुप ५
 मो षु णः परापरा निर्त्रृतिर्दुर्हणा वधीत् । पदीष्ट तृष्णाया सह ६
 सत्यं त्वेषा अमवन्तो धन्वञ्चिदा रुद्रियासः । मिहं कृणवन्त्यवाताम् ७
 वाश्रेव विद्युन्मिमाति वृत्सं न माता सिषक्ति । यदैषां वृष्टिरसर्जि ८
 दिवा चित् तमः कृणवन्ति पर्जन्येनोदवाहेन । यत्पृथिवी व्युन्दन्ति ९
 अर्धं स्वनान्मरुतां विश्वमा सद्य पार्थिवम् । अरैजन्त प्र मानुषाः १०
 मरुतो वीळुपाणिभिश् चित्रा रोधस्वतीरनु । यातेमखिद्रयामभिः ११
 स्थिरा वः सन्तु नेमयो रथा अश्वास एषाम् । सुसंस्कृता अभीशवः १२
 अच्छा वदा तना गिरा जरायै ब्रह्मणस्पतिम् । अग्निं मित्रं न दर्शतम् १३

मिमीहि श्लोकमास्यै पर्जन्य इव ततनः । गायं गायत्रमुक्थ्यम् १४
वन्दस्व मारुतं गुणं त्वेषं पनस्युमर्किणाम् । अस्मे वृद्धा असन्निह १५

(३६) एकोनचत्वारिंशं सूक्तम्

(१-१०) दशर्चस्यास्य सूक्तस्य घौरः कणवः ऋषिः । मरुतो देवताः । प्रगाथः
(विषमर्चा बृहती, समर्चा सतोबृहती) छन्दः

प्र यदित्था परावतः शोचिर्न मानमस्यथ ।
कस्य क्रत्वा मरुतः कस्य वर्षसा कं याथ कं ह धूतयः १
स्थिरा वः सन्त्वायुधा पराणुदै वीळू उत प्रतिष्कभै ।
युष्माकमस्तु तविषी पनीयसी मा मर्त्यस्य मायिनः २
परा ह यत् स्थिरं ह्यथ नरो वर्तयथा गुरु ।
वि याथन वनिनः पृथिव्या व्याशाः पर्वतानाम् ३
नहि वः शत्रुर्विविदे अधि द्यवि न भूम्यां रिशादसः ।
युष्माकमस्तु तविषी तना युजा रुद्रासो नू चिदाधृषे ४
प्र वैपयन्ति पर्वतान् वि विञ्चन्ति वनस्पतीन् ।
प्रो आरत मरुतो दुर्मदा इव देवासः सर्वया विशा ५
उपो रथेषु पृषतीरयुग्ध्वं प्रष्टिर्वहति रोहितः ।
आ वो यामाय पृथिवी चिदश्रो दबीभयन्त मानुषाः ६
आ वो मद्भू तनाय कं रुद्रा अवो वृणीमहे ।
गन्ता नूनं नोऽवसा यथा पुरे तथा कणवाय बिभ्युषे ७
युष्मेषितो मरुतो मर्त्येषित आ यो नो अभ्व ईषते ।
वि तं युयोत् शर्वसा व्योजसा वि युष्माकाभिरूतिभिः ८
असामि हि प्रयज्यवः कणव द्रुद प्रचेतसः ।
असामिभिर्मरुत आ न ऊतिभिर्गन्ता वृष्टिं न विद्युतः ९
असाम्योजो बिभृथा सुदानवोऽसमि धूतयः शर्वः ।
ऋषिद्विषे मरुतः परिमन्यव इषुं न सृजत द्विषम् १०

(४०) चत्वारिंशं सूक्तम्

(१-८) अष्टर्चस्यास्य सूक्तस्य घौरः कणव ऋषिः । ब्रह्मणस्पतिर्देवता । प्रगाथः
(विषमर्चा बृहती, समर्चा सतोबृहती) छन्दः

उत्तिष्ठ ब्रह्मणस्पते देवयन्तस्त्वेमहे ।
उप प्र यन्तु मरुतः सुदानव इन्द्रं प्राशूर्भवा सचा १
त्वामिद्धि सहसस्पुत्र मर्त्य उपब्रूते धनै हिते ।
सुवीर्यं मरुत आ स्वश्वयं दधीत यो व आचके २
प्रेतु ब्रह्मणस्पतिः प्र देव्येतु सूनृता ।
अच्छा वीरं नर्यं पङ्क्तिराधसं देवा यज्ञं नयन्तु नः ३
यो वाघते ददाति सूनरं वसु स धत्ते अक्षिति श्रवः ।
तस्मा इळां सुवीरामा यजामहे सुप्रतूर्तिमनेहसम् ४
प्र नूनं ब्रह्मणस्पति मन्त्रं वदत्युक्थ्यम् ।
यस्मिन्निन्द्रो वरुणो मित्रो अर्यमा देवा ओकांसि चक्रिरे ५
तमिद् वोचेमा विदथेषु शंभुवं मन्त्रं देवा अनेहसम् ।
इमां च वाचं प्रतिहर्यथा नरो विश्वेद् वामा वो अश्नवत् ६
को देवयन्तमश्नवज् जनं को वृक्तबर्हिषम् ।
प्रप्र दाश्वान् पुस्त्याभिरस्थिता ऽन्तर्वावत् क्षयं दधे ७
उप क्षत्रं पृञ्चीत हन्ति राजभि भूये चित् सुक्षितिं दधे ।
नास्यं वर्ता न तरुता महाधने नाभै अस्ति वज्रिणः ८

(४१) एकचत्वारिंशं सूक्तम्

(१-६) नवर्चस्यास्य सूक्तस्य घोरः कणव ऋषिः । (१-३, ७-६)

प्रथमान्तिमतृचयोर्वरुणमित्रार्यमणः (४-६) द्वितीयतृचस्य चादित्या देवताः ।

गायत्री छन्दः

यं रक्षन्ति प्रचेतसो वरुणो मित्रो अर्यमा । नू चित् स दभ्यते जनः १
यं ब्राह्मैव पिप्रति पान्ति मर्त्यं रिषः । अरिष्टः सर्व एधते २
वि दुर्गा वि द्विषः पुरो घ्नन्ति राजान एषाम् । नर्यन्ति दुरिता तिरः ३
सुगः पन्थां अनृक्षर आदित्यास ऋतं यते । नात्रावखादो अस्ति वः ४
यं यज्ञं नर्यथा नर आदित्या ऋजुना पथा । प्र वः स धीतये नशत् ५
स रत्नं मर्त्यो वसु विश्वं तोकमुत त्मना । अच्छा गच्छत्यस्तृतः ६
कथा राधाम सखायः स्तोमं मित्रस्यार्यमणः । महि प्सरो वरुणस्य ७
मा वो घ्नन्तं मा शर्पन्तं प्रति वोचे देवयन्तम् । सुभैरिद् व आ विवासे ८
चतुरंश्चिद् ददमानाद् बिभीयादा निधातोः । न दुरुक्ताय स्पृहयेत् ९

(४२) द्विचत्वारिंशं सूक्तम्

(१-१०) दशर्चस्यास्य सूक्तस्य घौरः कण्व ऋषिः । पूषा देवता । गायत्री छन्दः
 सं पूषन्नध्वनस्तिर व्यंहो विमुचो नपात् । सद्वा देव प्र णस्पुरः १
 यो नः पूषन्नघो वृकौ दुःशेव आदिदेशति । अप स्म तं पथो जहि २
 अप त्यं परिपन्थिनं मुषीवाणं हरश्चितम् । दूरमधि स्तुतेरज ३
 त्वं तस्य द्याविनोऽघशंसस्य कस्य चित् । पदाभि तिष्ठ तपुषिम् ४
 आ तत् तै दस्र मन्तुमः पूषन्नवो वृणीमहे । येन पितृनचौदयः ५
 अधा नो विश्वसौभग हिरण्यवाशीमत्तम । धनानि सुषणा कृधि ६
 अति नः सश्चतो नय सुगा नः सुपथा कृणु । पूषन्निह क्रतु विदः ७
 अभि सूयवसं नय न नवज्वारो अध्वने । पूषन्निह क्रतु विदः ८
 शग्धि पूर्धि प्र यंसि च शिशीहि प्रास्युदरम् । पूषन्निह क्रतु विदः ९
 न पूषणं मेथामसि सूक्तैरभि गृणीमसि । वसूनि दस्ममीमहे १०

(४३) त्रिचत्वारिंशं सूक्तम्

(१-९) नवर्चस्यास्य सूक्तस्य घौरः कण्व ऋषिः । (१-२, ४-६)
 प्रथमाद्वितीययोर्ऋचोश्चतुर्थ्यादितृचस्य च रुद्रः (३) तृतीयाया रुद्रो मित्रावरुणौ च
 (७-९) सप्तम्यादितृचस्य च सोमो देवताः । (१-८) प्रथमाद्यष्टर्चा गायत्री (९)
 नवम्याश्चानुष्टुप् छन्दसी
 कद् रुद्राय प्रचेतसे मीहुष्टमाय तव्यसे । वोचेम शतमं हृदे १
 यथा नो अदितिः करत् पश्चे नृभ्यो यथा गवे । यथा तोकाय रुद्रियम् २
 यथा नो मित्रो वरुणो यथा रुद्रश्चिकैतति । यथा विश्वे सजोषसः ३
 गाथपतिं मेधपतिं रुद्रं जलाषभेषजम् । तच्छंयोः सुम्रमीमहे ४
 यः शक्र इव सूर्यो हिरण्यमिव रोचते । श्रेष्ठो देवानां वसुः ५
 शं नः करत्यर्वते सुगं मेषाय मेष्यै । नृभ्यो नारिभ्यो गवे ६
 अस्मे सोम श्रियमधि नि धैहि शतस्य नृणाम् । महि श्रवस्तुविनृणाम् ७
 मा नः सोमपरिबाधो मारातयो जुहुरन्त । आ न इन्दो वाजै भज ८
 यास्तै प्रजा अमृतस्य परस्मिन् धामनृतस्य ।
 मूर्धा नाभा सोम वेन आभूषन्तीः सोम वेदः ९

(४४) चतुश्चत्वारिंशं सूक्तम्

(१-१४) चतुर्दशर्चस्यास्य सूक्तस्य कारणः प्रकरणव ऋषिः । (१-२)

प्रथमाद्वितीययोर्ऋचोरग्निरश्विनावुषाश्च (३-१४) तृतीयादिद्वादशानाम्नाग्निर्देवताः ।

प्रगाथः (विषमर्चा बृहती, समर्चा सतोबृहती) छन्दः

अग्ने विवस्वदुषसंश् चित्रं राधो अमर्त्य ।
 आ दाशुषे जातवेदो वह्वा त्व मृद्या देवाँ उषर्बुधः १
 जुष्टो हि दूतो असि हव्यवाहनोऽग्ने रथीरध्वराणाम् ।
 सजूरश्विभ्यामुषसा सुवीर्य मस्मे धेहि श्रवो बृहत् २
 अद्या दूतं वृणीमहे वसुमग्निं पुरुप्रियम् ।
 धूमकैतुं भाऋजीकं व्युष्टिषु यज्ञानामध्वरश्रियम् ३
 श्रेष्ठं यविष्टमतिथिं स्वाहुतं जुष्टं जनाय दाशुषे ।
 देवाँ अच्छा यातवे जातवेदस मग्निमीळे व्युष्टिषु ४
 स्तविष्यामि त्वामहं विश्वस्यामृत भोजन ।
 अग्ने त्रितारममृतं मियेध्य यजिष्ठं हव्यवाहन ५
 सुशंसो बोधि गृणते यविष्टय मधुजिह्वः स्वाहुतः ।
 प्रस्करवस्य प्रतिरन्नायुर्जीवसे नमस्या दैव्यं जनम् ६
 होतारं विश्ववेदसं सं हि त्वा विश इन्धते ।
 स आ वह पुरुहूत् प्रचेतसोऽग्ने देवाँ इह द्रवत् ७
 सवितारमुषसमश्विना भग मग्निं व्युष्टिषु क्षपः ।
 कर्वासस्त्वा सुतसौमास इन्धते हव्यवाहं स्वध्वर ८
 पतिर्ह्यध्वराणा मग्ने दूतो विशामसि ।
 उषर्बुध आ वह सोमपीतये देवाँ अद्य स्वर्दृशः ९
 अग्ने पूर्वा अनूषसो विभावसो दीदेथ विश्वदर्शतः ।
 असि ग्रामेष्वविता पुरोहितोऽसि यज्ञेषु मानुषः १०
 नि त्वा यज्ञस्य सार्धं न मग्ने होतारमृत्विर्जम् ।
 मनुष्वद् दैव धीमहि प्रचेतसं जीरं दूतममर्त्यम् ११
 यद् देवानां मित्रमहः पुरोहितोऽन्तरो यासि दूत्यम् ।
 सिन्धौरिव प्रस्वनितास ऊर्मयोऽग्नेर्भ्राजन्ते अर्चयः १२
 श्रुधि श्रुत्कर्ण वह्निभि देवैरग्ने सयार्वभिः ।
 आ सीदन्तु बर्हिषि मित्रो अर्यमा प्रातर्यावाणो अध्वरम् १३

शृ॒ण्वन्तु॒ स्तोमं॑ म॒रुतः॑ सु॒दान॑वोऽग्नि॒जिह्वा॑ ऋ॒तावृ॑धः ।
पि॒ब॑तु॒ सोमं॑ वरु॒णो धृ॑तव्र॒तोऽश्वि॑भ्यामु॒षसा॑ स॒जूः १४

(४५) पञ्चचत्वारिंशं सूक्तम्

(१-१०) दशर्चस्यास्य सूक्तस्य कारवः प्रस्करव ऋषिः । (१-६, १०)
प्रथमादिनवर्चा दशम्याः पूर्वार्धस्य चाग्निः (१०) दशम्या उत्तरार्धस्य च देवा
देवताः । अनुष्टुप् छन्दः

त्वमग्ने॑ वसू॒रिह॑ रु॒द्राँ आ॑दि॒त्याँ उ॒त ।
यजा॑ स्वध्व॒रं ज॒नं म॑नु॒जातं॑ घृ॒तप्रु॑षम् १
श्रु॒ष्टीवा॑नो हि दा॒शुषे॑ दे॒वा अग्ने॑ वि॒चेत॑सः ।
तान् रौ॑हिदश्च गि॒र्वण॑स् त्रय॑स्त्रिंश॒तमा॑ वह २
प्रि॒यमे॑ध॒वद॑त्रि॒वज् जा॑त॒वेदो॑ वि॒रूप॑वत् ।
अ॒ङ्गिर॑स्वन्म॒हिव्र॑त् प्र॒स्कर॑वस्य श्रु॒धी ह॑वम् ३
महि॑के॒रव उ॒तये॑ प्रि॒यमे॑धा अ॒हूष॑त ।
राज॑न्तमध्व॒राणा॑ म॒ग्निं श॒क्रेण॑ शो॒चिषा॑ ४
घृ॒ताह॑वन सन्त्ये॒मा उ॒ षु श्रु॑धी गि॒रः ।
याभिः॑ क॒रव॑स्य सू॒नवो॑ ह॒वन्तेऽव॑से त्वा ५
त्वां चि॑त्रश्रवस्तम् ह॒वन्ते॑ वि॒क्षु ज॒न्तवः॑ ।
शो॒चिष्कै॑शं पुरु॒प्रिया॑ ऽग्ने॒ ह॒व्याय॑ वोहळ॒वे ६
नि त्वा॑ हो॒तार॑मृ॒त्विजं॑ दधि॒रे व॑सु॒वित्त॑मम् ।
श्रु॒त्कर्णं॑ स॒प्रथ॑स्तमं वि॒प्रा अग्ने॑ दि॒र्विष्टि॑षु ७
आ त्वा॑ वि॒प्रा अ॒चुच्य॑वुः सु॒तसो॑मा अ॒भि प्र॑यः ।
बृ॒हद् भा॑ बिभ्र॒तो ह॒वि र॑ग्ने॒ मता॑य दा॒शुषे॑ ८
प्रा॒तर्या॑व्णाः सह॒स्कृत॑ सोम॒पेया॑य सन्त्य ।
इहा॑द्य दै॒व्यं ज॑नं ब॒र्हिरा॑ सा॒दया॑ वसो ९
अ॒र्वाञ्च॑ दै॒व्यं ज॑न॒ मग्ने॑ य॒क्ष्व स॑हृ॒तिभिः॑ ।
अ॒यं सोमः॑ सु॒दान॑व॒स् तं पा॑त ति॒रो अ॒ह्वय॑म् १०

(४६) षट्चत्वारिंशं सूक्तम्

(१-१५) पञ्चदशर्चस्यास्य सूक्तस्य कारवः प्रस्करव ऋषिः । अश्विनौ देवते ।

गायत्री छन्दः

एषो उषा अपूर्व्या व्युच्छति प्रिया दिवः । स्तुषे वामश्विना बृहत् १
या दस्रा सिन्धुमातरा मनोतरा रयीणाम् । धिया देवा वसुविदा २
वच्यन्तै वां ककुहासौ जूर्णायामधि विष्टपि । यद् वां रथो विभिष्यतात् ३
हविषा जारो अपां पिपतिं पपुर्निरा । पिता कुटस्य चर्षणिः ४
आदारो वां मतीनां नासत्या मतवचसा । पातं सोमस्य धृष्णुया ५
या नः पीपरदश्विना ज्योतिष्मती तमस्तिरः । तामस्मे रासाथामिषम् ६
आ नौ नावा मतीनां यातं पारायु गन्तवे । युञ्जाथामश्विना रथम् ७
अरित्रं वां दिवस्पृथु तीर्थे सिन्धूनां रथः । धिया युयुज्ज इन्दवः ८
दिवस्करवास इन्दवो वसु सिन्धूनां पदे । स्वं वृत्रिं कुहं धित्सथः ९
अभूदु भा उं अंशवे हिरण्यं प्रति सूर्यः । व्यख्यञ्जिहयासितः १०
अभूदु पारमेतवे पन्थां अतस्य साधुया । अदर्शि वि स्तुतिर्दिवः ११
तत्तदिदश्विनोरवो जरिता प्रति भूषति । मदे सोमस्य पिप्रतोः १२
वावसाना विवस्वति सोमस्य पीत्या गिरा । मनुष्वच्छभू आ गतम् १३
युवोरुषा अनु श्रियं परिज्मनोरुपाचरत् । अता वनथो अक्तुभिः १४
उभा पिबतमश्विनो भा नः शर्म यच्छतम् । अविद्रियाभिरूतिभिः १५

चतुर्थोऽध्यायः ४

। व० १-२६ ।

(४७) सप्तचत्वारिंशं सूक्तम्

(१-१०) दशर्चस्यास्य सूक्तस्य काणवः प्रस्करव ऋषिः । अश्विनौ देवते ।

प्रगाथः (विषमर्चा बृहती, समर्चा सतोबृहती) छन्दः

अयं वां मधुमत्तमः सुतः सोमं अतावृधा ।
तमश्विना पिबतं तिरोअह्यं धत्तं रत्नानि दाशुषै १
त्रिवन्धुरेण त्रिवृता सुपेशसा रथेना यातमश्विना ।
करवासो वां ब्रह्मं कृणवन्त्यध्वरे तेषां सु शृणुतं हवम् २
अश्विना मधुमत्तमं पातं सोममृतावृधा ।
अथाद्य दस्रा वसु बिभ्रता रथे दाश्वान्समुप गच्छतम् ३
त्रिषधस्थे बर्हिषि विश्ववेदसा मध्वा यज्ञं मिमिक्षतम् ।
करवासो वां सुतसोमा अभिद्यवो युवां हवन्ते अश्विना ४

याभिः कण्वमभिष्टिभिः प्रावतं युवमश्विना ।
 ताभिः ष्वश्रुस्माँ अ्रवतं शुभस्पती प्रातं सोममृतावृधा ५
 सुदासे दस्त्रा वसु बिभ्रता रथे पृक्षौ वहतमश्विना ।
 रयिं समुद्रादुत वा दिवस्पयस्मे धत्तं पुरुस्पृहम् ६
 यन्नासत्या परावति यद् वा स्थो अधि तुर्वशै ।
 अतो रथेन सुवृता न आ गतं साकं सूर्यस्य रश्मिभिः ७
 अर्वाञ्चा वां सप्तयोऽध्वरश्रियो वहन्तु सवनेदुप ।
 इषं पृञ्चन्ता सुकृते सुदानव आ बर्हिः सीदतं नरा ८
 तेन नासत्या गतं रथेन सूर्यत्वचा ।
 येन शश्वद्दूहथुर्दाशुषे वसु मध्वः सोमस्य पीतये ९
 उक्थेभिरर्वागर्वसे पुरुवसू अर्केश्च नि हयामहे ।
 शश्वत् कणवानां सदर्सि प्रिये हि कं सोमं पपथुरश्विना १०

(४८) अष्टचत्वारिंशं सूक्तम्

(१-१६) षोडशर्चस्यास्य सूक्तस्य कारणः प्रस्करव ऋषिः । उषा देवता ।

प्रगाथः (विषमर्चा बृहती, समर्चा सतोबृहती) छन्दः

सह वामेन न उषो व्युच्छा दुहितर्दिवः ।
 सह द्युप्नेन बृहता विभावरि राया देवि दास्वती १
 अश्वावतीर्गोमतीर्विश्वसुविदो भूरि च्यवन्त वस्तवे ।
 उदीरय प्रति मा सूनृता उषश् चोद् राधौ मघोनाम् २
 उवासोषा उच्छाञ्च नु देवी जीरा रथानाम् ।
 ये अस्या आचरणेषु दधिरे समुद्रे न श्रवस्यवः ३
 उषो ये ते प्र यामेषु युञ्जते मनौ दानाय सूरयः ।
 अत्राह तत् कण्व एषां कण्वतमो नाम गृणाति नृणाम् ४
 आ घा योषैव सूनर्युषा याति प्रभुञ्जती ।
 जरयन्ती वृजनं पद्ददीयत् उत्पातयति पक्षिणः ५
 वि या सृजति समनं व्यश्रुर्थिनः पदं न वेत्योदती ।
 वयो नकिष्टे प्मिवांस आसते व्युष्टौ वाजिनीवति ६
 एषायुक्त परावतः सूर्यस्योदयनादधि ।
 शतं रथेभिः सुभगोषा इयं वि यात्यभि मानुषान् ७

विश्वमस्या नानाम् चक्षसे जगज् ज्योतिष्कृणोति सूनरी ।
 अप द्वेषौ मघोनी दुहिता दिव उषा उच्छदप स्त्रिर्धः ८
 उष आ भाहि भानुना चन्द्रेण दुहितर्दिवः ।
 आवहन्ती भूर्यस्मभ्यं सौभगं व्युच्छन्ती दिविष्टिषु ९
 विश्वस्य हि प्राणं जीवं त्वे वि यदुच्छसि सूनरि ।
 सा नो रथेन बृहता विभावरि श्रुधि चित्रामघे हवम् १०
 उषो वाजं हि वंस्व यश्चित्रो मानुषे जनै ।
 तेना वह सुकृतो अध्वराँ उप ये त्वा गृणन्ति वह्यः ११
 विश्वान् देवाँ आ वह सोमपीतयेऽन्तरिक्षादुषस्त्वम् ।
 सास्मासु धा गोमदश्चावदुक्थ्यश्मुषो वाजं सुवीर्यम् १२
 यस्या रुशन्तो अर्चयः प्रति भद्रा अदृक्षत ।
 सा नो रयिं विश्वारं सुपेशस मुषा ददातु सुगम्यम् १३
 ये चिद्धि त्वामृषयः पूर्वं ऊतये जुहुरेऽवसे महि ।
 सा नः स्तोमाँ अभि गृणीहि राधसो षः शक्रेण शोचिषा १४
 उषो यदद्य भानुना वि द्वारावृणवौ दिवः ।
 प्र नो यच्छतादवृकं पृथु च्छर्दिः प्र देवि गोमतीरिषः १५
 सं नो राया बृहता विश्वपेशसा मिमिद्ध्वा समिळाभिरा ।
 सं द्युम्नेन विश्वतुरौषो महि सं वाजैर्वाजिनीवति १६

(४६) एकोनपञ्चाशं सूक्तम्

(१-४) चतुर्ऋचस्यास्य सूक्तस्य काणवः प्रस्करव ऋषिः । उषा देवता ।

अनुष्टुप् छन्दः

उषो भद्रेभिरा गहि दिवश्चिद् रोचनादधि ।
 वहन्त्वरुणप्सव उप त्वा सोमिनो गृहम् १
 सुपेशसं सुखं रथं यमध्यस्था उषस्त्वम् ।
 तेना सुश्रवसं जनं प्रावाद्य दुहितर्दिवः २
 वयश्चित् ते पत्रिणो द्विपच्चतुष्पदर्जुनि ।
 उषः प्रारन्नृतूरनु दिवो अन्तैभ्यस्परि ३
 व्युच्छन्ती हि रश्मिभि विश्वमाभासि रोचनम् ।
 तां त्वामुषर्वसूयवो गीर्भिः कण्वा अहूषत ४

(५०) पञ्चाशं सूक्तम्

(१-१३) त्रयोदशर्चस्यास्य सूक्तस्य कारवः प्रस्कन्व ऋषिः । सूर्यो देवता । (१-
 ६) प्रथमादिनवर्चा गायत्री (१०-१३) दशम्यादिचतसृणाञ्चानुष्टुप् छन्दसी
 उदु त्यं जातवैदसं देवं वहन्ति केतवः । दृशे विश्वायु सूर्यम् १
 अपु त्ये तायवौ यथा नक्षत्रा यन्त्यक्तुभिः । सूराय विश्वचक्षसे २
 अदृश्रमस्य केतवो वि रश्मयो जनाँ अनु । भ्राजन्तो अग्रयो यथा ३
 तरणिर्विश्वदर्शतो ज्योतिष्कृदसि सूर्य । विश्वमा भासि रोचनम् ४
 प्रत्यङ् देवानां विशः प्रत्यङ्ङुदैषि मानुषान् । प्रत्यङ् विश्वं स्वर्दृशे ५
 येना पावक चक्षसा भुरगयन्तं जनाँ अनु । त्वं वरुण पश्यसि ६
 वि द्यामैषि रजस्पृथ्व हा मिमानो अक्तुभिः । पश्यञ्जन्मानि सूर्य ७
 सप्त त्वा हरितो रथे वहन्ति देव सूर्य । शोचिष्कैशं विचक्षण ८
 अयुक्त सप्त शन्ध्युवः सूरौ रथस्य नमचः । ताभिर्याति स्वयुक्तिभिः ९
 उद् वयं तमसस्पिरि ज्योतिष्पश्यन्त उत्तरम् ।
 देवं देवत्रा सूर्य मगन्म ज्योतिरुत्तमम् १०
 उद्यन्नद्य मित्रमह आरोहन्नुत्तरां दिवम् ।
 हद्दोगं मम सूर्य हरिमार्णं च नाशय ११
 शुक्लैषु मे हरिमार्णं रोपणाकासु दध्मसि ।
 अथो हारिद्रवेषु मे हरिमार्णं नि दध्मसि १२
 उदगाद्यमादित्यो विश्वेन सहसा सह ।
 द्विषन्तं मह्यं रन्धयन् मो अहं द्विषते रधम् १३

(५१) एकपञ्चाशं सूक्तम्

(१-१५) पञ्चदशर्चस्यास्य सूक्तस्याङ्गिरसः सव्य ऋषिः । इन्द्रो देवता । (१-१३)
 प्रथमादित्रयोदशर्चा जगती (१४-१५) चतुर्दशीपञ्चदशयोश्च त्रिष्टुप् छन्दसी
 अभि त्यं मेषं पुरुहूतमृग्मिय मिन्द्रं गीर्भिर्मदता वस्वौ अर्णवम् ।
 यस्य द्यावो न विचरन्ति मानुषा भुजे मंहिष्ठमभि विप्रमर्चत १
 अभीमवन्वन्त्स्वभिष्टिमूतयोऽन्तरिक्षप्रां तविषीभिरावृतम् ।
 इन्द्रं दक्षास ऋभवौ मदच्युतं शतक्रतुं जर्वनी सूनृतारुहत् २
 त्वं गोत्रमङ्गिरोभ्योऽवृणोरपो तात्रये शतदुरेषु गातुवित् ।
 ससेनं चिद् विमदायावहो वस्वा जावद्रिं वावसानस्य नृतयन् ३

त्वमपामपिधानावृणोरपाऽधारयुः पर्वते दानुमद् वसु ।
वृत्रं यदिन्द्र शवसावधीरहि मादित् सूर्यं दिव्यारौहयो दृशे ४
त्वं मायाभिरपं मायिनोऽधमः स्वधाभिर्ये अधि शुभावर्जुह्वत ।
त्वं पिप्रौर्नृमणः प्रारुजः पुरः प्र ऋजिश्चानं दस्युहृत्येष्वाविथ ५
त्वं कुत्सं शुष्णहृत्येष्वाविथाऽरन्धयोऽतिथिगवायु शम्बरम् ।
महान्तं चिदर्बुदं नि क्रमीः पदा सनादेव दस्युहृत्याय जज्ञिषे ६
त्वे विश्वा तविषी सध्र्यगिघता तव राधः सोमपीथाय हर्षते ।
तव वज्रश्चिकिते बाहोर्हितो वृश्वा शत्रोरव विश्वानि वृष्ण्या ७
वि जानीह्यार्यान् ये च दस्यवो बर्हिष्मते रन्धया शासदवृतान् ।
शाकी भव यजमानस्य चोदिता विश्वेत् ता ते सधमादेषु चाकन ८
अनुव्रताय रन्धयन्नपव्रता नाभूभिरिन्द्रः श्नथयन्ननाभुवः ।
वृद्धस्य चिद् वर्धतो घामिनक्षतः स्तवानो वृमो वि जघान संदिहः ९
तक्षद् यत तं उशना सहसा सहो वि रोदसी मुज्मना बाधते शर्वः ।
आ त्वा वातस्य नृमणो मनोयुज आ पूर्यमाणमवहन्नभि श्रवः १०
मन्दिष्टु यदुशनै काव्ये सचाँ इन्द्रो वृङ्कू वङ्कुतराधि तिष्ठति ।
उग्रो ययिं निरपः स्रोतसासृजद् वि शुष्णस्य दंहिता ऐरयत् पुरः ११
आ स्मा रथं वृषपाणेषु तिष्ठसि शार्यातस्य प्रभृता येषु मन्दसे ।
इन्द्र यथा सुतसौमेषु चाकनोऽनुवाणं श्लोकमा रौहसे दिवि १२
अददा अभामहते वचस्यवै कक्षीवते वचयामिन्द्र सुन्वते ।
मेनाभवो वृष्णश्वस्य सुक्रतो विश्वेत् ता ते सर्वनेषु प्रवाच्या १३
इन्द्रो अश्रायि सुध्यौ निरेके पञ्जेषु स्तोमो दुर्यो न यूपः ।
अश्वयुर्गव्यू रथयुर्वसूयु रिन्द्र इद्रायः क्षयति प्रयन्ता १४
इदं नमो वृषभार्य स्वराजै सत्यशुष्माय तवसेऽवाचि ।
अस्मिन्निन्द्र वृजने सर्ववीराः स्मत् सूरिभिस्तव शर्मन्त्स्याम १५

(५२) द्विपञ्चाशं सूक्तम्

(१-१५) पञ्चदशर्चस्यास्य सूक्तस्याङ्गिरसः सव्य ऋषिः । इन्द्रो देवता । (१-१२,

१४) प्रथमादिद्वादशर्चा चतुर्दश्याश्च जगती

(१३, १५) त्रयोदशीपञ्चदशयोश्च त्रिष्टुप् छन्दसी

त्यं सु मेषं महया स्वर्विदं शतं यस्य सुभ्वः साकमीरते ।

अत्यं न वाजं हवनस्यदं रथमेन्द्रं ववृत्यामवसे सुवृक्तिभिः १
 स पर्वतो न धरुणेष्वच्युतः सहस्रमूतिस्तविषीषु वावृधे ।
 इन्द्रो यद् वृत्रमवधीन्नदीवृतं मुब्जन्नर्णांसि जर्हषाणो अन्धसा २
 स हि दुरो दुरिषु वृत्र ऊर्धनि चन्द्रबुधो मदवृद्धो मनीषिभिः ।
 इन्द्रं तमहे स्वपस्यया धिया मंहिष्ठारातिं स हि पप्रिन्धसः ३
 आ यं पृणन्ति दिवि सद्यबर्हिषः समुद्रं न सुभ्वशुः स्वा अभिष्टयः ।
 तं वृत्रहत्ये अनु तस्थुरूतयः शुष्मा इन्द्रमवाता अहुतप्सवः ४
 अभि स्ववृष्टिं मदं अस्य युध्यतो रघ्वीरिव प्रवृणे संस्त्रुरूतयः ।
 इन्द्रो यद् वृज्जी धृषमाणो अन्धसा भिनद् वलस्य परिधीरिव त्रितः ५
 परी घृणा चरति तित्विषे शवोऽपो वृत्वी रजसो बुधमाशयत् ।
 वृत्रस्य यत् प्रवृणे दुर्गभिश्चनो निजघन्थ हन्वौरिन्द्र तन्यतुम् ६
 हृदं न हि त्वा न्यृषन्त्यूर्मयो ब्रह्माणीन्द्र तव यानि वर्धना ।
 त्वष्टा चित् ते युज्यं वावृधे शवं स्ततद् वज्रमभिभूत्योजसम् ७
 जघन्वाँ उ हरिभिः संभृतक्रतु विन्द्रं वृत्रं मनुषे गातुयन्नपः ।
 अयच्छथा बाहोर्वज्रमायस मधारयो दिव्या सूर्यं दृशे ८
 बृहत् स्वश्चन्द्रमवद् यदुक्थ्यशु मकृशवत भियसा रोहणं दिवः ।
 यन्मानुषप्रधना इन्द्रमूतयः स्वनृषाचौ मरुतोऽमदन्ननु ९
 द्यौश्चिदस्यामवाँ अर्हेः स्वना दयौयवीद् भियसा वज्र इन्द्र ते ।
 वृत्रस्य यद् वद्धधानस्य रोदसी मदं सुतस्य शवसाभिन्च्छिरः १०
 यदिन्विन्द्र पृथिवी दशभुजि रहानि विश्वा ततनन्त कृष्टयः ।
 अत्राहं ते मघवन् विश्रुतं सहो द्यामनु शवसा बर्हणा भुवत् ११
 त्वमस्य पारे रजसो व्योमनः स्वभूत्योजा अवसे धृषन्मनः ।
 चकृषे भूमिं प्रतिमानमोजसोऽपः स्वः परिभूरेष्या दिवम् १२
 त्वं भुवः प्रतिमानं पृथिव्या ऋष्ववीरस्य बृहतः पतिर्भूः ।
 विश्वमाप्रा अन्तरिक्षं महित्वा सत्यमद्धा नकिरन्यस्त्वावान् १३
 न यस्य द्यावापृथिवी अनु व्यचो न सिन्धवो रजसो अन्तमानुशुः ।
 नोत स्ववृष्टिं मदं अस्य युध्यत एकौ अन्यच्चकृषे विश्वमानुषक १४
 आर्चन्नत्र मरुतः सस्मिन्नाजौ विश्वे देवासौ अमदन्ननु त्वा ।
 वृत्रस्य यद् भृष्टिमता वृधेन नि त्वमिन्द्र प्रत्यानं जघन्थ १५

(५३) त्रिपञ्चाशं सूक्तम्

(१-११) एकादशर्चस्यास्य सूक्तस्याङ्गिरसः सव्य ऋषिः । इन्द्रो देवता । (१-६)
 प्रथमादिनवर्चा जगती (१०-११) दशम्येकादशयोश्च त्रिष्टुप् छन्दसी
 न्यू॒ञ्छु वाचं॑ प्र म॒हे भ॑रामहे गिर॒ इन्द्रा॑यु॒ स॒दने॑ वि॒वस्व॑तः ।
 नू चि॒द्धि रत्नं॑ स॒स॒तामि॒वावि॑दन्न दु॒ष्टति॑र्द्रवि॒णो॒देषु॑ शस्यते १
 दुरो अ॒श्वस्य॑ दुर इन्द्र॒ गोर॑सि दुरो य॒वस्य॑ वसु॒न इ॒नस्प॑तिः ।
 शि॒क्षान॑रः प्र॒दिवो॑ अ॒काम॑कर्श॒नः सखा॑ सखि॒भ्यस्त॑मि॒दं गृणी॑मसि २
 शची॑व इन्द्र॒ पुरु॑कृद् द्यु॒मत्त॑म॒ तवे॑दि॒दम॑भित॒श्चेकि॑ते वसु ।
 अ॒तः स॒गृभ्या॑भिभू॒त आ भ॑र॒ मा त्वा॑य॒तो ज॑रितुः काम॒मून॑यीः ३
 ए॒भिद्यु॑भिः सु॒मना॑ ए॒भिरि॑न्दु॒भि निर्॑रु॒न्धानो॑ अ॒मतिं॑ गो॒भिर॑श्चि॒ना ।
 इन्द्रै॑ण दस्यु॒ द॒रय॑न्त इ॒न्दुभि॑र्यु॒तद्वेष॑सः स॒मिषा॑ र॒भेम॑हि ४
 स॒मिन्द्र॑ रा॒या स॒मिषा॑ र॒भेम॑हि सं वा॒जैभिः॑ पु॒रुश्चन्द्रै॑र॒भिद्यु॑भिः ।
 सं दे॒व्या प्र॑मत्या वी॒रशु॑ष्मया गो॒अग्र॑याश्चा॒वत्या॑ र॒भेम॑हि ५
 ते त्वा॒ मदा॑ अ॒मद॑न् ता॒नि वृ॑ष्ण्या॒ ते सो॑मा॒सो वृ॒त्रह॑त्येषु स॒त्पते॑ ।
 यत् का॒रवे॑ दश॒ वृ॒त्राय॑प्रति ब॒र्हिष्म॑ते॒ नि स॒हस्रा॑णि ब॒र्हयः॑ ६
 यु॒धा यु॒धमु॑प॒ घेदै॑षि धृ॒ष्ण्या॑ पु॒रा पु॒रं स॒मिदं॑ ह॒स्योर्ज॑सा ।
 न॒म्या यदि॑न्द्र॒ सख्या॑ परा॒वर्ति॑ नि॒बर्ह॑यो न॒मुचिं॑ नाम॒ मायि॑नम् ७
 त्वं क॑र॒ञ्जमु॑त॒ पर्ण॑यं वधी॒ स्तेजि॑ष्ठयातिथि॒ग्वस्य॑ वर्त॒नी ।
 त्वं श॒ता व॑द्भृ॒दस्या॑भि॒नत् पुरो॑ऽनानु॒दः परि॑षू॒ता ऋ॒जिश्च॑ना ८
 त्वमे॒ताञ्जन॑राज्ञो द्वि॒र्दशा॑ऽब॒न्धुना॑ सु॒श्रव॑सोप॒जग्मु॑षः ।
 ष॒ष्टिं स॒हस्रा॑ न॒वतिं॑ न॒व श्रु॑तो नि च॒क्रेण॑ रथ्या॒ दुष्प॑दावृ॒णक् ९
 त्वमा॑विथ सु॒श्रव॑सं॒ तवो॑तिभि॒ स्तव॑ त्राम॒भिरि॑न्द्र॒ तूर्व॑याणम् ।
 त्वम॑स्मै कु॒त्स॑मतिथि॒ग्वमा॑युं म॒हे रा॒ज्ञे यू॒ने अ॒रन्ध॑नायः १०
 य उ॒दृची॑न्द्र॒ देव॑गो॒पाः सखा॑यस्ते शि॒वत॑मा॒ असाम॑ ।
 त्वां स्तो॑षाम॒ त्वया॑ सु॒वीरा॑ द्राघी॒य आ॑युः प्र॒तरं॑ दधा॒नाः ११

(५४) चतुःपञ्चाशं सूक्तम्

(१-११) एकादशर्चस्यास्य सूक्तस्याङ्गिरसः सव्य ऋषिः । इन्द्रो देवता । (१-५,
 ७, १०) प्रथमादिपञ्चर्चा सप्तमीदशम्योश्च जगती (६, ८-९, ११)

षष्ठ्यष्टमीनवम्येकादशीनाञ्च त्रिष्टुप् छन्दसी
 मा नो अस्मिन् मघवन् पृत्स्वंहसि नहि ते अन्तः शर्वसः परीणशै ।
 अक्रन्दयो नद्योर्ऽरोरुवद् वना कथा न क्षोणीर्भियसा समारत १
 अर्चा शक्राय शाकिने शचीवते शृगवन्तमिन्द्रं महयन्नभि ष्टिहि ।
 यो धृष्णुना शर्वसा रोदसी उभे वृषा वृषत्वा वृषभो न्यृञ्जते २
 अर्चा दिवे बृहते शूष्यं वचः स्वक्षत्रं यस्य धृषतो धृषन्मनः ।
 बृहच्छ्रवा असुरो बर्हणा कृतः पुरो हरिभ्यां वृषभो रथो हि षः ३
 त्वं दिवो बृहतः सानु कोपयोऽव त्मना धृषता शंबरं भिनत् ।
 यन्मायिनो वृन्दिनो मन्दिना धृष च्छितां गर्भस्तिमशनिं पृतन्यसि ४
 नि यद् वृणक्षि श्वसनस्य मूर्धनि शुष्णस्य चिद् वृन्दिनो रोरुवद् वना ।
 प्राचीनेन मनसा बर्हणावता यद्द्या चित् कृणवः कस्त्वा परि ५
 त्वमाविथ नयं तुर्वशं यदुं त्वं तुर्वीति वय्यं शतक्रतो ।
 त्वं रथमेतशं कृत्वये धने त्वं पुरो नवतिं दम्भयो नव ६
 स घा राजा सत्पतिः शूशुवञ्जनो रातहव्यः प्रति यः शासमिन्वति ।
 उक्था वा यो अभिगृणाति राधसा दानुरस्मा उपरा पिन्वते दिवः ७
 असमं क्षत्रमसमा मनीषा प्र सोमपा अपसा सन्तु नेमै ।
 ये त इन्द्र ददुषौ वर्धयन्ति महिं क्षत्रं स्थविरं वृषयं च ८
 तुभ्येदेते बहुला अद्रिदुग्धा श्वमूषदश्चमसा इन्द्रपानाः ।
 व्यश्नुहि तर्पया काममेषा मथा मनो वसुदेयाय कृष्व ९
 अपामतिष्ठद्भूरुणह्वरं तमोऽन्तर्वृत्रस्य जठरेषु पर्वतः ।
 अभीमिन्द्रो नद्यो वृत्रिणा हिता विश्वा अनुष्ठाः प्रवरोषु जिघ्रते १०
 स शेवृधमधि धा द्युम्रमस्मे महिं क्षत्रं जनाषाळिन्द्र तव्यम् ।
 रक्षा च नो मघोनः पाहि सूरीन् राये च नः स्वपत्या इषे धाः ११

(५५) पञ्चपञ्चाशं सूक्तम्

(१-८) अष्टर्चस्यास्य सूक्तस्याङ्गिरसः सव्य ऋषिः । इन्द्रो देवता । जगती छन्दः
 दिवश्चिदस्य वरिमा वि पंप्रथ इन्द्रं न म्हा पृथिवी चन प्रति ।
 भीमस्तुविष्माञ्चर्षणिभ्य आतपः शिशीते वज्रं तेजसे न वंसगः १
 सो अर्णवो न नद्यः समुद्रियुः प्रति गृभ्णाति विश्रिता वरीमभिः ।

इन्द्रः सोमस्य पीतयै वृषायते सनात् स युध्म ओजसा पनस्यते २
 त्वं तमिन्द्र पर्वतं न भोजसे महो नृम्णास्य धर्मणामिरज्यसि ।
 प्र वीर्येण देवताति चेकिते विश्वस्मा उग्रः कर्मणे पुरोहितः ३
 स इद् वने नमस्युभिर्वचस्यते चारु जनैषु प्रब्रुवाण इन्द्रियम् ।
 वृषा छन्दुर्भवति हर्यतो वृषा क्षेमैण धेना मघवा यदिन्वति ४
 स इन्महानि समिथानि मज्जना कृणोति युध्म ओजसा जनैभ्यः ।
 अधा चन श्रद् दधति त्विषीमत इन्द्राय वज्रं निघनिघ्नते वधम् ५
 स हि श्रवस्युः सदनानि कृत्रिमा क्षमया वृधान ओजसा विनाशयन् ।
 ज्योतीषि कृशवन्नवृकाणि यज्यवेऽव सुक्रतुः सर्तवा अपः सृजत् ६
 दानाय मर्नः सोमपावन्नस्तु तेऽर्वाञ्चा हरी वन्दनश्रुदा कृधि ।
 यमिष्ठासः सारथयो य इन्द्र ते न त्वा केता आ दभ्नुवन्ति भूर्णयः ७
 अप्रक्षितं वसु बिभर्षि हस्तयो रषाहळं सहस्तन्वि श्रुतो दधे ।
 आवृतासोऽवृतासो न कर्तृभिस्तनूषु ते क्रतव इन्द्र भूरयः ८

(५६) षट्पञ्चाशं सूक्तम्

(१-६) षट्चस्यास्य सूक्तस्याङ्गिरसः सव्य ऋषिः । इन्द्रो देवता । जगती छन्दः
 एष प्र पूर्वीरव तस्य चमिषोऽत्यो न योषामुदयंस्त भुर्वणिः ।
 दक्षं महो पाययते हिरण्ययं रथमावृत्या हरियोगमृभ्वसम् १
 तं गूर्तयौ नेमन्निषः परीणसः समुद्रं न संचरणे सनिष्यवः ।
 पतिं दक्षस्य विदथस्य नू सहौ गिरिं न वेना अधि रोह तेजसा २
 स तुर्वणिर्महाँ अरेणु पौस्यै गिरेर्भृष्टिर्न भ्राजते तुजा शवः ।
 येन शुष्णा मायिनमायसो मदै दुध्र आभूषु रामयन्नि दामनि ३
 देवी यदि तविषी त्वावृधोतय इन्द्रं सिषक्त्युषसं न सूर्यः ।
 यो धृष्णाना शवसा बाधते तम् इयति रेणुं बृहदह्रिष्वणिः ४
 वि यत् तिरो धरुणमच्युतं रजोऽतिष्ठिपो दिव आतासु बर्हणा ।
 स्वर्मीहळे यन्मद इन्द्र हर्ष्याहन् वृत्रं निरपामौब्जो अर्णवम् ५
 त्वं दिवो धरुणं धिष ओजसा पृथिव्या इन्द्र सदानेषु माहिनः ।
 त्वं सुतस्य मदै अरिणा अपो वि वृत्रस्य समया पाष्यारुजः ६

(५७) सप्तपञ्चाशं सूक्तम्

(१-६) षडृचस्यास्य सूक्तस्याङ्गिरसः सव्य ऋषिः । इन्द्रो देवता । जगती छन्दः
 प्र मंहिष्ठाय बृहते बृहद्रये सत्यशुष्माय तवसे मतिं भरे ।
 अपामिव प्रवणे यस्य दुर्धरं राधो विश्वायु शर्वसे अपावृतम् १
 अर्धं ते विश्वमनु हासदिष्टय आपो निम्नेव सर्वना हविष्मतः ।
 यत् पर्वते न समशीत हर्यत इन्द्रस्य वज्रः शनथिता हिरण्ययः २
 अस्मै भीमाय नमसा समध्वर उषो न शुभ्र आ भरा पनीयसे ।
 यस्य धाम शर्वसे नामैन्द्रियं ज्योतिरकारि हरितो नार्यसे ३
 इमे त इन्द्र ते वयं पुरुष्टु ये त्वारभ्य चरामसि प्रभूवसो ।
 नहि त्वदन्यो गिर्वणो गिरः सघत् क्षोणीरिव प्रति नो हर्य तद् वचः ४
 भूरि त इन्द्र वीर्यं तव स्मस्य स्य स्तोतुर्मघवन् काममा पृण ।
 अनु ते द्यौर्बृहती वीर्यं मम इयं च ते पृथिवी नैम् ओजसे ५
 त्वं तमिन्द्र पर्वतं महामुरुं वज्रेण वज्रिन् पर्वशश्वकर्तिथ ।
 अवांसृजो निर्वृताः सर्तवा अपः सत्रा विश्वं दधिषे केवलं सहः ६

(५८) अष्टपञ्चाशं सूक्तम्

(१-६) नवर्चस्यास्य सूक्तस्य गौतमो नोधा ऋषिः । अग्निर्देवता । (१-५)
 प्रथमादिपञ्चर्चा जगती (६-६) षष्ठ्यादिचतसृणाञ्च त्रिष्टुप् छन्दसी
 नू चित् सहोजा अमृतो नि तुन्दते होता यद् दूतो अभवद् विवस्वतः ।
 वि साधिष्ठेभिः पृथिभी रजो मम आ देवताता हविषा विवासति १
 आ स्वमद्य युवमानो अजरं स्तृष्वविष्यन्नतसेषु तिष्ठति ।
 अत्यो न पृष्ठं प्रुषितस्य रोचते दिवो न सानुं स्तनयन्नचिक्रदत् २
 क्राणा रुद्रेभिर्वसुभिः पुरोहितो होता निषत्तो रयिषाळमर्त्यः ।
 रथो न विद्वृञ्जसान आयुषु व्यानुषग्वार्या देव ऋणवति ३
 वि वार्तजूतो अतसेषु तिष्ठते वर्था जुहूभिः सृणया तुविष्वशिः ।
 तृषु यदग्ने वनिनो वृषायसे कृष्णं त एम् रुशदूर्मे अजर ४
 तपुर्जम्भो वन् आ वार्तचोदितो यूथे न साहाँ अवं वाति वंसंगः ।
 अभिव्रजन्नक्षितं पार्जसा रजः स्थातुश्चरथं भयते पत्रिणः ५
 दधुष्ठा भृगवो मानुषेष्वारयिं न चारुं सुहवं जनैभ्यः ।
 होतारमग्ने अतिथिं वरेण्यं मित्रं न शेवं दिव्याय जन्मने ६

होतारं सप्त जुहोर्ऽ यजिष्ठं यं वाघतो वृणते अध्वरेषु ।
अग्निं विश्वेषामरतिं वसूनां सपर्यामि प्रयसा यामि रत्नम् ७
अच्छिद्रा सूनो सहसो नो अद्य स्तोतृभ्यो मित्रमहः शर्म यच्छ ।
अग्रे गृणन्तमंहस उरुष्योर्जो नपात् पूर्भिरायसीभिः ८
भवा वरूथं गृणते विभावो भवा मघवन् मघवद्भ्यः शर्म ।
उरुष्याग्ने अंहसो गृणन्तं प्रातर्मचू धियावसुर्जगम्यात् ९

(५६) एकोनषष्टितमं सूक्तम्

(१-७) सप्तर्चस्यास्य सूक्तस्य गौतमो नोधा ऋषिः । अग्निर्वैश्वानरो देवता ।

त्रिष्टुप् छन्दः

व्या इदमे अग्रयस्ते अन्ये त्वे विश्वे अमृता मादयन्ते ।
वैश्वानर नाभिरसि क्षितीनां स्थूणैव जना उपमिद् ययन्थ १
मूर्धा दिवो नाभिरग्निः पृथिव्या अथाभवदरती रोदस्योः ।
तं त्वा देवासोऽजनयन्त देवं वैश्वानर ज्योतिरिदार्याय २
आ सूर्ये न रश्मयो ध्रुवासो वैश्वानरे दधिरेऽग्ना वसूनि ।
या पर्वतेष्वोषधीष्वप्सु या मानुषेष्वसि तस्य राजा ३
बृहती इव सूनवे रोदसी गिरो होता मनुष्योर्ऽ न दक्षः ।
स्वर्वते सत्यशुष्माय पूर्वी वैश्वानराय नृत्तमाय युहीः ४
दिवश्चित् ते बृहतो जातवेदो वैश्वानर प्र रिरिचे महित्वम् ।
राजा कृष्टीनामसि मानुषीणां युधा देवेभ्यो वरिवश्चकर्थ ५
प्र नू महित्वं वृषभस्य वोचं यं पूरवो वृत्रहणं सचन्ते ।
वैश्वानरो दस्युमग्निर्जघन्वाँ अधूनोत् काष्ठा अव शंबरं भेत् ६
वैश्वानरो महिम्ना विश्वकृष्टिर्भरद्वाजेषु यजतो विभावा ।
शातवनेये शतिनीभिरग्निः पुरुणीथे जरते सूनृतावान् ७

(६०) षष्टितमं सूक्तम्

(१-५) पञ्चर्चस्यास्य सूक्तस्य गौतमो नोधा ऋषिः । अग्निर्देवता । त्रिष्टुप् छन्दः

वह्निं यशसं विदथस्य केतुं सुप्राव्यं दूतं सद्यो अर्थम् ।
द्विजन्मानं रयिमिव प्रशस्तं रातिं भरद् भृगवे मातरिश्वा १
अस्य शासुरुभयासः सचन्ते हविष्मन्त उशिजो ये च मर्ताः ।

दिवश्चित् पूर्वो न्यसादि होताऽऽपृच्छयो विश्पतिर्विन्नु वेधाः २
 तं नव्यसी हृद आ जायमान म्स्मत् सुकीर्तिर्मधुजिह्वमश्याः ।
 यमृत्विजो वृजने मानुषासः प्रयस्वन्त आयवो जीजनन्त ३
 उशिक पावको वसुमानुषेषु वरैरयो होताधायि विन्नु ।
 दमूना गृहपतिर्दम आँ अग्निर्भुवद् रयिपती रयीणाम् ४
 तं त्वा वयं पतिमग्ने रयीणां प्र शंसामो मृतिभिर्गोतमासः ।
 आशुं न वाजंभरं मर्जयन्तः प्रातर्मन्त्रू धियावसुर्जगम्यात् ५

(६१) एकषष्टितमं सूक्तम्

(१-१६) षोडशर्चस्यास्य सूक्तस्य गौतमो नोधा ऋषिः । इन्द्रो देवता ।

त्रिष्टुप् छन्दः

अस्मा इदु प्र तवसै तुराय प्रयो न हर्मि स्तोमं माहिनाय ।
 ऋचीषमायाधिगव ओह मिन्द्राय ब्रह्माणि रातर्तमा १
 अस्मा इदु प्रय इव प्र यसि भराभ्याङ्गुषं बाधे सुवृक्ति ।
 इन्द्राय हृदा मनसा मनीषा प्रत्वाय पत्ये धियो मर्जयन्त २
 अस्मा इदु त्यमुपमं स्वर्षा भराभ्याङ्गुषमास्येन ।
 मंहिष्टमच्छौक्तिभिर्मतीनां सुवृक्तिभिः सूरिं वावृधध्यै ३
 अस्मा इदु स्तोमं सं हिनोमि रथं न तष्टेव तत्सिनाय ।
 गिरश्च गिर्वाहसे सुवृक्तीन्द्राय विश्वमिन्वं मेधिराय ४
 अस्मा इदु सप्तमिव श्रवस्येन्द्रायार्क जुह्वाऽ समञ्जे ।
 वीरं दानौकसं वन्दध्यै पुरां गूर्तश्रवसं दमरिणाम् ५
 अस्मा इदु त्वष्टा तद्भद् वज्रं स्वपस्तमं स्वर्यश् रणाय ।
 वृत्रस्य चिद् विदद् येन मर्म तुजनीशानस्तुजता कियेधाः ६
 अस्येदु मातुः सर्वनेषु सद्यो महः पितुं पपिवाञ्चार्वन्ना ।
 मुषायद् विष्णाः पचतं सहीयान् विध्यद् वराहं तिरो अद्रिमस्ता ७
 अस्मा इदु ग्राश्चिद् देवपत्नी रिन्द्रायार्कमहिहत्य ऊवुः ।
 परि द्यावापृथिवी जंभ उर्वी नास्य ते महिमानं परि ष्टः ८
 अस्येदेव प्र रिरिचे महित्वं दिवस्पृथिव्याः पर्यन्तरिज्ञात् ।
 स्वराळिन्द्रो दम आ विश्वगूर्तः स्वरिमत्रो ववन्ने रणाय ९
 अस्येदेव शर्वसा शषन्तं वि वृश्चद् वज्रेण वृत्रमिन्द्रः ।

गा न ब्राणा अ॒वनी॑रमुञ्च द॒भि श्रवो॑ दा॒वने॒ सचै॑ताः १०
अ॒स्येदु॑ त्वेषसा॑ रन्त॒ सिन्ध॑वः परि॒ यद् वज्र॑ण सी॒मय॑च्छत् ।
ई॒शान॑कृद् दा॒शुषे॑ द॒शस्य॑न् तु॒र्वीत॑ये गा॒धं तु॒र्वणिः॑ कः ११
अ॒स्मा इ॒दु प्र भ॑रा॒ तूतु॑जानो वृ॒त्राय॑ व॒ज्रमी॑शानः किये॒धाः ।
गो॒र्न प॑र्व॒ वि र॑दा॒ तिर॒श्चे ष्य॑न्न॒र्णास्य॑पां च॒रध्वै॑ १२
अ॒स्येदु॑ प्र ब्रू॒हि पू॒र्व्याणि॑ तु॒रस्य॑ क॒र्माणि॑ न॒व्य उ॒क्थैः॑ ।
यु॒धे यद्वि॑ष्णान॒ आयु॑धा न्यृ॒घाय॑माणो नि॒रिणा॑ति श॒त्रून् १३
अ॒स्येदु॑ भि॒या गि॑रयश्च दृ॒हळा॑ द्यावा॒ च भू॑मा॒ जनु॑षस्तुजेते ।
उ॒पो वे॑नस्य॒ जोगु॑वान॒ ओणि॑ं स॒द्यो भु॑वद् वी॒र्या॑य नो॒धाः १४
अ॒स्मा इ॒दु त्यद॑नु॒ दाय्ये॑षा॒ मेको॑ यद् व॒व्ने भू॑रेरीशानः ।
प्रे॒तशं॑ सू॒र्ये प॑स्पृ॒धानं॑ सौ॒वश्व॑ये सु॒ष्विमा॑व॒दिन्द्रः॑ १५
ए॒वा तै॑ हा॒रियो॑जना सु॒वृक्ती॑ न्द्र ब्र॒ह्माणि॑ गो॒र्तमा॑सो अ॒क्रन् ।
ऐ॒षु वि॒श्वपै॑शसं॒ धियं॑ धाः प्रा॒तर्मु॑क्षू॒ धिया॑व॒सुर्जग॑म्यात् १६

पञ्चमोऽध्यायः ५

। व० १-३१ ।

(६२) द्विषष्टितमं सूक्तम्

(१-१३) त्रयोदशर्चस्यास्य सूक्तस्य गौतमो नोधा ऋषिः । इन्द्रो देवता ।

त्रिष्टुप् छन्दः

प्र म॑न्महे श॒वसा॑नाय॒ शूष॑ मा॒ङ्गूषं॑ गि॒र्वण॑से अ॒ङ्गिर॑स्वत् ।
सु॒वृक्ति॑भिः स्तु॒वत॑ ऋ॒ग्मिया॑या॒ ऽर्चामा॑र्कं नरे॒ विश्रु॑ताय १
प्र वो॑ म॒हे म॒हि नमो॑ भर॒ध्वमा॑ङ्गूष्यं श॒वसा॑नाय॒ सामं॑ ।
येना॑ नः॒ पूर्वे॑ पि॒तरः॑ प॒दज्ञा॑ अ॒र्चन्तो॑ अ॒ङ्गिर॑सो गा अ॒विन्द॑न् २
इन्द्र॑स्याङ्गि॒रसां॑ चेष्टौ वि॒दत् स॒रमा॑ तन॒याय॑ धा॒सिम् ।
बृ॒हस्प॑तिर्भि॒नद॑द्रिं वि॒दद् गाः॑ स॒मुस्त्रि॑याभिर्वा॒वश॑न्त॒ नरः॑ ३
स सु॒ष्टुभा॑ स स्तु॒भा स॒प्त वि॑पैः स्व॒रेणा॑द्रिं स्व॒र्यो॑ऽ न॒वग॑वैः ।
स॒र॒ण्यु॑भिः फ॒लिग॑मिन्द्र श॒क्र व॒लं र॑वै॒ण द॑रयो॒ दश॑गवैः ४
गृ॒णानो॑ अ॒ङ्गिरो॑भिर्द॒स्म वि॑ व॒रुष॑सा॒ सूर्ये॑ण गो॒भिर॑न्धः ।
वि॒ भूम्या॑ अ॒प्रथ॑य इन्द्र॒ सानु॑ दि॒वो र॑ज॒ उप॑रमस्त॒भायः॑ ५
तदु॑ प्र॒यत्न॑तममस्य॒ कर्म॑ द॒स्मस्य॑ चा॒रुत॑ममस्ति॒ दंसः॑ ।

उ॒प॒ह॒रे यदु॒प॒रा अ॒पि॒न्वन् म॒ध्व॒र्ण॒सो न॒द्य॒श्च॒त॒स्रः ६
 द्वि॒ता वि॒ व॒त्रे स॒न॒जा स॒नी॒ळे अ॒या॒स्यः स्त॒व॒मा॒नेभि॒र॒कैः ।
 भ॒गो न॒ मे॒ने॒ प॒र॒मे व्यो॒म॒न्न॒धा॒र॒यद् रो॒द॒सी सु॒द॒साः ७
 स॒नाद् दि॒वं प॒रि॒ भू॒मा वि॒रू॒पे पु॒न॒र्भु॒वा यु॒व॒ती स्वे॒भि॒रे॒वैः ।
 कृ॒ष्णे॒भि॒र॒क्तो॒षा रु॒श॒द्भि॒र्व॒पु॒र्भिरा॒ च॒रतो॒ अ॒न्या॒न्यां ८
 स॒ने॒मि स॒ख्यं स्व॒प॒स्य॒मा॒नः सू॒नु॒र्दा॒धा॒र श॒व॒सा सु॒द॒साः ।
 आ॒मा॒सु चि॒द् द॒धि॒षे प॒क्व॒म॒न्तः प॒र्यः कृ॒ष्णा॒सु रु॒श॒द् रो॒हि॒णीषु ९
 स॒नात् स॒नी॒ळा अ॒व॒नी॒र॒वा॒ता वृ॒ता र॒क्ष॒न्ते अ॒मृ॒ताः स॒हो॒भिः ।
 पु॒रू स॒ह॒स्रा ज॒न॒यो न॒ प॒त्नी दु॒व॒स्य॒न्ति स्व॒सा॒रो अ॒ह॒या॒णम् १०
 स॒ना॒यु॒वो न॒म॒सा न॒व्यो अ॒कै॒र्व॒सू॒यवो॑ म॒तयो॑ द॒स्म द॒द्रुः ।
 प॒तिं न॒ प॒त्नीरु॒श॒तीरु॒श॒न्त॑ स्पृ॒श॒न्ति॑ त्वा श॒व॒सा॒वन् म॒नी॒षाः ११
 स॒ना॒दे॒व त॒व॒ रा॒यो ग॒भ॒स्तौ न॒ क्षी॒र॒न्ते नो॒प॑ द॒स्य॒न्ति द॒स्म ।
 द्यु॒माँ अ॒सि॒ क्र॒तु॒माँ इ॒न्द्र धी॒रः शि॒क्षा श॒ची॒व॒स्त॒व नः॑ श॒ची॒भिः १२
 स॒ना॒य॒ते गो॒त॒म इ॒न्द्र न॒व्य॒ म॒त॒क्ष॒द् ब्र॒ह्म॑ ह॒रि॒यो॒र्ज॒नाय॑ ।
 सु॒नी॒था॒य नः॑ श॒व॒सा॒न नो॒धाः प्रा॒त॒र्म॒क्षू धि॒या॒र्व॒सु॒र्ज॒ग॒म्यात् १३

(६३) त्रिषष्टितमं सूक्तम्

(१-६) नवर्चस्यास्य सूक्तस्य गौतमो नोधा ऋषिः । इन्द्रो देवता । त्रिष्टुप् छन्दः
 त्वं म॒हाँ इ॒न्द्र यो ह॒ शु॒ष्मै॒ द्या॒वा ज॒ज्ञानः॑ पृ॒थि॒वी अ॒मे॒ धाः ।
 य॒द्ध॒ ते वि॒श्वा गि॒र॒यश्चि॒द॒भ्वा भि॒या दृ॒ह॒ळसः॑ कि॒र॒णा नै॒र्जन् १
 आ य॒द्ध॒री इ॒न्द्र वि॒व॒ता वे॒रा ते॒ व॒ज्रं॑ ज॒रि॒ता ब्रा॒ह्मो॒र्धात् ।
 ये॒ना॒वि॒ह॒र्य॒त॒क्र॒तो अ॒मि॒त्रान् पु॒र इ॒ष्णा॒सि॒ पुरु॒हू॒त पूर्वीः॑ २
 त्वं स॒त्य इ॒न्द्र धृ॒ष्ण॒रे॒तान् त्व॒मृ॒भु॒क्षा न॒र्य॒स्त्वं षा॒ट् ।
 त्वं शु॒ष्णा वृ॒ज॒ने॒ पृ॒क्ष आ॒णौ यू॒ने कु॒त्सा॒य द्यु॒म॒ते स॒चा॒हन् ३
 त्वं ह॒ त्यदि॒न्द्र चो॒दीः स॒खा वृ॒त्रं यद् व॒ज्रि॒न् वृ॒षक॒र्म॒नु॒भ्नाः ।
 य॒द्ध॒ शूर॑ वृ॒षम॒णः प॒रा॒चै॒र्वि॒ द॒स्यु॒र्यो॒ना॒व॒कृ॒तो वृ॒था॒षा॒ट् ४
 त्वं ह॒ त्यदि॒न्द्रा॒रि॒ष॒ण॒यन् दृ॒ह॒ळस्य॑ चि॒न्म॒र्ताना॑म॒र्जु॒ष्टौ ।
 व्य॒शु॒स्म॒दा का॒ष्ठा अ॒व॒ते व॒र्घ॒ने॒व व॒ज्रि॒ञ्च॒न॒थि॒ह्यमि॒त्रान् ५
 त्वां ह॒ त्यदि॒न्द्रा॒र्ण॒सा॒तौ स्व॒र्मी॒ह॒ळे न॒र आ॒जा ह॒व॒न्ते ।
 त॒व स्व॒धा॒व इ॒य॒मा स॒म॒र्य ऊ॒ति॒र्वा॒जै॒ष्व॒त॒सा॒य्या भू॒त् ६

त्वं हृ त्यदिन्द्र सप्त युध्यन् पुरौ वज्रिन् पुरुकुत्साय दर्दः ।
बर्हिर्न यत्सुदासे वृथा वर्गहो राजन्वरिवः पूरवै कः ७
त्वं त्यां न इन्द्र देव चित्रा मिषमापो न पीपयुः परिज्मन् ।
यया शूर प्रत्यस्मभ्यं यंसि त्मनमूर्जं न विश्वध क्षरंध्यै ८
अकारि त इन्द्र गोतमेभिर्ब्रह्माणयोक्ता नमसा हरिभ्याम् ।
सुपेशसं वाजमा भरा नः प्रातर्मक्षू धियावसुर्जगम्यात् ९

(६४) चतुःषष्टितमं सूक्तम्

(१-१५) पञ्चदशर्चस्यास्य सूक्तस्य गौतमो नोधा ऋषिः । मरुतो देवताः । (१-

१४) प्रथमादिचतुर्दशर्चा जगती १५ पञ्चदश्याश्च त्रिष्टुप् छन्दसी

वृष्णे शर्धाय सुमखाय वेधसे नोधः सुवृक्तिं प्र भरा मरुद्धः ।
अपो न धीरो मनसा सुहस्त्यो गिरः समञ्जे विदथेष्वामुवः १
ते जज्ञिरे दिव ऋष्वास उक्षणो रुद्रस्य मर्या असुरा अरेपसः ।
पावकासः शुचयः सूर्या इव सत्वानो न द्रप्सिनो घोरवर्षसः २
युवानो रुद्रा अजरा अभोग्धनो ववक्षुरधिगावः पर्वता इव ।
दृहळा चिद् विश्वा भुवनानि पार्थिवा प्र च्यावयन्ति दिव्यानि मज्मना ३
चित्त्रैरञ्जिभिर्वपुषे व्यञ्जते वक्षःसु रुक्माँ अधि येतिरे शभे ।
असैष्वेषां नि मिमृक्षुर्ऋष्टयः साकं जज्ञिरे स्वधया दिवो नरः ४
ईशानकृतो धुनयो रिशादसो वातान् विद्युतस्तविषीभिरक्रत ।
दुहन्त्यूर्धर्दिव्यानि धूतयो भूमिं पिन्वन्ति पर्यसा परिज्रयः ५
पिन्वन्त्यपो मरुतः सुदानवः पर्यो घृतवद् विदथेष्वामुवः ।
अत्यं न मिहे वि नयन्ति वाजिन् मुत्सं दुहन्ति स्तनयन्तमक्षितम् ६
महिषासौ मायिनश्चित्रभानवो गिरयो न स्वतवसो रघुष्यदः ।
मृगा इव हृस्तिनः खादथा वना यदारुणीषु तविषीरयुग्धम् ७
सिंहा इव नानदति प्रचैतसः पिशा इव सुपिशो विश्ववेदसः ।
क्षपो जिन्वन्तः पृषतीभिर्ऋष्टिभिः समित् सबाधः शवसाहिमन्यवः ८
रोदसी आ वदता गणश्रियो नृषाचः शूराः शवसाहिमन्यवः ।
आ वन्धुरैष्वमतिर्न दर्शता विद्युन्न तस्थौ मरुतो रथेषु वः ९
विश्ववेदसो रयिभिः समौकसः संमिश्लासस्तविषीभिर्विरप्शिनः ।
अस्तार इषु दधिरे गर्भस्त्यो रनन्तशुष्मा वृषखादयो नरः १०

हिरण्ययेभिः पविभिः पयोवृध उज्जिघ्नन्त आपथ्योर् न पर्वतान् ।
 मखा अयासः स्वसृतौ ध्रुवच्युतौ दुध्रकृतौ मरुतो भ्राजदृष्टयः ११
 घृषु पावकं वनिनं विचर्षणिं रुद्रस्य सूनुं हवसा गृणीमसि ।
 रजस्तरं तवसं मारुतं गण मृजीषिणं वृषणं सश्वत श्रिये १२
 प्र नू स मर्तः शवसा जनाँ अति तस्थौ व ऊती मरुतो यमावत ।
 अर्वद्विर्वाजं भरते धना नृभिं रापृच्छयं क्रतुमा क्षैति पुष्यति १३
 चर्कृत्यं मरुतः पृत्सु दुष्टरं द्युमन्तं शुष्मं मघवत्सु धत्तन ।
 धनस्पृतमुक्थ्यं विश्वचर्षणिं तोकं पुष्येम तनयं शतं हिमाः १४
 नू ष्टिरं मरुतो वीरवन्त मृतीषाहं रयिमस्मासु धत्त ।
 सहस्त्रिणं शतिर्न शूशवांसं प्रातर्मन्तू धियार्वसुर्जगम्यात् १५

(६५) पञ्चषष्टितमं सूक्तम्

(१-१०) दशर्चस्यास्य सूक्तस्य शाक्त्यः पराशर ऋषिः । अग्निर्देवता । द्विपदा
विराट् छन्दः

पश्वा न तायुं गुहा चतन्तं नमो युजानं नमो वहन्तम् १
 सजोषा धीराः पदैरनु ग्मन्नुप त्वा सीदन् विश्वे यजत्राः १ २
 ऋतस्य देवा अनु वृता गुर्भुवत्परिष्टिद्यौर्न भूमं ३
 वर्धन्तीमारपः पन्वा सुशिश्वि मृतस्य योना गर्भे सुजातम् २ ४
 पुष्टिर्न रणवा क्षितिर्न पृथ्वी गिरिर्न भुज्म क्षोदो न शंभु ५
 अत्यो नाज्मन् त्सर्गप्रतक्तः सिन्धुर्न क्षोदः क ई वराते ३ ६
 जामिः सिन्धूनां भ्रातैव स्वस्त्रा मिभ्यान्न राजा वनान्यत्ति ७
 यद् वार्तजूतो वना व्यस्था दग्निर्ह दाति रोमा पृथिव्याः ४ ८
 श्वसित्यप्सु हंसो न सीदन् क्रत्वा चेतिष्ठो विशामुषर्भुत् ९
 सोमो न वेधा ऋतप्रजातः पशुर्न शिश्वा विभुर्दूरभाः ५ १०

(६६) षट्षष्टितमं सूक्तम्

(१-१०) दशर्चस्यास्य सूक्तस्य शाक्त्यः पराशर ऋषिः । अग्निर्देवता । द्विपदा
विराट् छन्दः

रयिर्न चित्रा सूरौ न सदृ गायुर्न प्राणो नित्यो न सूनुः १
 तक्वा न भूर्णिर्वना सिषक्ति पयो न धेनुः शुचिर्विभावा १ २

दाधार॒ क्षेम॒मोको॒ न र॒गवो॒ यवो॒ न पु॒क्वो जेता॒ जनानाम् ३
 ऋषि॒र्न स्तु॒भ्वा वि॒क्षु प्र॒शस्तो॒ वाजी॒ न प्री॒तो वयौ॑ दधाति २ ४
 दुरो॒कशो॒चिः क्र॒तुर्न॒ नित्यो॑ जा॒येव॒ योना॒वरं॒ विश्व॑स्मै ५
 चि॒त्रो यद॒भ्राट् छ॒वेतो॒ न वि॒क्षु रथो॒ न रु॒क्मी त्वेषः॑ स॒मत्सु॑ ३ ६
 सेनै॒व सृ॒ष्टामं॑ दधा॒त्य स्तु॒र्न दि॒द्युत् त्वेष॑प्रतीका ७
 य॒मो हं जा॒तो य॒मो ज॒र्नित्वं॑ जा॒रः क॒नीनां॑ पति॒र्जनी॑नाम् ४ ८
 तं व॒ञ्चरा॑था व॒यं व॑स॒त्या स्तं॑ न गा॒वो नक्ष॑न्त इ॒द्धम् ९
 सि॒न्धुर्न॒ क्षोदः॑ प्र नी॒र्चीरि॒नो न्न॑वन्त गा॒वः स्व॑र्दृ॒शीके॑ ५ १०

(६७) सप्तषष्टितमं सूक्तम्

(१-१०) दशर्चस्यास्य सूक्तस्य शाक्त्यः पराशर ऋषिः । अग्निर्देवता । द्विपदा
 विराट् छन्दः

वने॑षु जा॒युर्म॑र्तेषु मि॒त्रो वृ॒णीते॑ श्रुष्टिं॒ राजै॑वाजु॒र्यम् १
 क्षेमो॒ न सा॒धुः क्र॒तुर्न॒ भद्रो॑ भु॒र्वत् स्वा॒धी ह्री॑ता ह॒व्यवा॑ट् १ २
 हस्ते॑ दधा॒नो नृ॒म्णा वि॒श्वा न्य॑मे॒ देवान्॑ धा॒द् गुहा॑ नि॒षीद॑न् ३
 वि॒दन्ती॑मत्र॒ नरो॑ धि॒यंघा॑ ह॒दा यत् त॒ष्टान् मन्त्राँ॑ अ॒शंस॑न् २ ४
 अ॒जो न क्षां॑ दा॒धारं पृ॒थिर्वी॑ त॒स्तम्भ॑ द्यां मन्त्रै॑भिः स॒त्यैः ५
 प्रि॒या पु॒दानि॑ पु॒श्चो नि॑ पा॒हि वि॒श्वायु॑रग्ने॒ गुहा॑ गुहं गाः ३ ६
 य ई॑ चि॒केत् गुहा॑ भ॒वन्त॑ मा यः स॒साद् धारा॑मृ॒तस्य॑ ७
 वि॒ ये चृ॒तन्त्यृ॒ता स॑प॒न्त आ॑दि॒द् वसू॑नि॒ प्र व॑वाचा॒स्मै ४ ८
 वि॒ यो वी॑रु॒त्सु रो॒धन्म॑हि॒त्वो त प्र॒जा उ॒त प्र॒सूष्व॑न्तः ९
 चि॒त्ति॒रपां॑ द॒मै वि॒श्वायुः॑ स॒द्यैव॑ धी॒राः सं॒माय॑ चक्रुः ५ १०

(६८) अष्टषष्टितमं सूक्तम्

(१-१०) दशर्चस्यास्य सूक्तस्य शाक्त्यः पराशर ऋषिः । अग्निर्देवता । द्विपदा
 विराट् छन्दः

श्री॒णन्न॑प॒ स्थाद् दि॒वं भु॒रग॑युः स्था॒तुश्च॒रथ॑म॒क्तून् व्यू॑र्णोत् १
 परि॑ यदेषा॒मेको॑ वि॒श्वेषां॑ भु॒र्वद् दे॒वो दे॒वानां॑ म॒हित्वा १ २
 आ॒दित् ते॑ वि॒श्वे क्र॑तुं जुषन्त॒ शुष्का॑द् यद् दे॒व जी॒वो ज॑र्नि॒ष्टाः ३
 भ॒जन्त॑ वि॒श्वे दे॒वत्वं॑ नाम॒ ऋ॒तं स॑प॒न्तो अ॒मृत॑मे॒वैः २ ४

ऋतस्य प्रेषां ऋतस्य धीतिर्विश्वायुर्विश्वे अपांसि चक्रुः ५
 यस्तुभ्यं दाशाद् यो वा ते शिञ्जात् तस्मै चिकित्वान् रयिं दयस्व ३ ६
 होता निषत्तो मनोरपत्ये स चिन्वासां पती रयीणाम् ७
 इच्छन्त रेता मिथस्तनूषु सं जानतु स्वैर्दक्षैर्मूराः ४ ८
 पितुर्न पुत्राः क्रतुं जुषन्त श्रोषन् ये अस्य शासं तुरासः ९
 वि रायं और्णोद् दुरं पुरुक्षुः पिपेश नाकं स्तृभिर्दमूनाः ५ १०

(६९) एकोनसप्ततितमं सूक्तम्

(१-१०) दशर्चस्यास्य सूक्तस्य शाक्त्यः पराशर ऋषिः । अग्निर्देवता । द्विपदा

विराट् छन्दः

शक्रः शशक्वाँ उषो न जारः प्रा समीची दिवो न ज्योतिः १
 परि प्रजातः क्रत्वा बभूथ भुवो देवानां पिता पुत्रः सन् १ २
 वेधा अर्द्धप्रो अग्निर्विजान चूर्ध्न गोनां स्वाद्या पितूनाम् ३
 जने न शेव आहूर्यः सन् मध्ये निषत्तो रगवो दुरोणे २ ४
 पुत्रो न जातो रगवो दुरोणे वाजी न प्रीतो विशो वि तारीत् ५
 विशो यदहे नृभिः सनीळा अग्निर्देवत्वा विश्वान्यश्याः ३ ६
 नकिष्ट एता वृता मिनन्ति नृभ्यो यदेभ्यः श्रुष्टिं चकथ ७
 तत् तु ते दंसो यदहन्त्समानै नृभिर्यद् युक्तो विवे रपांसि ४ ८
 उषो न जारो विभावोस्त्रः संजातरूपश्चिकैतदस्मै ९
 त्मना वहन्तो दुरो व्यृणवन् नवन्त विश्वे स्वर्दृशीके ५ १०

(७०) सप्ततितमं सूक्तम्

(१-११) एकादशर्चस्यास्य सूक्तस्य शाक्त्यः पराशर ऋषिः । अग्निर्देवता ।

द्विपदा विराट् छन्दः

वनेम पूर्वीर्यो मनीषा अग्निः सुशोको विश्वान्यश्याः १
 आ दैव्यानि वृता चिकित्वा ना मानुषस्य जनस्य जन्म १ २
 गर्भो यो अपां गर्भो वनानां गर्भश्च स्थातां गर्भश्चरथाम् ३
 अद्रौ चिदस्मा अन्तदुरोणे विशां न विश्वो अमृतः स्वाधीः २ ४
 स हि क्षपावाँ अग्नी रयीणां दाशाद् यो अस्मा अरं सूक्तैः ५
 एता चिकित्वो भूमा नि पाहि देवानां जन्म मर्ताश्च विद्वान् ३ ६

वर्धान्यं पूर्वीः क्षपो विरूपाः स्थातुश्च रथमृतप्रवीतम् ७
अराधि होता स्वर्निर्षत्तः कृगवन् विश्वान्यपांसि सत्या ४ ८
गोषु प्रशस्तिं वनेषु धिषे भरन्त विश्वे बलिं स्वर्णः ९
वि त्वा नरः पुरुत्रा संपर्यन् पितुर्न जिवेर्वि वेदो भरन्त ५ १०
साधुर्न गृधुरस्तैव शूरो यातैव भीमस्त्वेषः समत्सु ६ ११

(७१) एकसप्ततितमं सूक्तम्

(१-१०) दशर्चस्यास्य सूक्तस्य शाक्त्यः पराशर ऋषिः । अग्निदेवता ।

त्रिष्टुप् छन्दः

उप प्र जिन्वन्नशतीरुशन्तं पतिं न नित्यं जनयः सनीळाः ।
स्वसारः श्यावीमरुषीमजुषचफद्रज् चित्रमुच्छन्तीमुषसं न गावः १
वीळु चिद् दृहळा पितरो न उक्थै रद्रि रुजन्नङ्गिरसो रवेण ।
चक्रुर्दिवो बृहतो गातुमस्मे अहः स्वर्विविदुः केतुमुस्ताः २
दधन्नृतं धनयन्नस्य धीति मादिदुर्यो दिधिष्वोर् विभृत्राः ।
अतृष्यन्तीरपसो यन्त्यच्छा देवाञ्जन्म प्रयसा वर्धयन्तीः ३
मथीद् यदीं विभृतो मातरिश्वा गृहेगृहे श्येतो जेन्यो भूत् ।
आदीं राजे न सहीयसे सचा सन्ना दूत्यं भृगवाणो विवाय ४
महे यत् पित्र ई रसं दिवे क रवं त्सरत् पृशन्त्यश्चिकित्वान् ।
सृजदस्ता धृषता दिद्युमस्मै स्वायां देवो दुहितरि त्विषिं धात् ५
स्व आ यस्तुभ्यं दम् आ विभाति नमो वा दाशादुशतो अनु द्यून् ।
वधो अग्ने वयो अस्य द्विबर्हा यासद् राया सरथं यं जुनासि ६
अग्निं विश्वा अभि पृक्षः सचन्ते समुद्रं न स्रवतः सप्त यहीः ।
न जामिभिर्वि चिकिते वयो नो विदा देवेषु प्रमतिं चिकित्वान् ७
आ यद्विषे नृपतिं तेज आनट् छुचि रेतो निषिक्तं द्यौरभीके ।
अग्निः शर्धमनवद्यं युवानं स्वाध्यं जनयत् सूदयच्च ८
मनो न यो ऽध्वनः सद्य एत्ये कः सत्रा सूरु वस्व ईशे ।
राजाना मित्रावरुणा सुपाणी गोषु प्रियममृतं रक्षमाणा ९
मा नो अग्ने सख्या पित्र्याणि प्र मर्षिष्ठा अभि विदुष्कविः सन् ।
नभो न रूपं जरिमा मिनाति पुरा तस्या अभिशस्तेरधीहि १०

(७२) द्विसप्ततितमं सूक्तम्

(१-१०) दशर्चस्यास्य सूक्तस्य शाक्त्यः पराशर ऋषिः । अग्निर्देवता ।

त्रिष्टुप् छन्दः

नि काव्या वेधसः शश्वतस्कृ हस्ते दधानो नर्या पुरूणि ।
 अग्निर्भुवद् रयिपती रयीणां सत्रा चक्राणो अमृतानि विश्वा १
 अस्मे वृत्सं परि षन्तं न विन्द न्निच्छन्तो विश्वे अमृता अमूराः ।
 श्रमयुवः पदव्यो धियंधा स्तस्थुः पदे परमे चार्वग्रेः २
 तिस्रो यदग्रे शरदस्त्वामि च्छुचिं घृतेन शुचयः सपर्यान् ।
 नामानि चिद् दधिरे यज्ञियान्य सूदयन्त तन्वः सुजाताः ३
 आ रोदसी बृहती वेविदानाः प्र रुद्रिया जधिरे यज्ञियासः ।
 विदन्मर्तो नेमधिता चिकित्वा नग्निं पदे परमे तस्थिवांसम् ४
 संजानाना उप सीदन्नभिजु पत्नीवन्तो नमस्यं नमस्यन् ।
 रिरिक्वांसस्तन्वः कृणवत् स्वाः सखा सख्युर्निमिषि रक्षमाणाः ५
 त्रिः सप्त यद् गुह्यानि त्वे इत् पदाविदन्निहिता यज्ञियासः ।
 तेभी रक्षन्ते अमृतं सजोषाः पशूञ्च स्थातृचफढृञ्चरथं च पाहि ६
 विद्वाँ अग्रे वयुनानि क्षितीनां व्यानुषक् छुरुधौ जीवसे धाः ।
 अन्तर्विद्वाँ अध्वनो देवयाना नतन्द्रो दूतो अभवो हविर्वाट् ७
 स्वाध्यो दिव आ सप्त यही रायो दुरो व्यृतज्ञा अजानन् ।
 विदद् गव्यं सरमा दृहळमूर्वं येना नु कं मानुषी भोजते विट् ८
 आ ये विश्वा स्वपत्यानि तस्थुः कृणवानासौ अमृतत्वार्यं गातुम् ।
 मृहा महद्भिः पृथिवी वि तस्थे माता पुत्रैरदितिर्धार्यसे वेः ९
 अधि श्रियं नि दधुश्चारुमस्मिन् दिवो यदक्षी अमृता अकृणवन् ।
 अर्धं क्षरन्ति सिन्धवो न सृष्टाः प्र नीचीरग्रे अरुषीरजानन् १०

(७३) त्रिसप्ततितमं सूक्तम्

(१-१०) दशर्चस्यास्य सूक्तस्य शाक्त्यः पराशर ऋषिः । अग्निर्देवता ।

त्रिष्टुप् छन्दः

रयिनं यः पितृवित्तो वयोधाः सुप्रणीतिश्चिकितुषो न शासुः ।
 स्योनशीरतिथिर्न प्रीणानो होतैव सद्यं विधतो वि तारीत् १
 देवो न यः सविता सत्यमन्मा क्रत्वा निपाति वृजनानि विश्वा ।

पुरुप्रशस्तो अमतिर्न सत्य आत्मेव शेवो दिधिषाय्यो भूत् २
 देवो न यः पृथिवीं विश्वधाया उपचेति हितमित्रो न राजा ।
 पुरःसदः शर्मसदो न वीरा अनवद्या पतिजुष्टेव नारी ३
 तं त्वा नरो दम् आ नित्यमिद्ध मग्ने सचन्त क्षितिषु ध्रुवासु ।
 अधि द्युम्नं नि दधुर्भूर्यस्मिन् भवा विश्वायुर्धरुणौ रयीणाम् ४
 वि पृक्षौ अग्ने मघवानो अशुर्वि सूरयो ददतो विश्वमायुः ।
 सनेम वाजं समिथेष्वर्यो भागं देवेषु श्रवसे दधानाः ५
 ऋतस्य हि धेनवो वावशानाः स्मदूधीः पीपयन्त द्युभक्ताः ।
 परावतः सुमतिं भिक्षमाणा वि सिन्धवः समया सस्त्रुरद्रिम् ६
 त्वे अग्ने सुमतिं भिक्षमाणा दिवि श्रवो दधिरे यज्ञियासः ।
 नक्ता च चक्रुरुषसा विरूपे कृष्णं च वर्णमरुणं च सं धुः ७
 यान् राये मर्तान्तसुषूदो अग्ने ते स्याम मघवानो वयं च ।
 छायेव विश्वं भुवनं सिसक्षया पप्रिवान् रोदसी अन्तरिक्षम् ८
 अर्वद्विरग्ने अर्वतो नृभिर्नृन् वरैर्वीरान् वनुयामा त्वोताः ।
 ईशानासः पितृवित्तस्य रायो वि सूरयः शतहिमा नो अशुः ९
 एता ते अग्र उचथानि वेधो जुष्टानि सन्तु मनसे हृदे च ।
 शकेम रायः सुधुरो यमं ते ऽधि श्रवो देवभक्तं दधानाः १०

(७४) चतुःसप्ततितमं सूक्तम्

(१-६) नवर्चस्यास्य सूक्तस्य राहूगणो गोतम ऋषिः । अग्निर्देवता । गायत्री छन्दः
 उपप्रयन्तो अध्वरं मन्त्रं वोचेमाग्रयै । आरे अस्मे च शृणवते १
 यः स्त्रीहितीषु पूर्व्यः संजग्मानासु कृष्टिषु । अरक्षद् दाशुषे गयम् २
 उत ब्रुवन्तु जन्तव उदग्निर्वृत्रहार्जनि । धनंजयो रणैरणो ३
 यस्य दूतो असि क्षये वेषि हव्यानि वीतयै । दुस्मत् कृणोष्यध्वरम् ४
 तमित् सुहव्यमङ्गिरः सुदेवं सहसो यहो । जना आहुः सुबर्हिषम् ५
 आ च वहासि ताँ इह देवाँ उप प्रशस्तये । हव्या सुश्वन्द्र वीतयै ६
 न योरुपद्विरश्वयः शृणवे रथस्य कच्चन । यदग्ने यासि दूत्यम् ७
 त्वोतो वाज्यहयो ऽभि पूर्वस्मादपरः । प्र दाश्वौ अग्ने अस्थात् ८
 उत द्युमत् सुवीर्यं बृहदग्ने विवाससि । देवेभ्यो देव दाशुषे ९

(७५) पञ्चसप्ततितमं सूक्तम्

(१-५) पञ्चर्चस्यास्य सूक्तस्य राहूगणो गोतम ऋषिः । अग्निर्देवता ।

गायत्री छन्दः

जुषस्व सप्रथस्तमं वचो देवप्सरस्तमम् । हव्या जुहान आसनि १
 अथा ते अङ्गिरस्तमा ग्रै वेधस्तम प्रियम् । वोचेम ब्रह्म सानसि २
 कस्तै जामिर्जनाना मग्ने को दाश्वध्वरः । को ह कस्मिन्नसि श्रितः ३
 त्वं जामिर्जनाना मग्ने मित्रो असि प्रियः । सखा सखिभ्य ईड्यः ४
 यजा नो मित्रावरुणा यजा देवाँ ऋतं बृहत् । अग्ने यज्ञि स्वं दमम् ५

(७६) षट्सप्ततितमं सूक्तम्

(१-५) पञ्चर्चस्यास्य सूक्तस्य राहूगणो गोतम ऋषिः । अग्निर्देवता । त्रिष्टुप् छन्दः

का त उपैतिर्मनसो वराय भुवदग्ने शन्तमा का मनीषा ।
 को वा यज्ञैः परि दक्षं त आप् केन वा ते मनसा दाशेम १
 एह्यग्र इह होता नि षीदा दब्धः सु पुरेता भवा नः ।
 अर्वातां त्वा रोदसी विश्वमिन्वे यजा महे सौमनसाय देवान् २
 प्र सु विश्वान् रक्षसो धक्ष्यग्ने भवा यज्ञानामभिशस्तिपावा ।
 अथा वह सोमपतिं हरिभ्या मातिथ्यमस्मै चकृमा सुदावै ३
 प्रजावता वचसा वहिरासा ऽऽ च हुवे नि च सत्सीह देवैः ।
 वेषि होत्रमुत पोत्रं यजत्र बोधि प्रयन्तर्जनितर्वसूनाम् ४
 यथा विप्रस्य मनुषो हविर्भिर् देवाँ अयजः क्विभिः क्विः सन् ।
 एवा होतः सत्यतर त्वमद्या ग्रै मन्द्रया जुहा यजस्व ५

(७७) सप्तसप्ततितमं सूक्तम्

(१-५) पञ्चर्चस्यास्य सूक्तस्य राहूगणो गोतम ऋषिः । अग्निर्देवता । त्रिष्टुप् छन्दः

कथा दाशेमाग्रये कास्मै देवजुष्टोच्यते भामिने गीः ।
 यो मर्त्येष्वमृतं ऋतावा होता यजिष्ठ इत् कृणोति देवान् १
 यो अध्वरेषु शन्तम ऋतावा होता तमू नमोभिरा कृणुध्वम् ।
 अग्निर्यद् वेर्मताय देवा न्स चा बोधाति मनसा यजाति २
 स हि क्रतुः स मर्यः स साधु मित्रो न भूदद्भुतस्य रथीः ।
 तं मेधेषु प्रथमं देवयन्ती विश उप ब्रुवते दस्ममारीः ३

स नो नृणां नृतमो रिशादा अग्निर्गिरोऽवसा वेतु धीतिम् ।
तनां च ये मघवानुः शविष्ठा वाजप्रसूता इषयन्त मन्म ४
एवाग्निर्गोतमेभिर्भ्रुतावा विप्रैभिरस्तोष्ट जातवेदाः ।
स एषु द्युमं पीपयत् स वाजं स पुष्टिं याति जोषमा चिकित्वान् ५

(७८) अष्टसप्ततितमं सूक्तम्

(१-५) पञ्चर्चस्यास्य सूक्तस्य राहूगणो गोतम ऋषिः । अग्निर्देवता ।

गायत्री छन्दः

अभि त्वा गोतमा गिरा जातवेदो विचर्षणे । द्युमैरभि प्र शौनुमः १
तमु त्वा गोतमो गिरा रायस्कामो दुवस्यति । द्युमैरभि प्र शौनुमः २
तमु त्वा वाजसातम मङ्गिरस्वद्ध्वामहे । द्युमैरभि प्र शौनुमः ३
तमु त्वा वृत्रहन्तमं यो दस्यूरवधूनुषे । द्युमैरभि प्र शौनुमः ४
अवोचाम् रहूगणा अग्रये मधुमद् वचः । द्युमैरभि प्र शौनुमः ५

(७९) एकोनाशीतितमं सूक्तम्

(१-१२) द्वादशर्चस्यास्य सूक्तस्य राहूगणो गोतम ऋषिः । (१-३)

प्रथमतृचस्याग्निर्मध्यमोऽग्निर्वा (४-१२) चतुर्थ्यादिनवर्चाञ्चाग्निर्देवता । (१-३)

प्रथमतृचस्य त्रिष्टुप् (४-६) द्वितीयतृचस्योष्णिक (७-१२) तृतीयचतुर्थतृचयोश्च

गायत्री छन्दांसि

हिरण्यकेशो रजसो विसारे ऽहिर्धुनिर्वात इव ध्रजिमान् ।
शुचिभ्राजा उषसो नवेदा यशस्वतीरपस्युवो न सत्याः १
आ ते सुपर्णा अमिनन्तँ एवैः कृष्णो नौनाव वृषभो यदीदम् ।
शिवाभिर्न स्मयमानाभिरागात् पतन्ति मिहः स्तनयन्त्यभ्रा २
यदीमृतस्य पर्यसा पियानो नयन्तृतस्य पृथिभी रजिष्ठैः ।
अर्यमा मित्रो वरुणः परिज्मा त्वचं पृञ्चन्त्युपरस्य योनौ ३
अग्ने वाजस्य गोमत ईशानः सहसो यहो । अस्मे धैहि जातवेदो महि श्रवः
४

स इधानो वसुष्कृवि रग्निरीळैन्यौ गिरा । रेवदस्मभ्यं पुर्वणीक दीदिहि ५
क्षपो राजन्नुत त्मना ग्रे वस्तोरुतोषसः । स तिग्मजम्भ रक्षसौ दह प्रति ६
अवा नो अग्र ऊतिभिर्गायत्रस्य प्रभर्मणि । विश्वासु धीषु वन्द्य ७

आ नो अग्ने रयिं भर सत्रासाहं वरैरयम् । विश्वासु पृत्सु दुष्टरम् ८
 आ नो अग्ने सुचेतुना रयिं विश्वायुषोषसम् । मर्डीकं धैहि जीवसै ९
 प्र पूतास्तिग्मशौचिषे वाचो गोतमाग्रयै । भरस्व सुम्रयुर्गिरः १०
 यो नो अग्ने ऽभिदासत्यन्ति दूरे पदीष्ट संः । अस्माकमिद् वृधे भव ११
 सहस्राक्षो विचर्षणि रग्नी रक्षांसि सेधति । होता गृणीत उक्थ्यः १२

(८०) अशीतितमं सूक्तम्

(१-१६) षोडशर्चस्यास्य सूक्तस्य राहूगणो गोतम ऋषिः । (१-१५)
 प्रथमादिपञ्चदशर्चामिन्द्रः (१६) षोडश्याश्चेन्द्रोऽथर्वा मनुर्दध्यङ् च देवताः ।

पङ्क्तिशृन्दः

इत्था हि सोम इन्मदै ब्रह्मा चकार वर्धनम् ।
 शर्विष्ठ वज्रिन्नोजसा पृथिव्या निः शशा अहि मर्चन्ननु स्वराज्यम् १
 स त्वामदद् वृषा मदः सोमः श्येनाभृतः सुतः ।
 येना वृत्रं निरुद्धो जघन्थ वज्रिन्नोजसा चर्चन्ननु स्वराज्यम् २
 प्रेह्यभीहि धृष्णुहि न ते वज्रो नि र्यसते ।
 इन्द्रे नृम्णां हि ते शवो हनो वृत्रं जया अपो ऽचर्चन्ननु स्वराज्यम् ३
 निरिन्द्र भूम्या अधि वृत्रं जघन्थ निर्दिवः ।
 सृजा मरुत्वतीरव जीवधन्या इमा अपो ऽचर्चन्ननु स्वराज्यम् ४
 इन्द्रो वृत्रस्य दोधतः सानुं वज्रेण हीळितः ।
 अभिक्रम्याव जिघ्रते ऽपः समाय चोदय चर्चन्ननु स्वराज्यम् ५
 अधि सानौ नि जिघ्रते वज्रेण शतपर्वणा ।
 मन्दान इन्द्रो अर्धसः सखिभ्यो गातुमिच्छ त्यर्चन्ननु स्वराज्यम् ६
 इन्द्र तुभ्यमिदद्रिवो ऽनुत्तं वज्रिन् वीर्यम् ।
 यद्ध त्यं मायिनं मृगं तमु त्वं माययावधी रर्चन्ननु स्वराज्यम् ७
 वि ते वज्रासो अस्थिर च्चवतिं नाव्याऽऽ अनु ।
 महत् त इन्द्र वीर्यं ब्राह्मोस्ते बलं हित मर्चन्ननु स्वराज्यम् ८
 सहस्रं साकमर्चत परि षोभत विंशतिः ।
 शतैर्नमन्वनोनवु रिन्द्राय ब्रह्मोद्यत मर्चन्ननु स्वराज्यम् ९
 इन्द्रो वृत्रस्य तविषीं निरहन्त्सहसा सहः ।
 महत् तदस्य पौंस्यं वृत्रं जघन्वाँ असृज दर्चन्ननु स्वराज्यम् १०

इमे चित् तव मन्यवे वेपैते भियसा मही ।
यदिन्द्र वज्रिन्नोजसा वृत्रं मरुत्वाँ अर्वाधी रचन्ननु स्वराज्यम् ११
न वेपसा न तन्यते न्द्रं वृत्रो वि बीभयत् ।
अभ्येनं वज्र आयसः सहस्रभृष्टिरायता चन्ननु स्वराज्यम् १२
यद् वृत्रं तव चाशनिं वज्रेण समयोधयः ।
अहिमिन्द्र जिघांसतो दिवि तै बद्धधे शवो ऽचन्ननु स्वराज्यम् १३
अभिष्टने तै अद्रिवो यत् स्था जगच्च रेजते ।
त्वष्टा चित् तव मन्यव इन्द्र वेविज्यते भिया चन्ननु स्वराज्यम् १४
नहि नु यादधीमसी न्द्रं को वीर्या परः ।
तस्मिन्नुष्णमुत क्रतुं देवा ओजांसि सं दधुर चन्ननु स्वराज्यम् १५
यामर्थवा मनुष्पिता दध्यङ् धियमत्त ।
तस्मिन् ब्रह्माणि पूर्वथे न्द्र उक्था समग्मता चन्ननु स्वराज्यम् १६

षष्ठोऽध्यायः

व० १-३२

(८१) एकाशीतितमं सूक्तम्

(१-६) नवर्चस्यास्य सूक्तस्य राहूगणो गोतम ऋषिः । इन्द्रो देवता । पङ्क्तिश्छन्दः
इन्द्रो मदाय वावृधे शर्वसे वृत्रहा नृभिः ।
तमिन्महत्स्वाजिषू तेमर्भे हवामहे स वाजेषु प्र नोऽविषत् १
असि हि वीर सेन्यो ऽसि भूरि पराददिः ।
असि दध्रस्य चिद् वृधो यजमानाय शिक्तसि सुन्वते भूरि ते वसु २
यदुदीरत आजयो धृष्णवे धीयते धना ।
युद्धवा मदच्युता हरी कं हनः कं वसौ दधो ऽस्माँ इन्द्र वसौ दधः ३
क्रत्वा म्हाँ अनुष्वधं भीम आ वावृधे शर्वः ।
श्रिय ऋष्व उपाकयो नि शिप्री हरिवान् दधे हस्तयोर्वज्रमायसम् ४
आ पप्रौ पार्थिवं रजौ बद्धधे रौचना दिवि ।
न त्वावाँ इन्द्र कश्चन न जातो न जनिष्यते ऽति विश्वं ववक्षिथ ५
यो अर्यो मर्तभोजनं पराददाति दाशुषे ।
इन्द्रो अस्मभ्यं शिक्तु वि भजा भूरि ते वसु भक्षीय तव राधसः ६
मदेमदे हि नो ददि र्यूथा गवामृजुक्रतुः ।

सं गृभाय पुरू शतो भयाहस्त्या वसुं शिशीहि राय आ भर ७
 मादयस्व सुते सचा शर्वसे शूर राधसे ।
 विद्या हि त्वां पुरूवसु मुप कामान्त्ससृज्महे ऽथा नोऽविता भव ८
 एते तं इन्द्र जन्तवो विश्वं पुष्यन्ति वार्यम् ।
 अन्तर्हि ख्यो जनाना मर्यो वेदो अदाशुषां तेषां नो वेद आ भर ९

(८२) द्व्यशीतितमं सूक्तम्

(१-६) षड्चस्यास्य सूक्तस्य राहूगणो गोतम ऋषिः । इन्द्रो देवता । (१-५)

प्रथमादिपञ्चर्चा पङ्क्तिः (६) षष्ठ्याश्च जगती छन्दसी

उपो षु शृणुही गिरो मघवन् मातथा इव ।
 यदा नः सूनृतावतः कर आदर्थयास इद् योजा न्विन्द्र ते हरी १
 अन्नमीमदन्त ह्य व प्रिया अधूषत ।
 अस्तोषत स्वभानवो विप्रा नविष्टया मती योजा न्विन्द्र ते हरी २
 सुसंदृशं त्वा वयं मघवन् वन्दिषीमहि ।
 प्र नूनं पूर्णवन्धुरः स्तुतो याहि वशां अनु योजा न्विन्द्र ते हरी ३
 स घा तं वृषणं रथमधि तिष्ठाति गोविदम् ।
 यः पात्रं हारियोजनं पूर्णमिन्द्र चिकेतति योजा न्विन्द्र ते हरी ४
 युक्तस्ते अस्तु दक्षिण उत सव्यः शतक्रतो ।
 तेन जायामुपे प्रियां मन्दानो याह्यन्धसो योजा न्विन्द्र ते हरी ५
 युज्मि ते ब्रह्मणा केशिना हरी उप प्र याहि दधिषे गभस्त्योः ।
 उत त्वा सुतासो रभसा अमन्दिषुः पूषणवान् वज्रिन्त्समु पत्रयामदः ६

(८३) त्र्यशीतितमं सूक्तम्

(१-६) षड्चस्यास्य सूक्तस्य राहूगणो गोतम ऋषिः । इन्द्रो देवता ।

जगती छन्दः

अश्वावति प्रथमो गोषु गच्छति सुप्रावीरिन्द्र मर्त्यस्तवोतिभिः ।
 तमित् पृणन्ति वसुना भवीयसा सिन्धुमापो यथाभितो विचैतसः १
 आपो न देवीरुपं यन्ति होत्रियं मवः पश्यन्ति विततं यथा रजः ।
 प्राचैर्देवासः प्र शयन्ति देवयुं ब्रह्मप्रियं जोषयन्ते वरा इव २
 अधि द्वयोरदधा उक्थ्यं वचो यतस्नुचा मिथुना या सपर्यतः ।

असंयत्तो वृते ते क्षेति पुष्यति भद्रा शक्तिर्यजमानाय सुन्वते ३
 आदङ्गिराः प्रथमं दधिरे वयं इद्धाग्रयुः शम्या ये सुकृत्यया ।
 सर्वं पुणेः समविन्दन्त भोजनं मश्वावन्तं गोमन्तमा पशं नरः ४
 यज्ञैरथर्वा प्रथमः पृथस्तते ततः सूर्यो व्रतपा वेन आर्जनि ।
 आ गा आजदुशना काव्यः सचा यमस्य जातममृतं यजामहे ५
 बर्हिर्वा यत् स्वपत्याय वृज्यते ऽको वा श्लोकमाघोषते दिवि ।
 ग्रावा यत्र वदति कारुरुक्थ्यस्तस्येदिन्द्रो अभिपित्वेषु रणयति ६

(८४) चतुरशीतितमं सूक्तम्

(१-२०) विंशत्यृचस्यास्य सूक्तस्य राहूगणो गोतम ऋषिः । इन्द्रो देवता । (१-
 ६) प्रथमद्वितीयतृचयोरनुष्टुप् (७-९) तृतीयतृचस्योष्णिक (१०-१२) चतुर्थतृचस्य
 पङ्क्तिः (१३-१५) पञ्चमतृचस्य गायत्री (१६-१८) षष्ठतृचस्य त्रिष्टुप् (१९-२०)
 एकोनविंश्या विंश्याश्च प्रगाथः (विषमाया बृहती, समायाः सतोबृहती) छन्दांसि
 असावि सोमं इन्द्र ते शविष्ठ धृष्णावा गंहि ।
 आ त्वा पृणक्त्वन्द्रियं रजः सूर्यो न रश्मिभिः १
 इन्द्रमिद्धरी वहतो ऽप्रतिघृष्टशवसम् ।
 ऋषीणां च स्तुतीरुपं यज्ञं च मानुषाणाम् २
 आ तिष्ठ वृत्रहन् रथं युक्ता ते ब्रह्मणा हरी ।
 अर्वाचीनं सु ते मनो ग्रावा कृणोतु वृमुना ३
 इममिन्द्र सुतं पिब ज्येष्ठममर्त्यं मदम् ।
 शक्रस्य त्वाभ्यक्षरन् धारा ऋतस्य सादने ४
 इन्द्राय नूनमर्चतो कथानि च ब्रवीतन ।
 सुता अमत्सुरिन्दवो ज्येष्ठं नमस्यता सहः ५
 नकिष्ट्वद् रथीतरो हरी यदिन्द्र यच्छसे ।
 नकिष्ट्वानु मज्मना नकिः स्वश्वं आनशे ६
 य एक इद् विदयते वसु मर्ताय दाशुषे ।
 ईशानो अप्रतिष्कुत इन्द्रो अङ्ग ७
 कदा मर्तमराधसं पदा क्षुम्पमिव स्फुरत् ।
 कदा नः शुश्रवद् गिर इन्द्रो अङ्ग ८
 यश्चिद्धि त्वा बृहभ्य आ सुतावा आविवांसति ।

उग्रं तत् पत्यते शव इन्द्रो अङ्ग ६
 स्वादोरित्था विषूवतो मध्वः पिबन्ति गौर्यः ।
 या इन्द्रेण सयावरी वृष्णा मदन्ति शोभसे वस्वीरनु स्वराज्यम् १०
 ता अस्य पृशनायुवः सोमं श्रीणन्ति पृश्नयः ।
 प्रिया इन्द्रस्य धेनवो वज्रं हिन्वन्ति सायकं वस्वीरनु स्वराज्यम् ११
 ता अस्य नमसा सहः सपर्यन्ति प्रचेतसः ।
 वृतान्यस्य सश्विरे पुरूणि पूर्वचित्तये वस्वीरनु स्वराज्यम् १२
 इन्द्रो दधीचो अस्थभिर्वृत्रायप्रतिष्कृतः । जघान नवतीर्नव १३
 इच्छन्नश्चस्य यच्छरः पर्वतेष्वपश्रितम् । तद् विदच्छर्यणावति १४
 अत्राह गोरमन्वत नाम त्वष्टुरपीच्यम् । इत्था चन्द्रमसो गृहे १५
 को अद्य युङ्क्ते धुरि गा ऋतस्य शिमीवतो भामिनो दुर्हणायुन् ।
 आसन्निषून् ह्रस्वसो मयोभून् य एषां भृत्यामृणधत् स जीवात् १६
 क ईषते तुज्यते को बिभायु को मंसते सन्तमिन्द्रं को अन्ति ।
 कस्तोकाय क इभायोत राये ऽधि ब्रवत् तन्वेइ को जनाय १७
 को अग्निमीष्टे हविषा घृतेन स्तुचा यजाता ऋतुभिर्ध्रुवेभिः ।
 कस्मै देवा आ वहानाशु होम को मंसते वीतिहोत्रः सुदेवः १८
 त्वमङ्ग प्र शंसिषो देवः शविष्ट मर्त्यम् ।
 न त्वदन्यो मघवन्नस्ति मडिते न्द्र ब्रवीमि ते वचः १९
 मा ते राधासि मा त ऊतयो वसो ऽस्मान् कदा चना दभन् ।
 विश्वा च न उपमिमीहि मानुष वसूनि चर्षणिभ्य आ २०

(८५) पञ्चाशीतितमं सूक्तम्

(१-१२) द्वादशर्चस्यास्य सूक्तस्य राहूगणो गोतम ऋषिः । मरुतो देवताः । (१-४, ६-११) प्रथमादिचतुर्ऋचां षष्ठ्यादिषण्णाञ्च जगती (५, १२)

पञ्चमीद्वादशयोश्च त्रिष्टुप् छन्दसी

प्र ये शुम्भन्ते जनयो न सप्तयो यामन् रुद्रस्य सूनवः सुदंससः ।
 रोदसी हि मरुतश्चक्रिरे वृधे मदन्ति वीरा विदथेषु घृष्वयः १
 त उच्चितासौ महिमानमाशत दिवि रुद्रासो अर्धि चक्रिरे सदः ।
 अर्चन्तो अर्कं जनयन्त इन्द्रिय मधि श्रियो दधिरे पृश्निमातरः २
 गोमातरो यच्छुभयन्ते अञ्जिभिस्तनूषु श्म्रा दधिरे विरुक्मतः ।

बाधन्ते विश्वमभिमतिनमप वत्मान्येषामनु रीयते घृतम् ३
वि ये भ्राजन्ते सुमखास ऋष्टिभिः प्रच्यावयन्तो अच्युता चिदोजसा ।
मनोजुवो यन्मरुतो रथेष्व्वा वृषवातासः पृषतीरयुग्ध्वम् ४
प्र यद् रथेषु पृषतीरयुग्ध्वं वाजे अद्रिं मरुतो रंहयन्तः ।
उतारुषस्य वि ष्यन्ति धाराश्चमेवोदभिव्युन्दन्ति भूम ५
आ वौ वहन्तु सप्तयो रघुष्यदौ रघुपत्वानुः प्र जिगात ब्राहुभिः ।
सीदता बर्हिरुरु वः सदस्कृतं मादयध्वं मरुतो मध्वो अन्धसः ६
तैऽवर्धन्त स्वतवसो महित्वना नाकं तस्थुरु चक्रिरे सदः ।
विष्णुर्यद्वावद् वृषणं मदच्युतं वयो न सीदन्नधि बर्हिषि प्रिये ७
शूरा इवेद् युयुधयो न जग्मयः श्रवस्यवो न पृतनासु येतिरे ।
भयन्ते विश्वा भुवना मरुद्भ्यो राजान इव त्वेषसदृशो नरः ८
त्वष्टा यद् वज्रं सुकृतं हिरण्ययं सहस्रभृष्टिं स्वपा अर्वतयत् ।
धत्त इन्द्रो नर्यपांसि कर्तवे ऽहन् वृत्रं निरपामौब्जदर्णवम् ९
ऊर्ध्वं नुन्द्रेऽवतं त ओजसा ददृहाणं चिद् बिभिदुर्वि पर्वतम् ।
धमन्तो व्राणं मरुतः सुदानवो मदे सोमस्य रर्यानि चक्रिरे १०
जिह्वं नुन्द्रेऽवतं तया दिशा सिञ्चन्नुत्सं गोतमाय तृष्णजे ।
आ गच्छन्तीमवसा चित्रभानवः कामं विप्रस्य तर्पयन्त धामभिः ११
या वः शर्म शशमानाय सन्ति त्रिधातूनि दाशुषे यच्छताधि ।
अस्मभ्यं तानि मरुतो वि यन्त रयिं नो धत्त वृषणः सुवीरम् १२

(८६) षडशीतितमं सूक्तम्

(१-१०) दशर्चस्यास्य सूक्तस्य राहूगणो गोतम ऋषिः । मरुतो देवताः ।

गायत्री छन्दः

मरुतो यस्य हि क्षयै पाथा दिवो विमहसः । स सुगोपातमो जनः १
यज्ञैर्वा यज्ञवाहसो विप्रस्य वा मतीनाम् । मरुतः शृणुता हवम् २
उत वा यस्य वाजिनो ऽनु विप्रमर्तक्षत । स गन्ता गोमति वृजे ३
अस्य वीरस्य बर्हिषि सुतः सोमो दिविष्टिषु । उक्थं मदश्च शस्यते ४
अस्य श्रौषन्त्वा भुवो विश्वा यश्चर्षणीरभि । सूरं चित् सस्नुषीरिषः ५
पूर्वाभिर्हि ददाशिम शरद्धर्मरुतो वयम् । अवौभिश्चर्षणीनाम् ६
सुभगः स प्रयज्यवो मरुतो अस्तु मर्त्यः । यस्य प्रयांसि पर्षथ ७

शशमानस्य वा नरः स्वेदस्य सत्यशवसः । विदा कामस्य वेनतः ८
यूयं तत् सत्यशवस आविष्कर्त महित्वना । विध्यता विद्युता रक्षः ९
गूहता गुह्यं तमो वि यात विश्वमत्रिणम् । ज्योतिष्कर्ता यदुश्मसि १०

(८७) समाशीतितमं सूक्तम्

(१-६) षड्चस्यास्य सूक्तस्य राहूगणो गोतम ऋषिः । मरुतो देवताः ।
जगती छन्दः

प्रत्वक्षसः प्रतवसो विरप्शिनो ऽनानता अविथुरा ऋजीषिणः ।
जुष्टमासो नृतमासो अञ्जिभिर्व्यानजे के चिदुस्त्रा इव स्तृभिः १
उपहरेषु यदचिध्वं ययिं वयं इव मरुतः केन चित् पथा ।
श्रोतन्ति कोशा उप वो रथेष्ववा घृतमुक्षता मधुवर्णमर्चते २
पैषामज्मेषु विथुरेव रेजते भूमिर्यामेषु यद्ध युञ्जते शभे ।
ते क्रीळयो धुनयो भ्राजदृष्टयः स्वयं महित्वं पनयन्त धूतयः ३
स हि स्वसृत् पृषदश्चो युवा गणोऽया ईशानस्तविषीभिरावृतः ।
असिं सत्य ऋणयावानेद्यो ऽस्या धियः प्राविताथा वृषा गणः ४
पितुः प्रत्स्य जन्मना वदामसि सोमस्य जिह्वा प्र जिगाति चक्षसा ।
यदीमिन्द्रं शम्यक्वाण आशता दिन्नामानि यज्ञियानि दधिरे ५
श्रियसे कं भानुभिः सं मिमिक्षिरे ते रश्मिभिस्त ऋक्वभिः सुखादयः ।
ते वाशीमन्त इष्मिणो अभीरवो विद्रे प्रियस्य मारुतस्य धाम्नः ६

(८८) अष्टाशीतितमं सूक्तम्

(१-६) षड्चस्यास्य सूक्तस्य राहूगणो गोतम ऋषिः । मरुतो देवताः । (१, ६)
प्रथमाषष्ठयोऽर्चोः प्रस्तारपङ्क्तिः (२-४) द्वितीयादितृचस्य त्रिष्टुप् (५) पञ्चम्याश्च
विराड् रूपा छन्दांसि

आ विद्युन्मद्भिर्मरुतः स्वकै रथैभिर्यात ऋष्टिमद्भिरश्वपणैः ।
आ वर्षिष्ठया न इषा वयो न पतता सुमायाः १
तैऽरुणेभिर्वरमा पिशङ्गैः शभे कं यान्ति रथतूर्भिरश्वैः ।
रुक्मो न चित्रः स्वधितीवान् पव्या रथस्य जङ्घनन्त भूम २
श्रिये कं वो अधि तनूषु वाशी मेधा वना न कृणवन्त ऊर्ध्वा ।
युष्मभ्यं कं मरुतः सुजाता स्तुविद्युन्मासौ धनयन्ते अद्रिम् ३

अहानि गृध्राः पर्या व आगु रिमां धिर्यं वार्कार्या च देवीम् ।
 ब्रह्म कृगवन्तो गोतमासो अकै रूर्ध्वं नुनुद्र उत्सधिं पिबध्वै ४
 एतत् त्यन्न योजनमचेति सस्वर्हं यन्मरुतो गोतमो वः ।
 पश्यन् हिरण्यचक्रानयोदंष्ट्रान् विधावतो वराहन् ५
 एषा स्या वो मरुतोऽनुभर्त्री प्रति ष्ठोभति वाघतो न वाणी ।
 अस्तोभयद् वृथासा मनु स्वधां गभस्त्योः ६

(८६) एकोननवतितमं सूक्तम्

(१-१०) दशर्चस्यास्य सूक्तस्य राहूगणो गोतम ऋषिः । विश्वे देवा देवताः ।

(१-५, ७) प्रथमादिपञ्चर्चा सप्तम्याश्च जगती (६) षष्ठ्या विराट्स्थाना (८-१०)

अष्टम्यादितृचस्य च त्रिष्टुप् छन्दांसि

आ नो भद्राः क्रतवो यन्तु विश्वतो ऽदब्धासो अपरीतास उद्भिदः ।
 देवा नो यथा सदमिद् वृधे असन्नप्रायुवो रक्षितारौ दिवेदिवे १
 देवानां भद्रा सुमतिर्त्र्यजूयतां देवानां रातिरभि नो निर्वर्तताम् ।
 देवानां सख्यमुप सेदिमा वयं देवा न आयुः प्र तिरन्तु जीवसे २
 तान् पूर्वया निविदा हूमहे वयं भर्ग मित्रमदितिं दक्षमस्त्रिधम् ।
 अर्यमणं वरुणं सोममश्विना सरस्वती नः सुभगा मयस्करत् ३
 तन्नो वातो मयोभु वातु भेषजं तन्माता पृथिवी तत् पिता द्यौः ।
 तद् ग्रावाणः सोमसुतो मयोभुवस्तदश्विना शृणुतं धिष्ण्या युवम् ४
 तमीशानं जगतस्तस्थुषस्पतिं धियंजिन्वमवसे हूमहे वयम् ।
 पूषा नो यथा वेदसामसद् वृधे रक्षिता पायुरदब्धः स्वस्तये ५
 स्वस्ति न इन्द्रो वृद्धश्रवाः स्वस्ति नः पूषा विश्ववेदाः ।
 स्वस्ति नस्तादुर्यो अरिष्टनेमिः स्वस्ति नो बृहस्पतिर्दधातु ६
 पृषदश्वा मरुतः पृश्निमातरः शुभ्यावानो विदथेषु जग्मयः ।
 अग्निजिह्वा मनवः सूरचक्षसो विश्वे नो देवा अवसा गमन्निह ७
 भद्रं करौभिः शृणुयाम देवा भद्रं पश्येमाक्षभिर्यजत्राः ।
 स्थिरैरङ्गैः स्तुष्टुवांसस्तनूभिर्व्यशेम देवहितं यदायुः ८
 शतमिन्नु शरदो अन्ति देवा यत्रा नश्चक्रा जरसं तनूनाम् ।
 पुत्रासो यत्र पित्रो भवन्ति मा नो मध्या रीरिषतायुर्गन्तौः ९
 अदितिद्यौरदितिरन्तरिक्षं मदितिर्माता स पिता स पुत्रः ।

विश्वे देवा अदितिः पञ्च जना अदितिर्जातमदितिर्जनित्वम् १०

(६०) नवतितमं सूक्तम्

(१-६) नवर्चस्यास्य सूक्तस्य राहूगणो गोतम ऋषिः । विश्वे देवा देवताः । (१-

८) प्रथमाद्यष्टर्चा गायत्री (६) नवम्याश्चानुष्टुप् छन्दसी

ऋजुनीती नो वरुणो मित्रो नयतु विद्वान् । अर्यमा देवैः सजोषाः १
ते हि वस्वो वसवाना स्ते अप्रमूरा महौभिः । वृता रक्षन्ते विश्वाहा २
ते अस्मभ्यं शर्म यंस न्नमृता मर्त्येभ्यः । बाधमाना अप द्विषः ३
वि नः पथः सुविताय चियन्त्विन्द्रो मरुतः । पूषा भगो वन्द्यासः ४
उत नो धियो गोअग्राः पूषन् विष्णवेवयावः । कर्ता नः स्वस्तिमतः ५
मधु वार्ता ऋतायते मधु क्षरन्ति सिन्धवः । माध्वीर्नः सन्त्वोषधीः ६
मधु नक्तमुतोषसो मधुमत् पार्थिवं रजः । मधु द्यौरस्तु नः पिता ७
मधुमान्नो वनस्पति मधुमाँ अस्तु सूर्यः । माध्वीर्गावो भवन्तु नः ८
शं नो मित्रः शं वरुणः शं नो भवत्वर्यमा ।

शं न इन्द्रो बृहस्पतिः शं नो विष्णुरुरुक्रमः ९

(६१) एकनवतितमं सूक्तम्

(१-२३) त्रयोविंशत्यृचस्यास्य सूक्तस्य राहूगणो गोतम ऋषिः । सोमो देवता ।

(१-४, १८-२३) प्रथमादिचतुर्त्रचामष्टादश्यादिषण्णाञ्च त्रिष्टुप् (५-१६)

पञ्चम्यादिद्वादशानां गायत्री (१७) सप्तदश्याश्चोष्णिक् छन्दांसि

त्वं सोम प्र चिकितो मनीषा त्वं रजिष्ठमनु नेषि पन्थाम् ।
तव प्रणीती पितरौ न इन्द्रो देवेषु रत्नमभजन्त धीराः १
त्वं सोम क्रतुभिः सुक्रतुर्भूस्त्वं दक्षैः सुदक्षौ विश्ववेदाः ।
त्वं वृषा वृषत्वेभिर्महित्वा द्युम्नेभिर्द्युम्नयभवो नृचक्षाः २
राज्ञो नु ते वरुणस्य वृतानि बृहद् गेभीरं तव सोम धाम ।
शुचिष्टमसि प्रियो न मित्रो दक्षाय्यो अर्यमेवासि सोम ३
या ते धामानि दिवि या पृथिव्यां या पर्वतेष्वोषधीष्वप्सु ।
तेभिर्नो विश्वैः सुमना अहेळन् राजन्त्सोम प्रति हुव्या गृभाय ४
त्वं सोमासि सत्पति स्त्वं राजोत वृत्रहा । त्वं भद्रो असि क्रतुः ५
त्वं च सोम नो वशो जीवातुं न मरामहे । प्रियस्तौत्रो वनस्पतिः ६

त्वं सोम म॒हे भग॑ त्वं यू॒न ऋ॑ताय॒ते । दक्षं॑ दधासि जी॒वसे॑ ७
 त्वं नः॑ सोम वि॒श्वतो॑ रक्षा॑ राज॒न्नघाय॑तः । न रि॑ष्येत् त्वा॒र्वतः॑ सखा॑ ८
 सोम॒ यास्ते॑ मयो॒भुव॑ ऊ॒तयः॑ सन्ति॑ दा॒शुषे॑ । ताभि॑र्नो ऽवि॒ता भव॑ ९
 इ॒मं य॒ज्ञमि॒दं वचो॑ जु॒जुषा॑ण उ॒पाग॑हि । सोम॒ त्वं नो॑ वृ॒धे भव॑ १०
 सोम॑ गी॒र्भिष्ठा॑ व॒यं व॒र्धयामो॑ वचो॒विदः॑ । सु॒मृ॒ळीको॑ न॒ आ वि॑श ११
 ग॒य॒स्फानो॑ अमी॒वहा॑ वसु॒वित् पु॑ष्टि॒वर्धनः॑ । सु॒मि॒त्रः सोम॑ नो भव १२
 सोम॑ रा॒न्धि नो॑ ह॒दि गा॒वो न॑ य॒र्वसे॑ष्वा । म॒र्य इ॒व स्व॑ ओ॒क्ये १३
 यः सोम॑ स॒ख्ये त॒व रा॒राण॑द् दे॒व म॒र्त्यः । तं दक्षः॑ स॒चते॑ क॒विः १४
 उ॒रु॒ष्या णो॑ अ॒भिशा॑स्तेः सोम॒ नि पा॒ह्यंह॑सः । सखा॑ सु॒शेर्व॑ एधि नः १५
 आ प्या॑यस्व॒ समे॑तु ते वि॒श्वतः॑ सोम॒ वृष्य॑यम् । भवा॑ वा॒जस्य॑ सं॒ग॒थे १६
 आ प्या॑यस्व मदि॒न्तम् सोम॑ वि॒श्वेभि॑रं॒शुभिः॑ ।

भवा॑ नः सु॒श्रव॑स्तमः॒ सखा॑ वृ॒धे १७
 सं ते॑ प॒र्यासि॑ समु॒ यन्तु॑ वा॒जाः सं वृष्य॑यान्यभिमा॒तिषा॑हः ।
 आ॒प्याय॑मानो अ॒मृता॑य सोम दि॒वि श्रवा॑स्यु॒त्तमा॑नि॒ धिष्व १८
 या ते॑ धा॒मानि॑ ह॒विषा॑ य॒जन्ति॑ ता ते॒ विश्वा॑ परि॒भूर॑स्तु य॒ज्ञम् ।
 ग॒य॒स्फानः॑ प्र॒तर॑णः सु॒वीरो॑ ऽवी॒रहा॑ प्र च॒रा सोम॑ दु॒र्यान् १९
 सोमो॑ धे॒नुं सोमो॑ अ॒र्वन्त॑मा॒शुं सोमो॑ वी॒रं क॑र्म॒ण्यं द॑दाति ।
 सा॒द॒न्यं वि॒द॒थ्यं स॒भेयं॑ पि॒तृश्रव॑णं॒ यो द॑दा॒शद॑स्मै २०
 अ॒षा॒हळं॑ यु॒त्सु पृ॑त॒नासु॑ प॒त्रिं स्व॑र्षामि॒प्सां वृ॑ज॒नस्य॑ गो॒पाम् ।
 भू॒रेषु॑जां सु॒क्षितिं॑ सु॒श्रवे॑सं॒ जय॑न्तं॒ त्वाम॑नु॒ मदे॑म सोम २१
 त्वमि॑मा ओष॑धीः सोम॒ विश्वा॑ स्त्वम॒पो अ॑जनय॒स्त्वं गाः॑ ।
 त्वमा॑ त॒तन्थो॑र्व॒न्तरि॑क्षं॒ त्वं ज्योति॑षा॒ वि तमो॑ वव॒र्थ २२
 दे॒वेन॑ नो॒ मन॑सा॒ देव॑ सोम रा॒यो भा॑गं स॒हसा॑व॒न्नभि॑ यु॒ध्य ।
 मा त्वा॑ त॒नदी॑शि॒षे वी॒र्य॑स्यो॒ भये॑भ्यः प्र चि॑कित्सा॒ गवि॑ष्टौ २३

(६२) द्विनवतितमं सूक्तम्

(१-१८) अष्टादशर्चस्यास्य सूक्तस्य राहूगणो गोतम ऋषिः । (१-१५)
 प्रथमादिपञ्चदशर्चामुषाः (१३-१८) षोडश्यादितृचस्य चाश्विनो देवताः । (१-४)

प्रथमादिचतुर्ऋचां जगती (५-१२) पञ्चम्याद्यष्टानां त्रिष्टुप् (१३-१८)

त्रयोदश्यादिषण्णाञ्चोष्णिक छन्दांसि

एता उ त्या उषसः केतुमक्रत पूर्वे अर्धे रजसो भानुमञ्जते ।
 निष्कृगवाना आयुधानीव धृष्णावः प्रति गावोऽरुषीर्यन्ति मातरः १
 उदपपन्नरुणा भानवो वृथा स्वायुजो अरुषीर्गा अयुक्षत ।
 अक्रन्नुषासौ वयुनानि पूर्वथा रुशन्तं भानुमरुषीरशिश्रयुः २
 अर्चन्ति नारीरपसो न विष्टिभिः समानेन योजनेना परावतः ।
 इषं वहन्तीः सुकृते सुदानवे विश्वेदह यजमानाय सुन्वते ३
 अधि पेशांसि वपते नृतूरिवा पौर्णते वक्ष उस्त्रेव बर्जहम् ।
 ज्योतिर्विश्वस्मै भुवनाय कृगवती गावो न व्रजं व्युष्षा आवर्तमः ४
 प्रत्यर्ची रुशदस्या अदर्शि वि तिष्ठते बाधते कृष्णमभ्वम् ।
 स्वरुं न पेशौ विदथैष्वञ्ज् चित्रं दिवो दुहिता भानुमश्रेत् ५
 अतारिष्म तमसस्परमस्यो षा उच्छन्ती वयुना कृणोति ।
 श्रिये छन्दो न स्मयते विभाती सुप्रतीका सौमनसायाजीगः ६
 भास्वती नेत्री सूनृतानां दिवः स्तवे दुहिता गोतमेभिः ।
 प्रजावतो नृवतो अश्वबुध्या नुषो गोअग्राँ उप मासि वाजान् ७
 उषस्तमश्यां यशसं सुवीरं दासप्रवर्गं रयिमश्वबुध्यम् ।
 सुदंससा श्रवसा या विभासि वाजप्रसूता सुभगे बृहन्तम् ८
 विश्वानि देवी भुवनाभिचक्ष्या प्रतीची चक्षुरुर्विया वि भाति ।
 विश्वं जीवं चरसै बोधयन्ती विश्वस्य वाचमविदन्मनायोः ९
 पुनःपुनर्जायमाना पुराणी समानं वर्णमभि शुम्भमाना ।
 श्वघ्नीव कृत्तुर्विजं आमिनाना मर्तस्य देवी जरयन्त्यायुः १०
 व्यूरवती दिवो अन्ताँ अबो ध्यप स्वसारं सनुतर्युयोति ।
 प्रमिनती मनुष्या युगानि योषां जारस्य चक्षसा वि भाति ११
 पशून् चित्रा सुभगो प्रथाना सिन्धुर्न क्षोद उर्विया व्यश्वैत् ।
 अमिनती दैव्यानि वृतानि सूर्यस्य चेति रश्मिभिर्दृशाना १२
 उषस्तच्चित्रमा भरा स्मभ्यं वाजिनीवति ।
 येन तोकं च तनयं च धामहे १३
 उषो अद्येह गौम् त्यश्वावति विभावरि ।
 रेवदस्मे व्युच्छ सूनृतावति १४
 युद्धा हि वाजिनीव त्यश्वाँ अद्यारुणाँ उषः ।
 अथा नो विश्वा सौभगान्या वह १५

अश्विना वृतिरस्मदा गोमद् दस्त्रा हिरण्यवत् ।
अर्वाग्रथं समनसा नि यच्छतम् १६
यावित्था श्लोकमा दिवो ज्योतिर्जनाय चक्रथुः ।
आ न ऊर्जं वहतमश्विना युवम् १७
एह देवा मन्योभुवा दस्त्रा हिरण्यवर्तनी ।
उषर्बुधो वहन्तु सोमपीतये १८

(६३) त्रिनवतितमं सूक्तम्

(१-१२) द्वादशर्चस्यास्य सूक्तस्य राहूगणो गोतम ऋषिः । अग्नीषोमौ देवते ।
(१-३) प्रथमादितृचस्यानुष्टुप् (४-७, १२) चतुर्थ्यादिचतसृणां द्वादश्याश्च त्रिष्टुप्
८ अष्टम्या जगती त्रिष्टुब् वा (९-११) नवम्यादितृचस्य च गायत्री छन्दांसि
अग्नीषोमाविमं सु मै शृणुतं वृषणा हवम् ।
प्रति सूक्तानि हर्यतं भवतं दाशुषे मयः १
अग्नीषोमा यो अद्य वा मिदं वचः सपर्यति ।
तस्मै धत्तं सुवीर्यं गवां पोषं स्वश्वद्यम् २
अग्नीषोमा य आहतिं यो वां दाशाद्धविष्कृतिम् ।
स प्रजया सुवीर्यं विश्वमायुर्व्यश्नवत् ३
अग्नीषोमा चेति तद्वीर्यं वां यदमुष्णीतमवसं पृणिं गाः ।
अवातिरतं बृसयस्य शेषो ऽविन्दतं ज्योतिरेकं बहुभ्यः ४
युवमेतानि दिवि रोचना न्यग्निश्च सोम सक्रतू अधत्तम् ।
युवं सिन्धूरभिर्शस्तेरवद्या दग्नीषोमावमुञ्चतं गृभीतान् ५
आन्यं दिवो मातरिश्वा जभारा मथ्नादन्यं परि श्येनो अद्रैः ।
अग्नीषोमा ब्रह्मणा वावृधानो रुं यज्ञाय चक्रथुरु लोकम् ६
अग्नीषोमा हविषः प्रस्थितस्य वीतं हर्यतं वृषणा जुषेथाम् ।
सुशर्माणा स्वर्वसा हि भूत मथा धत्तं यजमानाय शं योः ७
यो अग्नीषोमा हविषा सपर्याद् देवद्रीचा मनसा यो घृतेन ।
तस्य वृतं रक्षतं पातमंहसो विशे जनाय महि शर्म यच्छतम् ८
अग्नीषोमा सर्वेदसा सहृती वनतं गिरः । सं देवत्रा बभूवथुः ९
अग्नीषोमावनेन वां यो वां घृतेन दाशति । तस्मै दीदयतं बृहत् १०
अग्नीषोमाविमानि नो युवं हव्या जुजोषतम् । आ यातमुप नः सचा ११

अग्नीषोमा पिपृतमर्वतो नु आ प्यायन्तामुस्त्रिया हव्यसूदः ।
अस्मे बलानि मघवत्सु धत्तं कृणुतं नो अध्वरं श्रुष्टिमन्तम् १२

(६४) चतुर्नवतितमं सूक्तम्

(१-१६) षोडशर्चस्यास्य सूक्तस्याङ्गिरसः कुत्स ऋषिः । (१-१६)

प्रथमादिषोडशर्चामग्निर्जातवेदाः, तत्रापि (८) अष्टम्याः पादत्रयस्य देवाः (१६)

षोडश्या उत्तरार्धस्य मित्रवरुणादितिसिन्धुपृथिवीद्यावो वा देवताः । (१-१४)

प्रथमादिचतुर्दशर्चा जगती (१५-१६) पञ्चदशीषोडशयोश्च त्रिष्टुप् छन्दसी

इमं स्तोममर्हते जातवेदसे रथमिव सं महेमा मनीषया ।

भद्रा हि नुः प्रमतिरस्य संसद्यग्रै सरुख्ये मा रिषामा वयं तव १

यस्मै त्वमायजसे स साधत्यनर्वा दैति दधते सुवीर्यम् ।

स तूताव नैनमश्नोत्यंहति रग्रै सरुख्ये मा रिषामा वयं तव २

शकेम त्वा समिधं साधया धियस्त्वे देवा हविरदन्त्याहुतम् ।

त्वमादित्याँ आ वह तान् ह्युश्मस्यग्रै सरुख्ये मा रिषामा वयं तव ३

भरामेध्मं कृणवामा हवीषि ते चितयन्तः पर्वणापर्वणा वयम् ।

जीवातवे प्रतरं साधया धियो ऽग्रै सरुख्ये मा रिषामा वयं तव ४

विशां गोपा अस्य चरन्ति जन्तवो द्विपञ्च यदुत चतुष्पदकुभिः ।

चित्रः प्रकेत उषसौ म्हाँ अस्यग्रै सरुख्ये मा रिषामा वयं तव ५

त्वमध्वर्युरुत होतासि पूर्व्यः प्रशास्ता पोता जनुषा पुरोहितः ।

विश्वा विद्वाँ आत्विज्या धीर पुष्यस्यग्रै सरुख्ये मा रिषामा वयं तव ६

यो विश्वतः सुप्रतीकः सदृङ्ङसि दूरे चित् सन्तळिदिवाति रोचसे ।

रात्र्याश्चिदन्धो अति देव पश्यस्यग्रै सरुख्ये मा रिषामा वयं तव ७

पूर्वो देवा भवतु सुन्वतो रथो ऽस्माकं शंसौ अभ्यस्तु दूढयः ।

तदा जानीतोत पुष्यता वचो ऽग्रै सरुख्ये मा रिषामा वयं तव ८

वधैर्दुःशंसाँ अप दूढयो जहि दूरे वा ये अन्ति वा के चिदत्रिणः ।

अर्था यज्ञाय गृणते सुगं कृध्यग्रै सरुख्ये मा रिषामा वयं तव ९

यदयुक्था अरुषा रोहिता रथे वार्तजूता वृषभस्यैव ते रवः ।

आदिन्वसि वनिनो धूमकेतुना ऽग्रै सरुख्ये मा रिषामा वयं तव १०

अर्ध स्वनादुत बिभ्युः पत्रिणो द्रप्सा यत् ते यवसादो व्यस्थिरन् ।

सुगं तत् ते तावकेभ्यो रथेभ्यो ऽग्रै सरुख्ये मा रिषामा वयं तव ११

अयं मित्रस्य वरुणस्य धार्यसे ऽवयातां मरुतां हेळो अद्भुतः ।
मृळा सु नो भूत्वैषां मनः पुनरग्रै सख्ये मा रिषामा वयं तव १२
देवो देवानामसि मित्रो अद्भुतो वसुर्वसूनामसि चारुरध्वरे ।
शर्मन्त्स्याम तव सप्रथस्तमे ऽग्रै सख्ये मा रिषामा वयं तव १३
तत् ते भद्रं यत्समिद्धः स्वे दमे सोमाहुतो जरसे मृळयत्तमः ।
दधासि रत्नं द्रविणं च दाशुषे ऽग्रै सख्ये मा रिषामा वयं तव १४
यस्मै त्वं सुद्रविणो ददाशो ऽनागास्त्वमदिते सर्वताता ।
यं भद्रेण शर्वसा चोदयासि प्रजावता राधसा ते स्याम १५
स त्वमग्रे सौभगत्वस्य विद्वा नस्माकमायुः प्र तिरिह देव ।
तन्नो मित्रो वरुणो मामहन्ता मदितिः सिन्धुः पृथिवी उत द्यौः १६

सप्तमोऽध्यायः ७

व० १-३२

(६५) पञ्चनवतितमं सूक्तम्

(१-११) एकादशर्चस्यास्य सूक्तस्याङ्गिरसः कुत्स ऋषिः । अग्निरौषसोऽग्निर्वा
देवता । त्रिष्टुप् छन्दः

द्वे विरूपे चरतुः स्वर्थे अन्यान्या वृत्समुप धापयेते ।
हरिरन्यस्यां भवति स्वधावाञ् छुक्रो अन्यस्यां ददृशे सुवर्चाः १
दशेमं त्वष्टुर्जनयन्त गर्भं मतन्द्रासो युवतयो विभृत्रम् ।
तिग्मानीकं स्वयंशसं जने विरोचमानं परि षीं नयन्ति २
त्रीणि जाना परि भूषन्त्यस्य समुद्र एकं दिव्येकमप्सु ।
पूर्वामनु प्र दिशं पार्थिवानामृतून् प्रशासद् वि दधावनुष्टु ३
क इमं वो निरयमा चिकेत वृत्सो मातृर्जनयत स्वधाभिः ।
ब्रह्मीनां गर्भो अपसामुपस्था न्महान् कविर्निश्चरति स्वधावान् ४
आविष्टयो वर्धते चारुरासु जिह्वानामूर्ध्वः स्वयंशा उपस्थे ।
उभे त्वष्टुर्बिभ्यतुर्जायमानात् प्रतीची सिंहं प्रति जोषयेते ५
उभे भद्रे जौषयेते न मेने गावो न वाश्रा उप तस्थुरेवैः ।
स दक्षाणां दक्षपतिर्बभूवा ज्ञन्ति यं दक्षिणतो हविर्भिः ६
उद् ययमीति सवितेव बाहू उभे सिचौ यतते भीम ऋञ्जन् ।
उच्छुक्रमत्कमजते सिमस्मान् नवा मातृभ्यो वसना जहाति ७

त्वेषं रूपं कृणुत उत्तरं यत् संपृञ्चानः सदनं गोभिरद्भिः ।
 कविर्बुध्नं परि मर्मज्यते धीः सा देवताता समितिर्बभूव ८
 उरु ते जयः पर्येति बुध्नं विरोचमानं महिषस्य धाम ।
 विश्वेभिरग्ने स्वयंशोभिरिद्धो ऽदब्धेभिः पायुभिः पाह्यस्मान् ९
 धन्वन्त्सरोतः कृणुते गातुमूर्मिं शक्रैरूर्मिभिरभि नक्षति क्षाम् ।
 विश्वा सनानि जठरैषु धत्ते ऽन्तर्नवासु चरति प्रसूषु १०
 एवा नो अग्ने समिधा वृधानो रेवत् पावक श्रवसे वि भाहि ।
 तन्नो मित्रो वरुणो मामहन्ता मदितिः सिन्धुः पृथिवी उत द्यौः ११

(६६) षण्णवतितमं सूक्तम्

(१-६) नवर्चस्यास्य सूक्तस्याङ्गिरसः कुत्स ऋषिः । अग्निर्द्रविणोदा अग्निर्वा देवता
। त्रिष्टुप् छन्दः

स प्रथमा सहसा जायमानः सद्यः काव्यानि बळधत्त विश्वा ।
 आपश्च मित्रं धिषणा च साधन् देवा अग्निं धारयन् द्रविणोदाम् १
 स पूर्वया निविदा कव्यतायो रिमाः प्रजा अजनयन्मनूनाम् ।
 विवस्वता चक्षसा द्यामपश्च देवा अग्निं धारयन् द्रविणोदाम् २
 तमीळत प्रथमं यज्ञसाधं विश आरीराहुतमृञ्जसानम् ।
 ऊर्जः पुत्रं भरतं सृप्रदानुं देवा अग्निं धारयन् द्रविणोदाम् ३
 स मातरिश्वा पुरुवारपुष्टि विदद् गातुं तनयाय स्वर्वित् ।
 विशां गोपा जनिता रोदस्यो देवा अग्निं धारयन् द्रविणोदाम् ४
 नक्तोषासा वर्णामामेभ्याने धापयेते शिशुमेकं समीची ।
 द्यावाक्षामा रुक्मो अन्तर्वि भाति देवा अग्निं धारयन् द्रविणोदाम् ५
 रायो बुध्नः संगमनो वसूनां यज्ञस्य केतुर्मन्मसाधनो वेः ।
 अमृतत्वं रक्षमाणास एनं देवा अग्निं धारयन् द्रविणोदाम् ६
 नू च पुरा च सदनं रयीणां जातस्य च जायमानस्य च क्षाम् ।
 सतश्च गोपां भवतश्च भूरै देवा अग्निं धारयन् द्रविणोदाम् ७
 द्रविणोदा द्रविणसस्तुरस्य द्रविणोदाः सनरस्य प्र यंसत् ।
 द्रविणोदा वीरवतीमिषं नो द्रविणोदा रासते दीर्घमायुः ८
 एवा नो अग्ने समिधा वृधानो रेवत् पावक श्रवसे वि भाहि ।
 तन्नो मित्रो वरुणो मामहन्ता मदितिः सिन्धुः पृथिवी उत द्यौः ९

(६७) सप्तनवतितमं सूक्तम्

(१-८) अष्टर्चस्यास्य सूक्तस्याङ्गिरसः कुत्स ऋषिः । अग्निः शुचिरग्निर्वा देवता ।
गायत्री छन्दः

अपं नुः शोशुचदुघम् १
सुद्धेत्रिया सुगातुया वसूया चै यजामहे । अपं नुः शोशुचदुघम् २
प्र यद् भन्दिष्ठ एषां प्रास्माकासश्च सूरयः । अपं नुः शोशुचदुघम् ३
प्र यत् तै अग्ने सूरयो जायैमहि प्र ते वयम् । अपं नुः शोशुचदुघम् ४
प्र यद्ग्रेः सहस्वतो विश्वतो यन्ति भानवः । अपं नुः शोशुचदुघम् ५
त्वं हि विश्वतोमुख विश्वतः परिभूरसि । अपं नुः शोशुचदुघम् ६
द्विषो नो विश्वतोमुखा ति नावेव पारय । अपं नुः शोशुचदुघम् ७
स नुः सिन्धुमिव नावया ति पर्षा स्वस्तये । अपं नुः शोशुचदुघम् ८

(६८) अष्टनवतितमं सूक्तम्

(१-३) तृचस्यास्य सूक्तस्याङ्गिरसः कुत्स ऋषिः । अग्निर्वैश्वानरोऽग्निर्वा देवता ।
त्रिष्टुप् छन्दः

वैश्वानरस्य सुमतौ स्याम् राजा हि कं भुवनानामभिः ।
इतो जातो विश्वमिदं वि चष्टे वैश्वानरो यतते सूर्येण १
पृष्ठो दिवि पृष्ठो अग्निः पृथिव्यां पृष्ठो विश्वा ओषधीरा विवेश ।
वैश्वानरः सहसा पृष्ठो अग्निः स नो दिवा स रिषः पातु नक्तम् २
वैश्वानर तव तत् सत्यमं स्त्वस्मान् रायौ मघवानः सचन्ताम् ।
तन्नो मित्रो वरुणो मामहन्ता मर्दितिः सिन्धुः पृथिवी उत द्यौः ३

(६९) नवनवतितमं सूक्तम्

(१) एकर्चस्यास्य सूक्तस्य मारीचः कश्यप ऋषिः । अग्निर्जातवेदा अग्निर्वा देवता
। त्रिष्टुप् छन्दः

जातवेदसे सुनवाम् सोमं मरातीयतो नि दहाति वेदः ।
स नः पर्षदति दुर्गाणि विश्वा नावेव सिन्धुं दुरितात्यग्निः १

(१००) शततमं सूक्तम्

(१-१६) एकोनविंशत्यृचस्यास्य सूक्तस्य चार्षागिरा ऋज्जाश्वाम्बरीष-सहदेव-

भयमान-सुराधस ऋषयः । इन्द्रो देवता । त्रिष्टुप् छन्दः
 स यो वृषा वृष्यैभिः समौका मृहो दिवः पृथिव्याश्च सम्राट् ।
 सतीनसत्वा हव्यो भरैषु मरुत्वान् नो भवत्विन्द्र ऊती १
 यस्यानाप्तः सूर्यस्येव यामो भरैभरे वृत्रहा शुष्मो अस्ति ।
 वृषन्तमः सखिभिः स्वेभिरेवै मरुत्वान् नो भवत्विन्द्र ऊती २
 दिवो न यस्य रेतसो दुधानाः पन्थासो यन्ति शवसापरीताः ।
 तरद्वेषाः सासहिः पौंस्यैभि मरुत्वान् नो भवत्विन्द्र ऊती ३
 सो अङ्गिरोभिरङ्गिरस्तमो भूद् वृषा वृषभिः सखिभिः सखा सन् ।
 ऋग्मिभिर्ऋग्मी गातुभिर्ज्यैष्ठो मरुत्वान् नो भवत्विन्द्र ऊती ४
 स सूनुभिर्न रुद्रेभिर्ऋभ्वा नृषाह्यै सासहाँ अमित्रान् ।
 सनीळेभिः श्रवस्यानि तूर्वन् मरुत्वान् नो भवत्विन्द्र ऊती ५
 स मन्युमीः समदनस्य कर्ता ऽस्माकैभिर्नृभिः सूर्यं सनत् ।
 अस्मिन्नहन्त्सत्पतिः पुरुहूतो मरुत्वान् नो भवत्विन्द्र ऊती ६
 तमूतयौ रणयञ्छूरसातौ तं क्षेमस्य क्षितयः कृणवत् त्राम् ।
 स विश्वस्य करुणस्येश एको मरुत्वान् नो भवत्विन्द्र ऊती ७
 तमप्सन्त शर्वस उत्सवेषु नरो नरमवसे तं धनाय ।
 सो अन्धे चित् तमसि ज्योतिर्विदन् मरुत्वान् नो भवत्विन्द्र ऊती ८
 स सव्येन यमति ब्राधतश्चित् स दक्षिणे संगृभीता कृतानि ।
 स कीरिणा चित् सनिता धनानि मरुत्वान् नो भवत्विन्द्र ऊती ९
 स ग्रामैभिः सनिता स रथैभिर्विदे विश्वाभिः कृष्टिभिर्नर्वश्द्य ।
 स पौंस्यैभिरभिभूरशस्ती मरुत्वान् नो भवत्विन्द्र ऊती १०
 स जामिभिर्यत् समजाति मीहळे ऽजामिभिर्वा पुरुहूत एवैः ।
 अपां तोकस्य तनयस्य जेषे मरुत्वान् नो भवत्विन्द्र ऊती ११
 स वज्रभृद् दस्युहा भीम उग्रः सहस्रचेताः शतनीथ ऋभ्वा ।
 चम्रीषो न शर्वसा पाञ्चजन्यो मरुत्वान् नो भवत्विन्द्र ऊती १२
 तस्य वज्रः क्रन्दति स्मत् स्वर्षा दिवो न त्वेषो र्वथः शिमीवान् ।
 तं सचन्ते सनयस्तं धनानि मरुत्वान् नो भवत्विन्द्र ऊती १३
 यस्याजस्त्रं शर्वसा मानमुक्थं परिभुजद् रोदसी विश्वतः सीम् ।
 स पारिषत् क्रतुभिर्मन्दसानो मरुत्वान् नो भवत्विन्द्र ऊती १४
 न यस्य देवा देवता न मर्ता आपश्चन शर्वसो अन्तमापुः ।

स प्ररिक्वा त्वक्षसा क्षमो दिवश्च मरुत्वान् नो भवत्विन्द्र ऊती १५
 रोहिच्छयावा सुमदशुर्लामी द्युक्षा राय ऋजाश्वस्य ।
 वृषणवन्तं बिभ्रती धूर्षु रथं मन्द्रा चिकेत नाहुषीषु विक्षु १६
 एतत् त्यत् तं इन्द्र वृष्णा उक्थं वार्षागिरा अभि गृणन्ति राधः ।
 ऋजाश्वः प्रष्टिभिरम्बरीषः सहदैवो भयमानः सुराधाः १७
 दस्यूञ्छिर्म्युश्च पुरुहूत एवै हृत्वा पृथिव्यां शर्वा नि बर्हीत् ।
 सनत् क्षेत्रं सखिभिः श्वित्त्रयेभिः सनत् सूर्यं सनदपः सुवज्रः १८
 विश्वाहेन्द्रो अधिवृक्ता नो अस्त्वपरिहृताः सनुयाम् वाजम् ।
 तन्नो मित्रो वरुणो मामहन्ता मदितिः सिन्धुः पृथिवी उत द्यौः १९

(१०१) एकोत्तरशततमं सूक्तम्

(१-११) एकादशर्चस्यास्य सूक्तस्याङ्गिरसः कुत्स ऋषिः । इन्द्रो देवता । (१-
 ७) प्रथमादिसप्तर्चा जगती (८-११) अष्टम्यादिचतसृणाञ्च त्रिष्टुप् छन्दसी
 प्र मन्दिने पितुमदर्चता वचो यः कृष्णगर्भा निरहंवृजिश्चना ।
 अवस्यवो वृषणं वज्रदक्षिणं मरुत्वन्तं सख्याय हवामहे १
 यो व्यसं जाहषाणेन मन्युना यः शम्बरं यो अहन् पिप्रुमव्रतम् ।
 इन्द्रो यः शुष्णामशुषं न्यावृणइ मरुत्वन्तं सख्याय हवामहे २
 यस्य द्यावापृथिवी पौस्यं महद् यस्य वृते वरुणो यस्य सूर्यः ।
 यस्येन्द्रस्य सिन्धुवः सश्चति व्रतं मरुत्वन्तं सख्याय हवामहे ३
 यो अश्वानां यो गवां गोपतिर्वशी य आरितः कर्मणिकर्मणि स्थिरः ।
 वीळोश्चिदिन्द्रो यो असुन्वतो वधो मरुत्वन्तं सख्याय हवामहे ४
 यो विश्वस्य जगतः प्राणतस्पतिर्यो ब्रह्मणो प्रथमो गा अविन्दत् ।
 इन्द्रो यो दस्यूरंधरां अवातिरन् मरुत्वन्तं सख्याय हवामहे ५
 यः शूरैर्भिर्हव्यो यश्च भीरुभि र्यो धावद्भिर्हूयते यश्च जिग्युभिः ।
 इन्द्रं यं विश्वा भुवनाभि सदधु मरुत्वन्तं सख्याय हवामहे ६
 रुद्राणामेति प्रदिशा विचक्ष्णो रुद्रेभिर्योषां तनुते पृथु जयः ।
 इन्द्रं मनीषा अभ्यर्चति श्रुतं मरुत्वन्तं सख्याय हवामहे ७
 यद् वा मरुत्वः परमे सधस्थे यद् वावमे वृजनै मादयासे ।
 अत आ याह्यध्वरं नो अच्छा त्वाया हविश्चकृमा सत्यराधः ८
 त्वायेन्द्र सोमं सुषुमा सुदक्ष त्वाया हविश्चकृमा ब्रह्मवाहः ।

अधा नियुत्वः सर्गणो मरुद्भिर् रस्मिन् यज्ञे बर्हिषि मादयस्व ६
 मादयस्व हरिभिर्ये त इन्द्र विष्यस्व शिप्रे वि सृजस्व धेने ।
 आ त्वा सुशिप्र हरयो वहन्तु शन् हव्यानि प्रति नो जुषस्व १०
 मरुत्स्तोत्रस्य वृजनस्य गोपा वयमिन्द्रेण सनुयाम् वाजम् ।
 तन्नो मित्रो वरुणो मामहन्ता मर्दितिः सिन्धुः पृथिवी उत द्यौः ११

(१०२) द्व्युत्तरशततमं सूक्तम्

(१-११) एकादशर्चस्यास्य सूक्तस्याङ्गिरसः कुत्स ऋषिः । इन्द्रो देवता । (१-
 १०) प्रथमादिदशर्चा जगती (११) एकादश्याश्च त्रिष्टुप् छन्दसी
 इमां ते धियं प्र भरे महो मही मस्य स्तोत्रे धिषणा यत् ते आनुजे ।
 तमुत्सवे च प्रसवे च सासहि मिन्द्र देवासः शर्वसामदन्ननु १
 अस्य श्रवो नद्यः सप्त बिभ्रति द्यावाक्षामा पृथिवी दर्शतं वपुः ।
 अस्मे सूर्याचन्द्रमसाभिचक्षे श्रद्धे कर्मिन्द्र चरतो वितर्तुरम् २
 तं स्मा रथं मघवन् प्राव सातये जैत्रं यं तै अनुमदाम संगमे ।
 आजान इन्द्र मनसा पुरुष्टुत त्वायद्भ्यो मघवञ्छर्म यच्छ नः ३
 वयं जयेम त्वया युजा वृत मस्माकमंशमुदवा भरेभरे ।
 अस्मभ्यमिन्द्र वरिवः सुगं कृधि प्र शत्रूणां मघवन् वृषया रुज ४
 नाना हि त्वा हवमाना जना इमे धनानां धर्तवसा विपन्यवः ।
 अस्माकं स्मा रथमा तिष्ठ सातये जैत्रं हीन्द्र निभृतं मनस्तव ५
 गोजिता बाहू अमितक्रतुः सिमः कर्मन्कर्मञ्छतमूतिः खजंकरः ।
 अकल्प इन्द्रः प्रतिमानमोजसा था जना वि ह्वयन्ते सिषासवः ६
 उत तै शतान्मघवन्नुच्च भूर्यस उत सहस्राद् रिरिचे कृष्टिषु श्रवः ।
 अमात्रं त्वा धिषणा तित्विषे म ह्यधा वृत्राणि जिघ्रसे पुरंदर ७
 त्रिविष्टिधातु प्रतिमानमोजस स्तिस्त्रो भूर्मीर्नृपते त्रीणि रोचना ।
 अतीदं विश्वं भुवनं ववक्षिथा शत्रुरिन्द्र जनुषा सनादसि ८
 त्वां देवेषु प्रथमं हवामहे त्वं बभूथ पृतनासु सासहिः ।
 सेमं नः कारुमुपमन्युमुद्भिद् मिन्द्रः कृणोतु प्रसवे रथं पुरः ९
 त्वं जिगेथ न धना रुरोधिथा भैष्वाजा मघवन् महत्सु च ।
 त्वामुग्रमवसे सं शिशीम स्यथा न इन्द्र हवनेषु चोदय १०
 विश्वाहेन्द्रौ अधिवक्ता नो अस्त्वपरिहृताः सनुयाम् वाजम् ।

तन्नो मित्रो वरुणो मामहन्ता मर्दितिः सिन्धुः पृथिवी उत द्यौः ११

(१०३) त्र्युत्तरशततमं सूक्तम्

(१-८) अष्टर्चस्यास्य सूक्तस्याङ्गिरसः कुत्स ऋषिः । इन्द्रो देवता । त्रिष्टुप् छन्दः
तत् ते इन्द्रियं परमं पराचै रधारयन्त क्वयः पुरेदम् ।
क्षमेदमन्यद् दिव्यश्न्यदस्य समी पृच्यते समनेव केतुः १
स धारयत् पृथिवीं प्रथञ्च वज्रेण हत्वा निरपः संसर्ज ।
अहन्नहिमभिनद्रौहिणं व्यहन् व्यसं मघवा शचीभिः २
स जातूभर्मा श्रद्धधान् ओजः पुरो विभिन्दन्नचरद् वि दासीः ।
विद्वान् वज्रिन् दस्यवे हेतिमस्या ऽऽर्यं सहो वर्धया द्युममिन्द्र ३
तदूचुषे मानुषेमा युगानि कीर्तेन्यं मघवा नाम बिभ्रत् ।
उपप्रयन् दस्युहत्याय वज्री यद्ध सूनुः शर्वसे नाम दधे ४
तदस्येदं पश्यता भूरि पुष्टं श्रदिन्द्रस्य धत्तन वीर्याय ।
स गा अविन्दत् सो अविन्ददश्चान् त्स ओषधीः सो अपः स वनानि ५
भूरिकर्मणे वृषभाय वृष्णे सत्यशुष्माय सुनवाम् सोमम् ।
य आदृत्या परिपन्थीव शूरो ऽर्यज्वनो विभजन्नेति वेदः ६
तदिन्द्र प्रेव वीर्यं चकर्थ यत् ससन्तं वज्रेणाबोधयोऽहिम् ।
अनु त्वा पतीर्हषितं वर्यश्च विश्वे देवासो अमदन्ननु त्वा ७
शुष्णां पिपुं कुर्यवं वृत्रमिन्द्र यदावधीर्वि पुरः शम्बरस्य ।
तन्नो मित्रो वरुणो मामहन्ता मर्दितिः सिन्धुः पृथिवी उत द्यौः ८

(१०४) चतुरुत्तरशततमं सूक्तम्

(१-६) नवर्चस्यास्य सूक्तस्याङ्गिरसः कुत्स ऋषिः । इन्द्रो देवता । त्रिष्टुप् छन्दः
योनिष्ट इन्द्र निषदै अकारि तमा नि षीद स्वानो नार्वा ।
विमुच्या वयोऽवसायाश्चान् दोषा वस्तोर्वहीयसः प्रपित्वे १
ओ त्ये नर इन्द्रमूतये गु नू चित् तान् त्सद्यो अध्वनो जगम्यात् ।
देवासो मन्धुं दासस्य श्मन् ते न आ वक्षन् त्सुविताय वर्णम् २
अव त्मना भरते केतवेदा अव त्मना भरते फेनमुदन् ।
क्षीरेण स्नातः कुर्यवस्य योषे हते ते स्यातां प्रवणे शिफायाः ३

युयोप॒ नाभिरु॑परस्यायोः प्र॒ पूर्वाभि॑स्तिरते॒ राष्ट्रि॑ शूरः ।
 अ॒ञ्जसी॑ कुलि॒शी वी॒रप॑त्नी॒ पयौ॑ हिन्वा॒ना उ॒दभि॑र्भरन्ते ४
 प्रति॒ यत् स्या॑ नीथा॒दर्शि॑ दस्यो॒ रोको॑ नाच्छा॒ सदनं॑ जान॒ती गा॑त् ।
 अ॒र्ध॑ स्मा नो म॒घव॑ञ्च॒र्कृता॑दि॒न्मा नो॑ म॒घेव॑ निष्प॒पी परा॑ दाः ५
 स त्वं न॑ इन्द्र॒ सूर्ये॑ सो अ॒प्स्व॑ नागा॒स्त्व आ भ॑ज जीव॒शंसे॑ ।
 मान्तरां॑ भुज॒मा री॑रिषो नः श्रद्धि॒तं ते मह॑त इन्द्रि॒याय॑ ६
 अ॒र्धा मन्ये॑ श्रत् तै अ॒स्मा अ॒धायि॑ वृषा॒ चोद॑स्व मह॒ते धना॑य ।
 मा नो॑ अ॒कृते॑ पुरु॒हूत॑ योना॒ विन्द्र॒ क्षु॒र्ध्यद्भ्यो॑ वयं आ॒सुति॑ दाः ७
 मा नो॑ वधीरिन्द्र॒ मा परा॑ दा॒ मा नः॑ प्रि॒या भो॑र्जनानि॒ प्र मौ॑षीः ।
 आ॒ण्डा मा नो॑ म॒घव॑ञ्छक्र॒ निर्भे॑न्मा नः॒ पात्रा॑ भेत् स॒हजा॑नुषाणि ८
 अ॒र्वाडे॑हि॒ सोम॑कामं॒ त्वाहु॑ र॒यं सु॑तस्तस्य॒ पिब्रा॑ मदा॒य ।
 उ॒रु॒व्यचा॑ ज॒ठर॑ आ वृष॒स्व पि॒तेव॑ नः शृणुहि॒ हूय॑मानः ९

(१०५) पञ्चोत्तरशततमं सूक्तम्

(१-१६) एकोनविंशत्यृचस्यास्य सूक्तस्याप्तयस्त्रित आङ्गिरसः कुत्सो वा ऋषिः ।
 विश्वे देवा देवताः । (१-७, ६-१८) प्रथमादिसप्तर्चा नवम्यादिदशानाञ्च पङ्क्तिः
 (८) अष्टम्या यवमध्या महाबृहती (१६) एकोनविंश्याश्च त्रिष्टुप् छन्दांसि
 चन्द्रमा॑ अ॒प्स्वश्॑न्तरा सु॒पु॒र्णो धा॑वते दि॒वि ।
 न वो॑ हिर॒ण्यने॑मयः प॒दं वि॑न्दन्ति विद्युतो॒ वित्तं॑ मे॒ अस्य॑ रौदसी १
 अ॒र्थमि॑द् वा उ॑ अ॒र्थिन् आ॑ जा॒या यु॑वते॒ पति॑म् ।
 तु॒ञ्जाते॑ वृष॒ण्यं प॑यः परि॒दाय॑ रसं दुहे॒ वित्तं॑ मे॒ अस्य॑ रौदसी २
 मो षु॑ दे॒वा अ॒दः स्व॑श् रव॒ पादि॑ दि॒वस्परि॑ ।
 मा सो॒म्यस्य॑ शंभुवः॒ शूने॑ भूम॒ कदा॑ च॒न वित्तं॑ मे॒ अस्य॑ रौदसी ३
 य॒ज्ञं पृ॑च्छाम्यव॒मं स तद् दू॒तो वि॑ वौचति ।
 क्व॑ ऋ॒तं पू॒र्व्यं ग॒तं क॑स्तद् बि॒भर्ति॑ नू॒तनो॑ वित्तं॑ मे॒ अस्य॑ रौदसी ४
 अ॒मी ये॑ दे॒वा स्थ॑न॒ त्रि॒ष्वा रौ॑चने दि॒वः ।
 कद् व॑ ऋ॒तं क॑द॒नृतं॑ क्व॒ प्र॒त्वा व॒ आ॒हुति॑ वित्तं॑ मे॒ अस्य॑ रौदसी ५
 कद् व॑ ऋ॒तस्य॑ ध॒र्णासि॑ कद् वरु॒णस्य॑ चक्ष॒णम् ।
 क॒दर्य॑म्णो म॒हस्प॑था॒ ति॑ क्रामे॒म दू॒ढ्यौ वित्तं॑ मे॒ अस्य॑ रौदसी ६
 अ॒हं सो॑ अ॒स्मि॒ यः पु॒रा सु॑ते॒ वदा॑मि॒ कानि॑ चित् ।

तं मा व्यन्त्याध्योऽं वृको न तृष्णर्जं मृगं वित्तं मे अस्य रौदसी ७
सं मा तपन्त्यभितः सपत्नीरिव पशवः ।
मूषो न शिशना व्यदन्ति माध्यः स्तोतारं ते शतक्रतो वित्तं मे अस्य रौदसी
८
अमी ये सप्त रश्मयस्तत्रां मे नाभिरातता ।
त्रितस्तद् वेदाप्तयः स जामित्वाय रेभति वित्तं मे अस्य रौदसी ९
अमी ये पञ्चोक्षणो मध्ये तस्थुर्महो दिवः ।
देवत्रा नु प्रवाच्यं सधीचीना नि वावृतु वित्तं मे अस्य रौदसी १०
सुपर्णा एत आसते मध्यं आरोधने दिवः ।
ते सैधन्ति पथो वृकं तरन्तं यद्दतीरपो वित्तं मे अस्य रौदसी ११
नव्यं तदुक्थ्यं हितं देवासः सुप्रवाचनम् ।
ऋतमर्षन्ति सिन्धवः सत्यं तातान् सूर्यो वित्तं मे अस्य रौदसी १२
अग्ने तव त्यदुक्थ्यं देवेष्वस्त्याप्यम् ।
स नः सत्तो मनुष्वदा देवान् यद्वि विदुष्टरो वित्तं मे अस्य रौदसी १३
सत्तो होता मनुष्वदा देवाँ अच्छा विदुष्टरः ।
अग्निर्हव्या सुषूदति देवो देवेषु मेधिरो वित्तं मे अस्य रौदसी १४
ब्रह्मा कृणोति वरुणो गातुविदं तमीमहे ।
व्यूर्णोति हृदा मतिं नव्यो जायतामृतं वित्तं मे अस्य रौदसी १५
असौ यः पन्था आदित्यो दिवि प्रवाच्यं कृतः ।
न स देवा अतिक्रमे तं मर्तासो न पश्यथ वित्तं मे अस्य रौदसी १६
त्रितः कूपेऽवहितो देवान् हवत ऊतये ।
तच्छुश्राव बृहस्पतिः कृणवन्नूरणादुरु वित्तं मे अस्य रौदसी १७
अरुणो मा सकृद् वृकः पथा यन्तं ददर्श हि ।
उज्जिहीते निचाय्या तष्टैव पृष्ट्यामयी वित्तं मे अस्य रौदसी १८
एनाङ्घ्रिषेण वयमिन्द्रवन्तो ऽभि ष्याम वृजने सर्ववीराः ।
तन्नो मित्रो वरुणो मामहन्ता मदितिः सिन्धुः पृथिवी उत द्यौः १९

(१०६) षडुत्तरशततमं सूक्तम्

(१-७) सप्तर्चस्यास्य सूक्तस्याङ्गिरसः कुत्स ऋषिः । विश्वे देवा देवताः । (१-
६) प्रथमादिषडृचां जगती (७) सप्तम्याश्च त्रिष्टुप् छन्दसी

इन्द्रं मित्रं वरुणमग्निमूतये मारुतं शर्धो अदितिं हवामहे ।
 रथं न दुर्गाद् वसवः सुदानवो विश्वस्मान्नो अंहसो निष्पिपर्तन १
 त आदित्या आ गता सर्वतातये भूत देवा वृत्रतूर्येषु शंभुवः ।
 रथं न दुर्गाद् वसवः सुदानवो विश्वस्मान्नो अंहसो निष्पिपर्तन २
 अर्वन्तु नः पितरः सुप्रवाचना उत देवी देवपुत्रे ऋतावृधा ।
 रथं न दुर्गाद् वसवः सुदानवो विश्वस्मान्नो अंहसो निष्पिपर्तन ३
 नराशंसं वाजिनं वाजयन्निह क्षयद्वीरं पूषणं सुमैरीमहे ।
 रथं न दुर्गाद् वसवः सुदानवो विश्वस्मान्नो अंहसो निष्पिपर्तन ४
 बृहस्पते सदमिन्नः सुगं कृधि शं योर्यत् ते मनुर्हितं तदीमहे ।
 रथं न दुर्गाद् वसवः सुदानवो विश्वस्मान्नो अंहसो निष्पिपर्तन ५
 इन्द्रं कुत्सो वृत्रहणं शचीपतिं काटे निर्बाहळ ऋषिरह्वदूतये ।
 रथं न दुर्गाद् वसवः सुदानवो विश्वस्मान्नो अंहसो निष्पिपर्तन ६
 देवैर्नो देव्यदितिर्नि पातु देवस्त्राता त्रायतामप्रयुच्छन् ।
 तन्नो मित्रो वरुणो मामहन्ता मदितिः सिन्धुः पृथिवी उत द्यौः ७

(१०७) समोत्तरशततमं सूक्तम्

(१-३) तृचस्यास्य सूक्तस्याङ्गिरसः कुत्स ऋषिः । विश्वे देवा देवताः ।

त्रिष्टुप् छन्दः

यज्ञो देवानां प्रत्येति सुम्न मादित्यासो भवता मृळयन्तः ।
 आ वो ऽर्वाचीं सुमतिर्ववृत्या दंहोश्चिद्या वरिवोवित्तरासत् १
 उप नो देवा अवसा गम् न्वङ्गिरसां सामभिः स्तूयमानाः ।
 इन्द्रं इन्द्रियैर्मरुतो मरुद्भि रादित्यैर्नो अदितिः शर्म यंसत् २
 तन्न इन्द्रस्तद् वरुणस्तदग्नि स्तदर्यमा तत् सविता चनो धात् ।
 तन्नो मित्रो वरुणो मामहन्ता मदितिः सिन्धुः पृथिवी उत द्यौः ३

(१०८) अष्टोत्तरशततमं सूक्तम्

(१-१३) त्रयोदशर्चस्यास्य सूक्तस्याङ्गिरसः कुत्स ऋषिः । इन्द्राग्नी देवते ।

त्रिष्टुप् छन्दः

य इन्द्राग्नी चित्रतमो रथो वा मभि विश्वानि भुवनानि चष्टे ।

तेना यातं सरथं तस्थिवांसा था सोमस्य पिबतं सुतस्य १
यावदिदं भुवनं विश्वमस्त्युरुव्यचा वरिमता गर्भीरम् ।
तावाँ अयं पातवे सोमो अस्त्वरमिन्द्राग्नी मनसे युवभ्याम् २
चक्राथे हि सध्वयश्ङनाम भद्रं संधीचीना वृत्रहणा उत स्थः ।
ताविन्द्राग्नी सध्वयश्चा निषद्या वृष्णाः सोमस्य वृष्णा वृषेथाम् ३
समिद्धेष्वग्निष्वानजाना यतस्त्रुचा बृहिरु तिस्तिराणा ।
तीव्रैः सोमैः परिषिक्तेभिरवा गेन्द्राग्नी सौमनसाय यातम् ४
यानीन्द्राग्नी चक्रथुर्वीर्याणि यानि रूपाण्युत वृष्णयानि ।
या वाँ प्रत्नानि सख्या शिवानि तेभिः सोमस्य पिबतं सुतस्य ५
यदब्रवं प्रथमं वाँ वृष्णानोऽयं सोमो असुरैर्नो विहव्यः ।
तां सत्यां श्रद्धामभ्या हि यात मथा सोमस्य पिबतं सुतस्य ६
यदिन्द्राग्नी मदथः स्वे दुरोणे यद् ब्रह्मणि राजनि वा यजत्रा ।
अतः परि वृष्णावा हि यात मथा सोमस्य पिबतं सुतस्य ७
यदिन्द्राग्नी यदुषु तुर्वशेषु यद् द्रुह्युष्वनुषु पूरुषु स्थः ।
अतः परि वृष्णावा हि यात मथा सोमस्य पिबतं सुतस्य ८
यदिन्द्राग्नी अवमस्यां पृथिव्यां मध्यमस्यां परमस्यामुत स्थः ।
अतः परि वृष्णावा हि यात मथा सोमस्य पिबतं सुतस्य ९
यदिन्द्राग्नी परमस्यां पृथिव्यां मध्यमस्यामवमस्यामुत स्थः ।
अतः परि वृष्णावा हि यात मथा सोमस्य पिबतं सुतस्य १०
यदिन्द्राग्नी दिवि षो यत् पृथिव्यां यत् पर्वतेष्वोषधीष्वप्सु ।
अतः परि वृष्णावा हि यात मथा सोमस्य पिबतं सुतस्य ११
यदिन्द्राग्नी उदिता सूर्यस्य मध्ये दिवः स्वधया मादयेथे ।
अतः परि वृष्णावा हि यात मथा सोमस्य पिबतं सुतस्य १२
एवेन्द्राग्नी पपिवांसा सुतस्य विश्वास्मभ्यं सं जयतं धनानि ।
तन्नो मित्रो वरुणो मामहन्ता मदितिः सिन्धुः पृथिवी उत द्यौः १३

(१०६) नवोत्तरशततमं सूक्तम्

(१-८) अष्टार्चस्यास्य सूक्तस्याङ्गिरसः कुत्स ऋषिः । इन्द्राग्नी देवते ।

त्रिष्टुप् छन्दः

वि ह्यख्यं मनसा वस्य इच्छन्दिन्द्राग्नी ज्ञास उत वाँ सजातान् ।

नान्या युवत् प्रमतिरस्ति मह्यं स वां धिर्यं वाजयन्तीमतक्षम् १
 अश्रवं हि भूरिदावत्तरा वां विजांमातुरुत वां घा स्यालात् ।
 अथा सोमस्य प्रयती युवभ्या मिन्द्राग्नी स्तोमं जनयामि नव्यम् २
 मा च्छेद्य रश्मीरिति नाधमानाः पितृचफढृणां शक्तीरनुयच्छमानाः ।
 इन्द्राग्निभ्यां कं वृषणो मदन्ति ता ह्यद्रीं धिषणाया उपस्थे ३
 युवाभ्यां देवी धिषणा मदायेन्द्राग्नी सोममुशती सुनोति ।
 तावश्विना भद्रहस्ता सुपाणी आ धावतं मधुना पृइक्तमप्सु ४
 युवामिन्द्राग्नी वसुनो विभागे तवस्तमा शुश्रव वृत्रहत्ये ।
 तावासद्या बर्हिषि यज्ञे अस्मिन् प्र चर्षणी मादयेथां सुतस्य ५
 प्र चर्षणिभ्यः पृतनाहवेषु प्र पृथिव्या रिरिचाथे दिवश्च ।
 प्र सिन्धुभ्यः प्र गिरिभ्यो महित्वा प्रेन्द्राग्नी विश्वा भुवनात्यन्या ६
 आ भरतं शिक्तं वज्रबाहू अस्माँ इन्द्राग्नी अवतं शचीभिः ।
 इमे नु ते रश्मयः सूर्यस्य येभिः सपित्वं इंपतरौ न आसन् ७
 पुरंदरा शिक्तं वज्रहस्ता स्माँ इन्द्राग्नी अवतं भरेषु ।
 तन्नो मित्रो वरुणो मामहन्ता मदितिः सिन्धुः पृथिवी उत द्यौः ८

(११०) दशोत्तरशततमं सूक्तम्

(१-६) नवर्चस्यास्य सूक्तस्याङ्गिरसः कुत्स ऋषिः । ऋभवो देवताः । (१-४,
 ६-८) प्रथमादिचतुर्भृचां षष्ठ्यादितृचस्य च जगती
 (५, ६) पञ्चमीनवम्योश्च त्रिष्टुप् छन्दसी

ततं मे अपस्तदुं तायते पुनः स्वादिष्टा धीतिरुचथाय शस्यते ।
 अयं समुद्र इह विश्वदैव्यः स्वाहाकृतस्य समु तृप्णुत ऋभवः १
 आभोगयं प्र यदिच्छन्त ऐतना पाकाः प्राञ्चो मम के चिदापयः ।
 सौधन्वनासश्चरितस्य भूमना गच्छत सवितुर्दाशुषो गृहम् २
 तत् सविता वोऽमृतत्वमासुव दगौह्यं यच्छृचफढृवयेन्त ऐतन ।
 त्यं चिञ्चमसमसुरस्य भक्ष्ण मेकं सन्तमकृणुता चतुर्वयम् ३
 विष्टी शमी तरणित्वेन वाघतो मर्तासः सन्तो अमृतत्वमानशः ।
 सौधन्वना ऋभवः सूरचक्षसः संवत्सरे समपृच्यन्त धीतिभिः ४
 क्षेत्रमिव वि ममुस्तेर्जनेन एकं पात्रमृभवो जेहमानम् ।
 उपस्तुता उपमं नाधमाना अमर्त्येषु श्रव इच्छमानाः ५

आ मनीषामन्तरिक्षस्य नृभ्यः स्रुचेव घृतं जुहवाम विघना ।
 तरणित्वा ये पितुरस्य सश्चिर ऋभवो वाजमरुहन् दिवो रजः ६
 ऋभुर्न इन्द्रः शर्वसा नवीया नृभुर्वाजैर्भिर्वसुभिर्वसुर्ददिः ।
 युष्मार्कं देवा अवसाहनि प्रियेऽभि तिष्ठेम पृत्सुतीरसुन्वताम् ७
 निश्चर्मण ऋभवो गामपिंशत् सं वत्सेनासृजता मातरं पुनः ।
 सौधन्वनासः स्वपस्यया नरो जिब्री युवाना पितराकृणोतन ८
 वाजैभिर्नो वाजसातावविह्वृभुमाँ इन्द्र चित्रमादर्षि राधः ।
 तन्नो मित्रो वरुणो मामहन्ता मर्दितिः सिन्धुः पृथिवी उत द्यौः ९

(१११) एकादशोत्तरशततमं सूक्तम्

(१-५) पञ्चर्चस्यास्य सूक्तस्याङ्गिरसः कुत्स ऋषिः । ऋभवो देवताः । (१-४)
 प्रथमादिचतुर्ऋचां जगती (५) पञ्चम्याश्च त्रिष्टुप् छन्दसी
 तन्नन् रथं सुवृत्तं विघनापस स्तन्नन् हरी इन्द्रवाहा वृषणवसू ।
 तन्नन् पितृभ्यामृभवो युवद् वय स्तन्नन् वत्साय मातरं सचाभुवम् १
 आ नो यज्ञाय तन्नत ऋभुमद्वयः क्रत्वे दक्षाय सुप्रजावतीमिषम् ।
 यथा क्षयाम् सर्ववीरया विशा तन्नः शर्धाय धासथा स्विन्द्रियम् २
 आ तन्नत सातिमस्मभ्यमृभवः सातिं रथाय सातिमर्वते नरः ।
 सातिं नो जैत्रीं सं महेत विश्वहा जामिमजामिं पृतनासु सन्नशिम् ३
 ऋभुक्षणमिन्द्रमा हुव ऊतय ऋभून् वाजान् मरुतः सोमपीतये ।
 उभा मित्रावरुणा नूनमश्विना ते नो हिन्वन्तु सातये धिये जिषे ४
 ऋभुर्भराय सं शिशातु सातिं समर्यजिद्वाजौ अस्माँ अविष्टु ।
 तन्नो मित्रो वरुणो मामहन्ता मर्दितिः सिन्धुः पृथिवी उत द्यौः ५

(११२) द्वादशोत्तरशततमं सूक्तम्

(१-२५) पञ्चविंशत्यृचस्यास्य सूक्तस्याङ्गिरसः कुत्स ऋषिः । (१) प्रथमर्चः
 प्रथमपादस्य द्यावापृथिव्यौ द्वितीयपादस्याग्निरुत्तरार्धस्य (२-२५) द्वितीयादिच-
 तुर्विंशतीनाञ्चाश्विनौ देवताः । (१-२३) प्रथमादित्रयोविंशतीनां जगती (२४-२५)
 चतुर्विंशीपञ्चविंशोश्च त्रिष्टुप् छन्दसी
 १ उत्तरार्धस्य अश्विनौ २-२५ अश्विनौ । जगती २४-२५ त्रिष्टुप् ।
 ईळे द्यावापृथिवी पूर्वर्चित्तये ऽग्निं घृर्म सुरुचं यामन्निष्टयै ।

याभिर्भरै कारमंशाय जिन्वथ स्ताभिरू षु ऊतिभिरश्विना गतम् १
 युवोर्दानाय सुभरा असश्चतो रथमा तस्थुर्वचसं न मन्तवे ।
 याभिर्धियोऽर्वथः कर्मन्निष्टये ताभिरू षु ऊतिभिरश्विना गतम् २
 युवं तासां दिव्यस्य प्रशासने विशां क्षयथो अमृतस्य मृज्मना ।
 याभिर्धेनुमस्वंश्इंपन्वथो नरा ताभिरू षु ऊतिभिरश्विना गतम् ३
 याभिः परिज्मा तनयस्य मृज्मना द्विमाता तूर्षु तरणिर्विभूषति ।
 याभिस्त्रिमन्तुरभवद् विचक्षण स्ताभिरू षु ऊतिभिरश्विना गतम् ४
 याभी रेभं निवृतं सितमद्भ्य उद् वन्दनमैरयतं स्वर्दृशे ।
 याभिः कण्वं प्र सिषासन्तमावतं ताभिरू षु ऊतिभिरश्विना गतम् ५
 याभिरन्तकं जसमानमारणे भुज्युं याभिरव्यथिभिर्जिन्वथुः ।
 याभिः कर्कन्धु वर्य्यं च जिन्वथ स्ताभिरू षु ऊतिभिरश्विना गतम् ६
 याभिः शुचन्तिं धनसां सुषंसदं तप्तं घर्ममोम्यावन्तमत्रये ।
 याभिः पृश्निगुं पुरुकुत्समावतं ताभिरू षु ऊतिभिरश्विना गतम् ७
 याभिः शचीभिर्वृषणा परावृजं प्रान्धं श्रोणं चक्षस एतवे कृथः ।
 याभिर्वर्तिकां ग्रसिताममुञ्चतं ताभिरू षु ऊतिभिरश्विना गतम् ८
 याभिः सिन्धुं मधुमन्तमसश्चतं वसिष्ठं याभिरजरावजिन्वतम् ।
 याभिः कुत्सं श्रुतर्यं नर्यमावतं ताभिरू षु ऊतिभिरश्विना गतम् ९
 याभिर्विशपलां धनसामथर्व्यं सहस्रमीहळ आजावजिन्वतम् ।
 याभिर्वशमश्वचं प्रेणिमावतं ताभिरू षु ऊतिभिरश्विना गतम् १०
 याभिः सुदानू औशिजाय वृणिजे दीर्घश्रवसे मधु कोशो अक्षरत् ।
 कक्षीवन्तं स्तोतारं याभिरावतं ताभिरू षु ऊतिभिरश्विना गतम् ११
 याभी रसां क्षोदसोद्गः पिपिन्वथु रनश्वं याभी रथमावतं जिषे ।
 याभिस्त्रिशोकं उस्त्रिया उदाजत ताभिरू षु ऊतिभिरश्विना गतम् १२
 याभिः सूर्यं परियाथः परावति मन्धातारं क्षैत्रपत्येष्वावतम् ।
 याभिर्विप्रं प्र भरद्वाजमावतं ताभिरू षु ऊतिभिरश्विना गतम् १३
 याभिर्महामतिथिग्वं कशोजुवं दिवोदासं शम्बरहत्य आवतम् ।
 याभिः पूर्भिद्यै त्रसदस्युमावतं ताभिरू षु ऊतिभिरश्विना गतम् १४
 याभिर्वमं विपिपानमुपस्तुतं कलिं याभिर्वित्तजानिं दुवस्यथः ।
 याभिव्यश्वमुत पृथिमावतं ताभिरू षु ऊतिभिरश्विना गतम् १५
 याभिर्नरा शयवे याभिरत्रये याभिः पुरा मनवे गातुमीषथुः ।

याभिः शारीराजतं स्यूमरश्मये ताभिरू षु ऊतिभिरश्विना गतम् १६
याभिः पठर्वा जठरस्य मज्मना गिर्नादीदेच्चित इद्धो अज्मन्ना ।
याभिः शर्यातमवथो महाधने ताभिरू षु ऊतिभिरश्विना गतम् १७
याभिरङ्गिरो मनसा निरगयथो ऽग्रं गच्छथो विवरे गोअर्णसः ।
याभिर्मनुं शूरमिषा समावतं ताभिरू षु ऊतिभिरश्विना गतम् १८
याभिः पत्नीर्विमदाय न्यूहथु रा घं वा याभिररुणीरशिक्षतम् ।
याभिः सुदास ऊहथुः सुदेव्यं ताभिरू षु ऊतिभिरश्विना गतम् १९
याभिः शंताती भवथो ददाशुषै भुज्युं याभिरवथो याभिरधिगुम् ।
ओम्यावतीं सुभरामृतस्तुभं ताभिरू षु ऊतिभिरश्विना गतम् २०
याभिः कृशानुमसने दुवस्यथो जवे याभिर्यनो अर्वन्तमावतम् ।
मधु प्रियं भरथो यत् सरड्भ्यस्ताभिरू षु ऊतिभिरश्विना गतम् २१
याभिर्नरं गोषुयुधं नृषाह्ये क्षेत्रस्य साता तनयस्य जिन्वथः ।
याभी रथाँ अर्वथो याभिरवतस्ताभिरू षु ऊतिभिरश्विना गतम् २२
याभिः कुत्समार्जुनेयं शतक्रतू प्र तुर्वीतिं प्र च दभीतिमावतम् ।
याभिर्ध्वसन्ति पुरुषन्तिमावतं ताभिरू षु ऊतिभिरश्विना गतम् २३
अप्रस्वतीमश्विना वाचमस्मे कृतं नो दस्त्रा वृषणा मनीषाम् ।
अद्यत्येऽवसे नि ह्वये वां वृधे च नो भवतं वाजसातौ २४
द्युभिरक्तुभिः परि पातमस्मा नरिष्टेभिरश्विना सौभगेभिः ।
तन्नो मित्रो वरुणो मामहन्ता मदितिः सिन्धुः पृथिवी उत द्यौः २५

अष्टमोऽध्यायः १८

व० १-२६

(११३) त्रयोदशोत्तरशततमं सूक्तम्

(१-२०) विंशत्यचस्यास्य सूक्तस्याङ्गिरसः कुत्स ऋषिः । (१, २-२०) प्रथमर्चः
पूर्वार्धस्य द्वितीयाद्येकोनविंशतीनाञ्च उषाः (१) प्रथमाया उत्तरार्धस्य च रात्रिर्देवते

। त्रिष्टुप् छन्दः

इदं श्रेष्ठं ज्योतिषां ज्योतिरागां चित्रः प्रक्रेतो अजनिष्ट विभ्वा ।
यथा प्रसूता सवितुः सवार्यँ एवा रात्र्युषसे योनिमारैक् १
रुशद्वत्सा रुशती श्वेत्यागा दारैगु कृष्णा सदनान्यस्याः ।
समानबन्धू अमृतै अनुची द्यावा वर्णं चरत आमिनाने २

समानो अध्वा स्वस्त्रौरन्त स्तमन्यान्या चरतो देवशिष्टे ।
न मैथेते न तस्थतुः सुमेके नक्तोषासा समनसा विरूपे ३
भास्वती नेत्री सूनृताना मर्चेति चित्रा वि दुरौ न आवः ।
प्रार्प्या जगद्व्यु नो रायो अख्य दुषा अजीगर्भुवनानि विश्वा ४
जिह्वशये चरितवे मघो न्याभोगय इष्टये राय उ त्वम् ।
दध्रं पश्यद्भ्य उर्विया विचक्ष उषा अजीगर्भुवनानि विश्वा ५
क्षत्राय त्वं श्रवसे त्वं महीया इष्टये त्वमर्थमिव त्वमित्यै ।
विसदृशा जीविताभिप्रचक्ष उषा अजीगर्भुवनानि विश्वा ६
एषा दिवो दुहिता प्रत्यदर्शि व्युच्छन्ती युवतिः शक्रवासाः ।
विश्वस्येशाना पार्थिवस्य वस्व उषो अद्येह सुभगे व्युच्छ ७
परायतीनामन्वेति पार्थ आयतीनां प्रथमा शश्वतीनाम् ।
व्युच्छन्ती जीवमुदीरयन्त्युषा मृतं कं चन बोधयन्ती ८
उषो यदग्निं समिधै चकर्थ वि यदावश्चक्षसा सूर्यस्य ।
यन्मानुषान् यद्यमाणां अजीग स्तद् देवेषु चकृषे भद्रमप्रः ९
कियात्या यत् समया भवाति या व्युषुर्याश्च नूनं व्युच्छान् ।
अनु पूर्वाः कृपते वावशाना प्रदीर्घ्याना जोषमन्याभिरिति १०
ईयुष्टे ये पूर्वतरामपश्यन् व्युच्छन्तीमुषसं मर्त्यासः ।
अस्माभिरू नु प्रतिचक्ष्याभूदो ते येन्ति ये अपरीषु पश्यान् ११
यावयद् द्वेषा ऋतपा ऋतेजाः सुम्नावरी सूनृता ईरयन्ती ।
सुमुङ्गलीर्बिभ्रती देववीति मिहाद्योषः श्रेष्ठतमा व्युच्छ १२
शश्वत् पुरोषा व्युवास देव्यथो अद्येदं व्यावो मघोनी ।
अथो व्युच्छादुत्तरां अनु द्यू नजरामृता चरति स्वधाभिः १३
व्यश्ञ्जिभिर्दिव आतास्वद्यौ दप कृष्णां निर्णिजं देव्यावः ।
प्रबोधयन्त्यरुणेभिरश्चै रोषा याति सुयुजा रथेन १४
आवहन्ती पोष्या वार्याणि चित्रं केतुं कृणुते चेकिताना ।
ईयुषीणामुपमा शश्वतीनां विभातीनां प्रथमोषा व्यश्चैत् १५
उदीर्ध्वं जीवो असुर्न आगा दप प्रागात् तम् आ ज्योतिरिति ।
आरैक पन्थां यातवे सूर्याया गन्म यत्र प्रतिरन्त आयुः १६
स्यूमना वाच उदियति वह्निः स्तवानो रेभ उषसो विभातीः ।
अद्या तदुच्छ गृणते मघो न्यस्मे आयुर्नि दिदीहि प्रजावत् १७

या गोमतीरुषसः सर्ववीरा व्युच्छन्ति दाशुषे मर्त्याय ।
वायोरिव सूनृतानामुदके ता अश्वदा अश्ववत् सोमसुत्वा १८
माता देवानामदितेरनीकं यज्ञस्य केतुर्बृहती वि भाहि ।
प्रशस्तिकृद् ब्रह्मणे नो व्युच्छा नो जनै जनय विश्ववारे १९
यच्चित्रमप्र उषसो वहन्ती जानाय शशमानाय भद्रम् ।
तन्नो मित्रो वरुणो मामहन्ता मदितिः सिन्धुः पृथिवी उत द्यौः २०

(११४) चतुर्दशोत्तरशततमं सूक्तम्

(१-११) एकादशर्चस्यास्य सूक्तस्याङ्गिरसः कुत्स ऋषिः । रुद्रो देवता । (१-६)

प्रथमादिनवर्चा जगती (१०-११) दशम्येकादशयोश्च त्रिष्टुप् छन्दसी

इमा रुद्राय तवसे कपर्दिने ज्ञयद्वीराय प्र भरामहे मृतीः ।
यथा शमस् द्विपदे चतुष्पदे विश्वं पुष्टं ग्रामे अस्मिन्ननातुरम् १
मृळा नो रुद्रोत नो मर्यस्कृधि ज्ञयद्वीराय नमसा विधेम ते ।
यच्छं च योश्च मनुराये जे पिता तदश्याम् तव रुद्र प्रणीतिषु २
अश्याम ते सुमतिं देवयज्यया ज्ञयद्वीरस्य तव रुद्र मीद्वः ।
सुम्रायन्निद् विशो अस्माकमा चरा रिष्टवीरा जुहवाम ते हविः ३
त्वेषं वयं रुद्रं यज्ञसाधं वड्कं कविमवसे नि ह्वयामहे ।
आरे अस्मद् दैव्यं हेळो अस्यतु सुमतिमिद् वयमस्या वृणीमहे ४
दिवो वराहमरुषं कपर्दिनं त्वेषं रूपं नमसा नि ह्वयामहे ।
हस्ते बिभ्रद् भेषजा वार्याणि शर्म वर्म चूर्दिरस्मभ्यं यंसत् ५
इदं इंपत्रे मरुतामुच्यते वचः स्वादोः स्वादीयो रुद्राय वर्धनम् ।
रास्वा च नो अमृत मर्तभोजनं त्मने तोकाय तनयाय मृळ ६
मा नो महान्तमुत मा नो अर्भकं मा न उक्षन्तमुत मा न उक्षितम् ।
मा नो वधीः पितरं मोत मातरं मा नः प्रियास्तन्वो रुद्र रीरिषः ७
मा नस्तोके तनये मा न आयौ मा नो गोषु मा नो अश्वेषु रीरिषः ।
वीरान् मा नो रुद्र भामितो वधी हविष्मन्तः सदमित्वा हवामहे ८
उप ते स्तोमान् पशपा इवाकरं रास्वा पितर्मरुतां सुम्रमस्मे ।
भद्रा हि ते सुमतिमृळयत्तमा था वयमव इत् ते वृणीमहे ९
आरे ते गोघ्नमुत पूरुषघ्नं ज्ञयद्वीर सुम्रमस्मे ते अस्तु ।
मृळा च नो अधि च ब्रूहि देवा धा च नः शर्म यच्छ द्विबर्हाः १०

अवोचाम् नमो अस्मा अवस्यवः शृणोतु नो हव रुद्रो मरुत्वान् ।
तन्नो मित्रो वरुणो मामहन्ता मर्दितिः सिन्धुः पृथिवी उत द्यौः ११

(११५) पञ्चदशोत्तरशततमं सूक्तम्

(१-६) षडृचस्यास्य सूक्तस्याङ्गिरसः कुत्स ऋषिः । सूर्यो देवता । त्रिष्टुप् छन्दः
चित्रं देवानामुदगादनीकं चक्षुर्मित्रस्य वरुणस्याग्नेः ।
आप्रा द्यावापृथिवी अन्तरिक्षं सूर्य आत्मा जगतस्तस्थुषश्च १
सूर्यो देवीमुषसं रोचमानां मर्यो न योषामभ्येति पश्चात् ।
यत्रा नरो देवयन्तौ युगानि वितन्वते प्रति भद्राय भद्रम् २
भद्रा अश्वा हरितः सूर्यस्य चित्रा एतग्वा अनुमाद्यासः ।
नमस्यन्तौ दिव आ पृष्ठमस्थुः परि द्यावापृथिवी यन्ति सद्यः ३
तत्सूर्यस्य देवत्वं तन्महित्वं मध्या कर्तोर्विततं सं जभार ।
यदेदयुक्त हरितः सधस्था दाद्रात्री वासस्तनुते सिमस्मै ४
तन्मित्रस्य वरुणस्याभिचक्षे सूर्यो रूपं कृणुते द्योरुपस्थै ।
अनन्तमन्यद् रुशदस्य पाजः कृष्णमन्यद्धरितः सं भरन्ति ५
अद्या देवा उदिता सूर्यस्य निरंहसः पिपृता निरवृद्यात् ।
तन्नो मित्रो वरुणो मामहन्ता मर्दितिः सिन्धुः पृथिवी उत द्यौः ६

(११६) षोडशोत्तरशततमं सूक्तम्

(१-२५) पञ्चविंशत्यृचस्यास्य सूक्तस्यौशिजो दैर्घतमसः कक्षीवान् ऋषिः ।

अश्विनौ देवते । त्रिष्टुप् छन्दः

नासत्याभ्यां बर्हिरिव प्र वृञ्जे स्तोमाँ इयम्यभ्रियैव वातः ।
यावर्भगाय विमुदाय जायां सेनाजुवा न्यूहतू रथेन १
वीळपत्मभिराशहेमभिर्वा देवानाँ वा जूतिभिः शाशदाना ।
तद् रासभो नासत्या सहस्रं माजा यमस्य प्रधने जिगाय २
तुगौ ह भुज्युमश्विनोदमेघे रयिं न कश्चिन्ममृवाँ अवाहाः ।
तमूहथुनोँभिरात्मन्वतीभि रन्तरिक्षप्रुद्धिरपोदकाभिः ३
तिस्रः क्षपस्त्रिरहातिव्रजद्धि नासत्या भुज्युमूहथुः पतङ्गैः ।
समुद्रस्य धन्वन्नार्द्रस्य पारे त्रिभी रथैः शतपद्धिः षळश्वैः ४
अनारम्भणे तदवीरयेथा मनास्थाने अग्रभणे समुद्रे ।

यदश्विना ऊहथुर्भुज्युमस्तं शतारित्रां नावमातस्थिवांसम् ५
 यमश्विना द्दुदथुः श्वेतमश्वं मघाश्वायु शश्वदित् स्वस्ति ।
 तद् वा दात्रं महिं कीर्तेन्यं भूत् पैद्वो वाजी सदमिद्धव्यौ अर्यः ६
 युवं नरा स्तुवते पञ्जियाय कञ्जीवते अरदत्तं पुरंधिम् ।
 कारोतराच्छुफादश्वस्य वृष्णाः शतं कुम्भाँ असिञ्चतं सुरायाः ७
 हिमेनाग्निं घंसमवारयेथां इंपतुमतीमूर्जमस्मा अधत्तम् ।
 ऋबीसे अत्रिमश्विनावनीत् मुन्निन्यथुः सर्वगणं स्वस्ति ८
 परावृतं नासत्यानुदेथा मुच्चाबुधं चक्रथुर्जिह्वारम् ।
 क्षरन्नापो न पायनाय राये सहस्राय तृष्यते गोतमस्य ९
 जुजुरुषो नासत्योत वृत्रिं प्रामुञ्चतं द्रापिमिव च्यवानात् ।
 प्रातिरतं जहितस्यार्युर्दस्त्रा दित् पतिमकृणुतं कनीनाम् १०
 तद् वा नरा शंस्यं राध्यं चा भिष्टिमन्नासत्या वरूथम् ।
 यद् विद्वांसां निधिमिवापगूहळ मुद् दर्शतादूपथुर्वन्दनाय ११
 तद्वा नरा सनये दंसं उग्र माविष्कृणोमि तन्यतुर्न वृष्टिम् ।
 दध्यङ् ह यन्मध्वाथर्वणो वा मश्वस्य शीष्णां प्र यदीमुवाच १२
 अजौहवीन्नासत्या करा वां महे यामन् पुरुभुजा पुरंधिः ।
 श्रुतं तच्छासुरिव वधिमत्या हिरण्यहस्तमश्विनावदत्तम् १३
 आस्रो वृकस्य वर्तिकामभीकै युवं नरा नासत्यामुमुक्तम् ।
 उतो क्विं पुरुभुजा युवं ह कृपमाणमकृणुतं विचक्षै १४
 चरित्रं हि वेरिवाच्छेदि पर्णा माजा खेलस्य परितक्म्यायाम् ।
 सद्यो जङ्घामार्यसीं विश्पलायै धनै हिते सर्तवे प्रत्यधत्तम् १५
 शतं मेषान् वृक्यै चक्षदान मृजाश्वं तं इंपतान्धं चकार ।
 तस्मा अक्षी नासत्या विचक्ष आधत्तं दस्त्रा भिषजावनुर्वन् १६
 आ वां रथं दुहिता सूर्यस्य कार्ष्मेवातिष्ठदर्वता जयन्ती ।
 विश्वे देवा अन्वमन्यन्त हृद्भिः समु श्रिया नासत्या सचेथे १७
 यदयातं दिवोदासाय वर्ति भ्ररद्वाजायाश्विना हयन्ता ।
 रेवदुवाह सचनो रथौ वां वृषभश्च शिंशमारश्च युक्ता १८
 रयिं सुक्षत्रं स्वपत्यमायुः सुवीर्यं नासत्या वहन्ता ।
 आ जह्वावीं समनसोप वाजै स्त्रिरहौ भागं दधतीमयातम् १९
 परिविष्टं जाहुषं विश्वतः सीं सुगेभिर्नक्तमूहथू रजौभिः ।

विभिन्दुना नासत्या रथेन वि पर्वताँ अजरयू अयातम् २०
 एकस्या वस्तोरावतं रणाय वशमश्विना सनये सहस्रा ।
 निरहतं दुच्छुना इन्द्रवन्ता पृथुश्रवसो वृषणावरातीः २१
 शरस्य चिदार्वत्कस्यावतादा नीचादुच्चा चक्रथुः पातवे वाः ।
 शयवे चिन्नासत्या शचीभिर्जसुरये स्तर्ये इंपप्यथुर्गाम् २२
 अवस्यते स्तुवते कृष्णियाय ऋजूयते नासत्या शचीभिः ।
 पशुं न नष्टमिव दर्शनाय विष्णाप्वं ददथुर्विश्वकाय २३
 दश रात्रीरशिवेना नव द्यू नवनद्धं शनथितमुप्स्वशन्तः ।
 विप्रुतं रेभमुदनि प्रवृक्त मुन्निन्यथुः सोममिव स्रुवेण २४
 प्र वां दंसास्यश्विनाववोच मस्य पतिः स्यां सुगर्वः सुवीरः ।
 उत पश्यन्नशुवन् दीर्घमायु रस्तामिवेज्रिमार्णो जगम्याम् २५

(११७) सप्तदशोत्तरशततमं सूक्तम्

(१-२५) पञ्चविंशत्यृचस्यास्य सूक्तस्यौशिजो दैर्घतमसः कक्षीवान् ऋषिः ।

अश्विनौ देवते । त्रिष्टुप् छन्दः

मध्वः सोमस्याश्विना मदाय प्रतो होता विवासते वाम् ।
 बर्हिष्मती रातिर्विश्रिता गी रिषा यातं नासत्योप वाजैः १
 यो वामश्विना मनसो जवीयान् रथः स्वश्वो विश आजिगाति ।
 येन गच्छथः सुकृतौ दुरोणं तेन नरा वर्तिरस्मभ्यं यातम् २
 ऋषिं नरावहंसः पाञ्चजन्य मृबीसादत्रिं मुञ्चथो गणेन ।
 मिनन्ता दस्योरशिवस्य माया अनुपूर्वं वृषणा चोदयन्ता ३
 अश्वं न गूहळमश्विना दुरेवै ऋषिं नरा वृषणा रेभमप्सु ।
 सं तं रिणीथो विप्रुतं दंसौभिर्न वां जूर्यन्ति पूर्व्या कृतानि ४
 सुषुप्वांसं न निर्ऋतेरुपस्थे सूर्यं न दस्त्रा तमसि क्षियन्तम् ।
 शुभे रुक्मं न दर्शतं निखातं मुदूपथुरश्विना वन्दनाय ५
 तद् वां नरा शंस्यं पञ्जियेण कक्षीवता नासत्या परिज्मन् ।
 शफादश्वस्य वाजिनो जनाय शतं कुम्भाँ असिञ्चतं मधूनाम् ६
 युवं नरा स्तुवते कृष्णियाय विष्णाप्वं ददथुर्विश्वकाय ।
 घोषायै चित् पितृषदै दुरोणे पतिं जूर्यन्त्या अश्विनावदत्तम् ७
 युवं श्यावाय रुशतीमदत्तं महः क्षोणस्याश्विना करवाय ।

प्र॒वाच्यं॑ तद् वृषणा॑ कृतं वां यन्ना॑र्षदाय॒ श्रवो॑ अ॒ध्यर्ध॑त्तम् ८
 पु॒रू व॑र्षा॒स्यश्वि॑ना द॒धाना॑ नि पे॒दव॑ ऊ॒हथु॑राशुम॒श्वम् ।
 स॒हस्र॑सां वा॒जिन॑म॒प्रती॑त म॒हिह॑नं श्रव॒स्यंश् त॑रु॒त्रम् ९
 ए॒तानि॑ वां श्रव॒स्या सु॑दानू ब्रह्मा॑ङ्गुषं स॒दनं॑ रो॒दस्योः॑ ।
 यद् वां पु॒ज्रासो॑ अ॒श्विना॑ ह॒वन्ते॑ या॒तमि॑षा च॒ वि॒दुषे॑ च॒ वाज॑म् १०
 सू॒नोम॑र्निनाश्विना गृणा॒ना वाजं॑ वि॒प्राय॑ भुरणा॒ रद॑न्ता ।
 अ॒गस्त्ये॑ ब्रह्म॑णा वावृ॒धाना॑ सं वि॒श॒पला॑ नासत्यारिणी॒तम् ११
 कु॒ह या॑न्ता सु॒ष्टुतिं॑ का॒व्यस्य॑ दि॒वो न॑पाता वृषणा॑ श॒युत्रा॑ ।
 हि॒र॒ण्यस्ये॑व क॒लशं॑ नि॒खात् मु॑दू॒पथु॑र्द॒शमे॑ अ॒श्विना॑हन् १२
 यु॒वं च्य॑वा॒नम॑श्विना॒ जर॑न्तं पु॒नर्यु॑वा॒नं च॑क्रथुः श॒चीभिः॑ ।
 यु॒वो रथं॑ दु॒हिता॑ सू॒र्यस्य॑ स॒ह श्रि॒या ना॑सत्यावृणी॒त १३
 यु॒वं तु॒ग्राय॑ पू॒र्व्येभि॑रेवैः पु॒नर्म॑न्याव॒भव॑तं यु॒वाना॑ ।
 यु॒वं भु॒ज्युम॑र्णो॒सो निः॑ संमु॒द्राद् वि॑भि॒रूह॑थु॒र्त्रजे॑भि॒रश्वैः॑ १४
 अ॒जो॒हवी॑दश्विना॒ तौग्र॑चो॒ वां प्रो॑हळः॒ समु॑द्रम॒व्यथि॑र्जग॒न्वान् ।
 नि॒ष्टमू॑हथुः सु॒युजा॑ रथे॒न मनो॑जवसा वृषणा॑ स्व॒स्ति १५
 अ॒जो॒हवी॑दश्विना॒ वर्तिका॑ वा मा॒स्रो यत् सी॒ममु॑ञ्चतं वृ॒कस्य॑ ।
 वि॒ ज॒युषा॑ ययथुः सान्व॒द्रैर्जा॑तं वि॒ष्वाचो॑ अ॒हतं॑ वि॒षेण॑ १६
 श॒तं मे॑षान् वृ॒क्यै माम॑हानं॒ तम् प्र॑णी॒तम॑शि॒वेन॑ पि॒त्रा ।
 आ॒क्षी ऋ॒ज्राश्वे॑ अ॒श्विनाव॑धत्तं॒ ज्योति॑र॒न्धाय॑ च॒क्रथु॑र्वि॒चक्षे॑ १७
 श॒नम॑न्धाय॒ भर॑म॒ह्यत् सा॑ वृ॒कीर॑श्विना वृषणा॒ नरे॑ति ।
 जा॒रः क॒नीन॑ इव चक्ष॒दान॑ ऋ॒ज्राश्वैः॑ श॒तमे॑कं च मे॒षान् १८
 म॒ही वा॑मू॒तिर॑श्विना म॒योभू॑रु॒त स्रामं॑ धि॒ष्या॒ सं रि॑णीथः ।
 अ॒था यु॑वामि॒दह्य॑त् पु॒रधि॑ राग॒च्छतं॑ सीं वृषणा॒ववो॑भिः १९
 अ॒र्धेनुं॑ द॒स्त्रा स्त॑र्यं॒ विष॑क्ता॒ मपि॑न्वतं श॒यवै॑ अ॒श्विना॑ गाम् ।
 यु॒वं श॒चीभि॑र्वि॒मदा॑य॒ जायां॑ न्यू॒हथुः॑ पु॒रुमि॑त्रस्य॒ योषा॑म् २०
 य॒वं वृ॑कै॒णाश्वि॑ना व॒पन्ते॑ षं दु॒हन्ता॑ मनु॒षाय॑ द॒स्त्रा ।
 अ॒भि द॑स्युं ब॒कुरे॑णा॒ धम॑न्तो॒ रु ज्योति॑श्च॒क्रथु॑रा॒र्याय॑ २१
 आ॒थर्व॑णाया॒श्विना॑ द॒धीचे॑ ऽश्व॒यं शि॒रः प्र॑त्यै॒रय॑तम् ।
 स वां मधु॑ प्र॒ वौच॑दृ॒ताय॑न् त्वा॒ष्ट्रं यद् द॑स्त्राव॒पिक॑क्ष्यं॒ वाम् २२
 सदा॑ क॒वी सु॑म॒तिमा॑ च॒के वां॑ वि॒श्वा धि॑यो॒ अश्वि॑ना॒ प्राव॑तं मे ।

अस्मे रयिं नासत्या बृहन्तं मपत्यसाचं श्रुत्य रराथाम् २३
 हिरण्यहस्तमश्विना रराणा पुत्रं नरा वधिमत्या अदत्तम् ।
 त्रिधा ह श्यावमश्विना विकस्त मुञ्जीवसं ऐरयतं सुदानू २४
 एतानि वामश्विना वीर्याणि प्र पूर्व्यागयायवो ऽवोचन् ।
 ब्रह्म कृणवन्तो वृषणा युवभ्यां सुवीरांसो विदथमा वदेम २५

(११८) अष्टादशोत्तरशततमं सूक्तम्

(१-११) एकादशर्चस्यास्य सूक्तस्यौशिजो दैर्घतमसः कक्षीवान् ऋषिः । अश्विनौ
 देवते । त्रिष्टुप् छन्दः

आ वां रथौ अश्विना श्येनपत्वा समृळीकः स्ववाँ यात्वर्वाङ् ।
 यो मर्त्यस्य मनसो जवीयान् त्रिवन्धुरो वृषणा वातरंहाः १
 त्रिवन्धुरेण त्रिवृता रथेन त्रिचक्रेण सुवृता यातमर्वाक् ।
 पिन्वतं गा जिन्वतमर्वतो नो वर्धयतमश्विना वीरमस्मे २
 प्रवद्यामना सुवृता रथेन दस्त्राविमं शृणुतं श्लोकमद्रैः ।
 किमुङ्ग वां प्रत्यवर्ति गमिष्ठा हविर्प्रासो अश्विना पुराजाः ३
 आ वां श्येनासौ अश्विा वहन्तु रथे युक्तासं आशर्वः पतङ्गाः ।
 ये अमुरौ दिव्यासो न गृध्रा अभि प्रयो नासत्या वहन्ति ४
 आ वां रथं युवतिस्तिष्ठदत्र जुष्टी नरा दुहिता सूर्यस्य ।
 परि वामश्चा वपुषः पतङ्गा वयो वहन्त्वरुषा अभीकै ५
 उद् वन्दनमैरतं दंसनाभि रुद्रेभं दस्त्रा वृषणा शचीभिः ।
 निष्टौग्रयं पारयथः समुद्रात् पुनश्चयवानं चक्रथुर्युवानम् ६
 युवमत्रयेऽवनीताय तप्त मूर्जमोमानमश्विनावधत्तम् ।
 युवं कणवायापिरिप्ताय चक्षुः प्रत्यधत्तं सुष्टुतिं जुजुषाणा ७
 युवं धेनुं शयवे नाधिताया पिन्वतमश्विना पूर्व्याय ।
 अमुञ्चतं वर्तिकामंहसो निः प्रति जङ्घां विश्पलाया अधत्तम् ८
 युवं श्वेतं पेदव इन्द्रजूत महिहनमश्विनादत्तमश्वम् ।
 जोहूत्रमर्यो अभिभूतिमुग्रं सहस्रसां वृषणं वीड्वङ्गम् ९
 ता वां नरा स्वर्वसे सुजाता हवामहे अश्विना नाधमानाः ।
 आ न उप वसुमता रथेन गिरौ जुषाणा सुविताय यातम् १०
 आ श्येनस्य जर्वसा नूतनेना स्मे यातं नासत्या सजोषाः ।

हवे हि वामश्विना रातहव्यः शश्वत्तमाया उषसो व्युष्टौ ११

(११६) एकोनविंशत्युत्तरशततमं सूक्तम्

(१-१०) दशर्चस्यास्य सूक्तस्यौशिजो दैर्घतमसः कक्षीवान् ऋषिः । अश्विनौ देवते
। जगती छन्दः

आ वां रथं पुरुमायं मनोजुवं जीराश्वं यज्ञिर्यं जीवसे हवे ।
सहस्रकेतुं वनिनं शतद्वसुं श्रुष्टीवानं वरिवोधामभि प्रयः १
ऊर्ध्वा धीतिः प्रत्यस्य प्रयाम् न्यधायि शस्मन्त्समयन्त आ दिशः ।
स्वदामि घर्मं प्रति यन्त्युतय आ वामूर्जानी रथमश्विनारुहत् २
सं यन्मिथः पस्पृधानासो अगमत शुभे मखा अमिता जायवो रणौ ।
युवोरहं प्रवणे चैकिते रथो यदश्विना वहथः सूरिमा वरम् ३
युवं भुज्युं भुरमाणं विभिर्गतं स्वयुक्तिभिर्निवहन्ता पितृभ्य आ ।
यासिष्टं वर्तिवृषणा विजेन्यं दिवोदासाय महिं चेति वामवः ४
युवोरश्विना वपुषे युवायुजं रथं वाणीं येमतुरस्य शर्ध्यम् ।
आ वां पतित्वं सख्याय जग्मुषी योषावृणीत् जेन्या युवां पती ५
युवं रेभं परिषूतेरुरुष्यथो हिमेन घर्मं परितप्तमत्रये ।
युवं शयोरवसं इंप्यथुर्गवि प्र दीर्घेण वन्दनस्तार्यायुषा ६
युवं वन्दनं निर्त्रितं जरणयया रथं न दस्त्रा करणा समिन्वथः ।
क्षेत्रादा विप्रं जनथो विपन्यया प्र वामत्रं विधते दंसना भुवत् ७
अगच्छतं कृपमाणं परावति पितुः स्वस्य त्यजसा निबाधितम् ।
स्वर्वतीरित ऊतीर्युवोरहं चित्रा अभीके अवन्नभिष्टयः ८
उत स्या वां मधुमन्मक्षिकारपु न्मदे सोमस्यौशिजो हुवन्यति ।
युवं दधीचो मन आ विवासथो ऽथा शिरः प्रति वामश्वयं वदत् ९
युवं पेदवै पुरुवारमश्विना स्पृधां श्वेतं तरुतारं दुवस्यथः ।
शरैरभिद्युं पृतनासु दुष्टरं चर्कृत्यमिन्द्रमिव चर्षणीसहम् १०

(१२०) विंशत्युत्तरशततमं सूक्तम्

(१-१२) द्वादशर्चस्यास्य सूक्तस्यौशिजो दैर्घतमसः कक्षीवान् ऋषिः । अश्विनौ
देवते । (१, १०-१२) प्रथमर्चः दशम्यादितृचस्य च गायत्री (२) द्वितीयायाः
ककुप् (३) तृतीयायाः काविराट् (४) चतुर्थ्या नष्टरूपी (५) पञ्चम्यास्तनुशिरा

(६) षष्ठ्या उष्णिक (७) सप्तम्या विष्टारबृहती (८) अष्टम्याः कृतिः (९)
नवम्याश्च विराट् छन्दांसि

का रा॒ध॒द्धो॒त्रा॒श्विना वा॒ं को वा॒ं जोष॑ उ॒भयोः॑ । क॒था वि॒धा॒त्यप्र॑चेताः १
वि॒द्वांसा॒विद् दुः॑ पृ॒च्छे द॒वि॒द्वा॒नि॒त्थाप॑रो अ॒चेताः॑ । नू चि॒न्नु म॒र्ते अ॒क्रौ २
ता वि॒द्वांसा॑ हवामहे वा॒ं ता नो॑ वि॒द्वांसा॑ म॒न्म वो॑चेतम॒द्य ।
प्रा॒र्चद् द॑र्य॒मानो यु॒वाकुः॑ ३
वि पृ॒च्छामि पा॒क्या॒इ न दे॒वान् व॑षट्कृतस्या॒द्भुत॑स्य द॒स्रा ।
पा॒तं च॑ स॒ह्यसो॑ यु॒वं च॑ र॒भ्यसो॑ नः ४
प्र या घोषे भृ॒गवा॑णे न शोभे यया वा॒चा य॑जति प॒ज्जियो॑ वाम् । प्रै॒षयु॑र्न
वि॒द्वान् ५
श्रु॒तं गा॑य॒त्रं त॑क॒वान॒स्या हं चि॒द्धि रि॑रेभा॒श्विना॑ वाम् । आ॒क्षी शु॑भस्पती द॒न्
६
यु॒वं ह्या॑स्तं म॒हो र॑न् यु॒वं वा॒ यन्निर॑तंतंस॒तम् ।
ता नो॑ व॒सू सु॒गोपा॑ स्या॒तं पा॒तं नो॑ वृ॒का॒दघा॑योः ७
मा क॒स्मै धा॑तम॒भ्यमि॒त्रिणे॑ नो॒ माकु॑त्रा॒ नो गृ॑हेभ्यो॒ धे॒नवो॑ गुः ।
स्त॒नाभु॑जो अ॒शि॒श्वीः ८
दु॒ही॒यन् मि॒त्रधि॑तये यु॒वाकु॑ रा॒ये च॑ नो मि॒मीतं॑ वा॒जव॑त्यै ।
इ॒षे च॑ नो मि॒मीतं॑ धे॒नु॒मत्यै॑ ९
अ॒श्विनो॑र॒सनं॑ रथं म॒नु॒श्वं वा॒जिनी॑वतोः । ते॒नाहं॑ भूरि॒ चाक॑न १०
अ॒यं स॑म॒ह मा॒ तनू॑ ह्या॒ते ज॑नाँ अनु॒ । सो॒म॒पेयं॑ सु॒खो र॑थः ११
अ॒ध स्व॑प्र॒स्य नि॒र्विदे॑ ऽभु॒ञ्जत॑श्च रे॒वतः॑ । उ॒भा ता॑ ब॒स्त्रि॑ नश्यतः १२

(१२१) एकविंशत्युत्तरशततमं सूक्तम्

(१-१५) पञ्चदशर्चस्यास्य सूक्तस्यौशिजो दैर्घतमसः कक्षीवान् ऋषिः । इन्द्रो विश्वे
देवा वा देवताः । त्रिष्टुप् छन्दः

क॒दि॒त्था नूँः पा॒त्रं दे॒वय॑तां श्रव॒ग् गि॒रो अ॒ङ्गि॑रसां तु॒रय॑न् ।
प्र य॒दान॒ड्वि॒वश॑ आ ह॒र्म्यस्यो॑ रु॒ क्रंस॑ते अ॒ध्वरे॑ य॒जत्रः॑ १
स्त॒भी॒द्ध द्यां स॑ ध॒रुणं॑ पु॒षाय॑ दृ॒भुर्वा॑जाय॒ द्रवि॑णं॒ नरो॑ गोः ।
अ॒नु स्व॑जां म॒हिष॑श्च॒क्षत् वा॑ मे॒नाम॑श्च॒स्य परि॑ मा॒तरं॒ गोः २
न॒क्ष॒द्धव॑म॒रुणीः॑ पू॒र्व्य रा॑ट् तु॒रो वि॒शाम॑ङ्गि॒रसाम॑नु॒ द्यून् ।

तद्दद् वज्रं नियुतं तस्तम्भद् दद्यां चतुष्पदे नर्याय द्विपादे ३
 अस्य मदे स्वर्यं दा ऋताया पीवृतमुस्त्रियाणामनीकम् ।
 यद्ध प्रसर्गे त्रिककुम्भिवर्त दप द्रुहो मानुषस्य दुरौ वः ४
 तुभ्यं पयो यत् पितरावनीतां राधः सुरेतस्तुरणै भुरण्यू ।
 शुचि यत् ते रेक्ण आयजन्त सबर्दुघायाः पर्य उस्त्रियायाः ५
 अध प्र जज्ञे तरणिर्ममत्तु प्र रौच्यस्या उषसो न सूरः ।
 इन्दुर्येभिराष्ट स्वेदुहव्यैः स्रुवेण सिञ्चञ्जरणाभि धाम ६
 स्विध्मा यद् वनधितिरपस्यात् सूरौ अध्वरे परि रोधना गोः ।
 यद्ध प्रभासि कृत्व्याँ अनु द्यू ननर्विशे पश्चिषै तुराय ७
 अष्टा महो दिव आदो हरी इह द्युम्नासाहमभि यौधान उत्सम् ।
 हरि यत् तै मन्दिनं दुक्षन् वृधे गोरभसमद्रिभिर्वाताप्यम् ८
 त्वमायसं प्रति वर्तयो गो दिवो अश्मानमुपनीतमृभवा ।
 कुत्साय यत्र पुरुहूत वन्व ञ्छुष्णामनन्तैः परियासि वृधैः ९
 पुरा यत् सूरस्तमसो अपीते स्तमद्रिवः फलिगं हेतिमस्य ।
 शुष्णस्य चित् परिहितं यदोजौ दिवस्परि सुग्रथितं तदादः १०
 अनु त्वा मही पाजसी अचक्रे द्यावाक्षामा मदतामिन्द्र कर्मन् ।
 त्वं वृत्रमाशयानं सिरासु महो वज्रेण सिष्वपो वराहुम् ११
 त्वमिन्द्र नर्यो याँ अवो नृन् तिष्ठा वातस्य सुयुजो वहिष्ठान् ।
 यं तै काव्य उशना मन्दिनं दाद् वृत्रहणं पार्यं ततद् वज्रम् १२
 त्वं सूरौ हरितौ रामयो नृन् भरञ्चक्रमेतशो नायमिन्द्र ।
 प्रास्यं पारं नवृतिं नाव्याना मपि कर्तमवर्तयोऽयज्यून् १३
 त्वं नो अस्या इन्द्र दुर्हणायाः पाहि वज्रिवो दुरितादभीकै ।
 प्र नो वाजान् रथ्योरे अश्वबुध्या निषे यन्धि श्रवसे सूनृतायै १४
 मा सा तै अस्मत् सुमतिर्वि दसद् वाजप्रमहः समिषो वरन्त ।
 आ नो भज मघवन् गोष्वर्यो मंहिष्ठास्ते सधमार्दः स्याम १५
 इति प्रथमोऽष्टकः १